

Missiliuut 12. december 2006-meersoq, iluarsineqartooq 9. november 2007**Aktieselskabit pillugit inatsisip Kalaallit Nunaani atortuulersinneqarneranik peqqussut**

UAGUT MARGRETHE AAPPAAT, Guutip Saammaanneranik Danmarkip Dronningia, nalunaarpugut:

Inatsit nr. 303 30. april 2003-meersumi¹ § 4 aktieselskabet pillugit inatsisip aamma anpartselskabet pillugit inatsisip allangortinnerinut tunngasoq (Qarasaasiaq atorlugu ataatsimeersuarneq aamma qaraasaasiaq atorlugu attaveqaqatigiinneq il.il. aamma anpartsselskabet aggorneqarneri), inatsit nr.226 31. marts 2004-meersumi² § 6 aktieselskabet pillugit inatsisip, anpartselsskabet pillugit inatsisip, pisortanit pigineqartup namminersortup ingerlatsivik DSB pillugu inatsisip aamma DSB-tog A/S pillugu aamma akileraartarneq pillugu inatsisip allangortinnerinut tunngasoq (immikkut ittumik iluanaaruteqarnissamik periarfissaq, agguaanissamut aalajangersakkat paasinarluartut aamma sumi najugaqarnissamik piunasaqaatip il.il. atorunnaarnera), inatsit nr. 246 27. marts 2006-meersumi § 8, imm. 2³ aktieselskabet pillugit inatsisip, anpartsselskabet pillugit inatsisip, Sulliviit inuutissarsiutitut ingerlatat ilaat pillugit inatsisip, aningaasaateqarfiit inuutissarsiutitut ingerlatat pillugit inatsisip, lov om det europæiske selskab (Inatsit-takuuk) allangortinneqarnerinut tunngasoq aamma lov om det Centrale Virsomhedsregister (allaffissornermi nammatanik piuninarsaaneq aamma oqilisaaneq kiisalu suliffeqarfiit mikisut ilaannut il.il. kukkunersiuisussaataitanerup annikillisarneqarnerata kingunerisaanik allannguutit) aamma inatsit nr. 455 22. maj 2006-meersumi § 4⁴ aktieselskabet pillugit inatsisip, aamma anpartsselskabet pillugit inatsisip allangortinneqarnerinut tunngasoq (Malitassiap 2003/587EF piviusunngortinneqarnera) allangortinneqarnerinut tunngasoq, aalajangerneqarpoq, inatsisip Kalaallit Nunaannut atuutissasut, taamaalilluni aktieselskabet pillugit inatsit 1. august 2008-mit Kalaallit Nunaannut atuutilissaaq imatut oqaasertaqarluni:

Kapitali 1*Aalajangersakkat aallaqqaasiutaasut*

§ 1. Inatsit manna aktieselskabinut inuussutissarsiummik ingerlatalinnut tamanut atuuppoq.
Imm. 2. Aktieselskabimi piginneqataasut ingerlatseqatigiiffiup pisussaaffii pillugit inuttut akissusaatitaanngillat.
Imm. 3. Aktieselskabimut aningaasaliissutit ikinnerpaamik 500.000 koruuninik naleqassapput. Aningaasaliissutit danskit koruuniisut imaluunniit euro-tut tagginneqassapput. Erhvervs- og Selskabsstyrelsen nalunaarusiornermigut akuerisinnaavaa aningaasaliissutit nunat allat aningaasaanut tagginneqarsinnaasut. Taamatuttaaq Styrelsen aalajangersarsinnavaai malittarisassat erseqqinnerusut nunap allap aningaasaanik atuuinissami piunasaqaatit aamma tamatumap qaqugukkat pisinnaaneranut tunngasut.

Imm. 4. Inatsit atuutissanngilaq ingerlatseqatigiiffinnut, ilaasortat pisisartutut, nioqutissianik tunisaqartartutut imaluunniit allatut iliorluni sullivinni peqataanertik aqputigalugu ataatsimoorlutik soqutigisaasa siuarsarneqarnissaannik sulinissamik siunertaqartunut, malittarisassani aalajangerneqarsimappat, iluanaarutisiat - taassanngikkaanni aningaasaliissutit ileqquusumik ernialersugaasut - taamaallaat atorneqassasut ilaasortanut kaaviaartitsinermi peqataanerannut naleqquttumik agguagassatut, aammalu pigisat ingerlatseqatigiiffiup atorunnaarsinneqarnerani - aningaasaliissutaasimasut utertinneqareerneratigut - taamatulli agguanneqassasut, taamaattorli tak. § 135.

§ 2. Ingerlatseqatigiiffik piginnittoq ingerlatseqatigiiffiutaalu ataatsimoorlutik ingerlatseqatigiiffissuurtut naatsorsuunneqassapput.

Imm. 2. Aktieselskabi ingerlatseqatigiiffittut piginnittutut naatsorsuunneqassaaq:

- 1) aktieselskabimi anpartsselskabimiluunniit taasisinnaanerit amerlanerussuteqaataasut pigipagit,
- 2) aktieselskabimi anpartsselskabimiluunniit piginneqataaguni ingerlatseqatigiiffiullu siulersuisusaanik amerlanerussuteqartumik toqqaasinnaatitaallunilu tunuartitsinnaatitaaguni imaluunniit, anpartsselskabi siulersuisoqanngikkaangat, taassumap qullersaqarfiani atorfinitsisisinnaagaangami soraarsitsisinnaatitaagaangamiluunniit,
- 3) aktieselskabimi anpartsselskabimiluunniit piginneqataaguni ingerlatseqatigiiffiullu malittarisassai imaluunniit isumaqatigiissuteqarfigineqarnera tunngavigalugu, ingerlatseqatigiiffimmi aalajangiisutut sunniuteqaruni,
- 4) aktieselskabimi anpartsselskabimiluunniit piginneqataaguni piginneqataasulli allat isumaqatigiissuteqarfiginerisigut, ingerlatseqatigiiffimmi taasisinnaanerit amerlanerussuteqartut pigipagit, imaluunniit
- 5) aktieselskabimi anpartsselskabimiluunniit piginneqataaguni tassanilu aalajangiisutut sunniuteqaruni.

Imm. 3. Aktieselskabi anpartsselskabimiluunniit ingerlatseqatigiiffittut pigineqartutut naatsorsuunneqassaaq, ingerlatseqatigiiffik piginnittoq imm. 2-mi taaneqartutut ingerlatseqatigiiffimmut attuumassuteqarpat. Tamannali atuutissanngilaq, aalajangiisutut sunniuteqarneq, malittarisassat § 168, imm. 5-imi aalajangersagaq tunngavigalugu atuutsiinnarneqartut, naapertorlugit pippat.

Imm. 4. Taasisinnaatitaanerit aamma siulersussanik toqqaasinnaatitaanermut qullersaqarfimilu pisortassanik atorfinitsisisinnaanermut tunuartitsisinnaatitaanermullu piginnaatitaaffiit naatsorsorneqarnerini ilanngullugit naatsorsuunneqassapput piginnaatitaaffiit, ingerlatseqatigiiffimmik piginnittumit ingerlatseqatigiiffiutaanillu pigineqartut.

Imm. 5. Ingerlatseqatigiiffiup pigineqartup taasisinnaatitaanerisa naatsorsornerini ilanngullugit naatsorsuunneqassanngillat ingerlatseqatigiiffiup pigineqartup nammineq imaluunniit taassuma ingerlatseqatigiiffiutaasa piginneqataassutaannik tunngaveqartumik taasisinnaatitaaneri.

§ 2 a. Aktieselskabi naalagaaffiup aktieselskabiutaatut naatsorsuunneqassaaq, piginnittutut ingerlatseqatigiiffiup pigisaminut attuumassuteqarneratulli qallunaat naalagaaffiat aktieselskabimut attuumassuteqarpat, tak. § 2.

Stk. 2. Ingerlatseqatigiiffiit, Kalaallit Nunaanni Namminersornerullutik Oqartussat assinganik ingerlatseqatigiiffimmut attaveqartut, soorlu piginnittutut ingerlatsivik ingerlatsivimmu pigisaminut attaveqartoq, inatsimmi matumani naalagaaffiup aktieselskabiutaannut malittarisassanik aamma ukiumoortumik naatsorsuusiata pillugit inatsimmik kunngip peqqussuteqarneratigut Kalaallit Nunannut atortuulerinneqartunik malinninnissaat pillugu malittarisassanik Er-

hvervs- og selskabsstyrelsi aalajangersaasinnaavoq, soqutigisat inuiaqatigiinnut tunngasut immikkut ittut tamatumunnga tulluarsorinarpata. Ingerlatseqatigiiffik Erhvervs- og selskabsstyrelsimut ilisimatitsissuteqartussaataivoq naalagaaffiup aktieselskabiutaannut malittarisassani pineqarpat, aamma malittarisassani taakkunani pineqarunnaaruni.

Kapitali 2

Aktieselskabinik pilersitsineq

§ 3. Aktieselskabi pilersitsisumit ataatsimit arlalinnilluunniit pilersinneqarsinnaavoq. Pilersitsisut pilersitsinermi allagartaq atsiussavaat, taassumalu imarissavai ingerlatseqatigiiffiup malittarisassaatus missiliuutit §§ 5-imi 6-imilu taaneqartut pillugit aalajangersakkat.

Imm. 2. Pilersitsisut nammineersinnaassuseqassapput aammalu akilersuiunnaarallartutut aki-liisinnaajunnaartutulluunniit nalunaarutigineqarsimassanatik. Pilersitsisoq inuuppat, taanna nammineersinnaassuseqassaaq aamma nammineersinnaassuseqarneq pillugu inatsit kunngip peqqussuteqarneratigut Kalaallit Nunaannut atortuulersinneqartoq naapertorlugu sinniisuutitaqassan-ngilaq.

§ 4. Malittarisassat makku pillugit aalajangersakkanik imaqassapput:

- 1) ingerlatseqatigiiffiup aqqa saniatigullu taaguuteqassappat taaguutai,
- 2) maani nunami kommuni ingerlatseqatigiiffiup najugaqarfigisassaa (qitiusumik allaffeqarfigisassaa),
- 3) ingerlatseqatigiiffiup siunertaa,
- 4) aningaasaliissutit amerlassusaat. Pilersitsiniarluni ataatsimeersuarnerup tungaanut aningaasaliissutigiumaneqarsimasut minnerpaaffissaat annerpaaffissaallu nalunaarneqarsinnaapput,
- 5) piginneqataassutit naleqassusaat, (aningaasannorlugu) aammalu piginneqataasut taasisinnaassuseqarnerat,
- 6) siulersuisut ilaasortaasa sinniisussa qarpatalu aamma taakku amerlassusaat imaluunniit ikinnerpaaffissaat amerlanerpaaffissaallu kiisalu siulersuisut ilaasortaatus qinigaaffiup sivilissusia,
- 7) amerlassusaat imaluunniit kukknersiuisut ikinnerpaaffissaat amerlanerpaaffissaallu kiisalu kukknersiuisutut qinigaaffiup sivilissusia, ingerlatseqatigiiffik ukiumoortumik naatsorsuutit pillugit inatsimmi kunngip peqqussuteqarneratigut imaluunniit inatsisiliornikkut allatigut Kalaallit Nunaannut atortuulersinneqartut naapertorlugit kukknersiuisussaataitanermi pineqarpat, tak. § 82, imm. 1,
- 8) ataatsimeersuariaqqusisarneq,
- 9) ileqqusumik ataatsimeersuarnermi suliasat suut oqaluuserineqassanersut,
- 10) piffissaq ingerlatseqatigiiffiup ukiumoortumik naatsorsuusiortfigisartagassaa,
- 11) piginneqataassutit inuup aqqanut nalunaarsorneqassanersut imaluunniit qaqugumulluunniit tigumminnittumut nalunaarsorneqartassanersut, aamma
- 12) ingerlatseqatigiiffimmi piginneqataassutit tuniarneqartarsinnaannginnersut.

Imm. 2. Makku pillugit aalajangersaasoqarsimappat malittarisassanut ilanngunneqassapput:

- 1) piginneqataasut ingerlatseqatigiiffimmut allanulluunniit piginneqataassutiminnik, tamakkiisumik ilaannakortumilluunniit, akilersillugit utertitsinissaannik pisussaaffiligaasimanagerat, tak. § 20 a,
- 2) piginneqataassutit tunineqarsinnaanerannik killilersuinerit, tak. §§ 19 aamma 20,

- 3) piginneqataassutit ilaasa immikkut pisinnaatitaaffeqarnerat, tak. § 17,
 - 4) siulersuisut ilaasortaasa pisortallu § 60, imm. 3, naapertorlugu ingerlatseqatigiiffik sinnerlugu atsiorsinnaatitaanerannik killiliinerit, imaluunniit
 - 5) qullersaqarfiup pingasunit amerlanerusunik pisortaqaarnissaa, tak. § 51, imm. 1.
- Imm. 3.* Imm. 2, nr. 5-imi taaneqartutut pisoqartillugu pisortat amerlanerpaaffissaat ikinnerpaaffissaallu nalunaarneqartassapput.

§ 5. Pilersitsinermi allagartaq paasissutissanik aalajangersakkanillu imaattunik imaqassaaq:

- 1) pilersitsisut aqqi, atorfia najugaalu,
- 2) piginneqataassutit pisiarineqarnerini naligititaq,
- 3) piginneqataassutit pisiariumallugit nalunaarnissamut akilerneqarnissaannullu piffissaliussat,
- 4) piffissap pilersitsiviusumik ataatsimeersuarfioreersimaffissap killilerneqarnera, aammalu qanoq iliorluni qanorlu siusitsigisumik kalerriuteqarluni ataatsimiigiaqqusisoqartassanersoq, § 9 naapertorlugu ataatsimeersuariaqqusinertaqanngitsumik ataatsimeersuortoqartinagu, kiisalu
- 5) pilersitsinermi aningaasartuutit ingerlatseqatigiiffiup akilissanerai taamaassappallu aningaasartuutissat missingersorneri.

§ 6. Makku pillugit aalajangersaasoqarsimappat pilersitsinermi allagartamut ilanngunneqassapput:

- 1) piginneqataassutit aningaasaanngitsunik allanilli nalilinnik akiliuteqarnikkut pisiarineqarsinnaasut (nalilinnik aningaasaliineq),
- 2) pilersitsisunut allanulluunniit immikkut ittunik pisinnaasaliisoqassasoq iluaqutissartaliisoqassasorluunniit,
- 3) pilersitsisunik allanilluunniit isumaqatigiissusiortoqassasoq, taamaaliornikkut ingerlatseqatigiiffimmut aningaasarsiornikkut annertunerusumik pisussaaffiliisoqaqqullugu, aamma
- 4) ingerlatseqatigiiffiup ukiumoortumik naatsorsuusiai kukkunersiorneqassannginnersut, ingerlatseqatigiiffik ukiumoortumik naatsorsuutit pillugit inatsimmi kunngip peqqussuteqarneratigut Kalaallit Nunaannut atortuulersinneqartut naapertorlugit kukkunersuiusussaataa-nermi pineqanngippat.

Imm. 2. Nalilinnik aningaasaliissutit aningaasanik nalilerneqarsinnaassapput. Taamatut aningaasaliinerit sulinissamik imaluunniit kiffartuussinissamik pisussaataitaaffiusunik imaqassanngillat. Pilersitsisut piginneqataassutinillu pisiuumallutik nalunaarsimasut akiitsui akiitsoqarfiisa piginneqataassutinik taarsertissinnaanngilaat, akiitsut qularnaveeqqusersimagaluarpataluunniit.

Imm. 3. Pilersitsinermi allagartami nassuiarneqassapput imm. 1-imi aalajangersakkanik naliinermi pissutsit pingaaruteqarsimasut. Aalajangersakkani pineqartut aqqi najugaallu nassuiaammut ilanngunneqassapput.

Imm. 4. Allagartat, pingaarnerusutut imarisaat pilersitsinermi allagartami taaneqarsimanngitsut, tassanili innersuussutigineqarsimasut, pilersitsinermi allagartamut ilanngunneqassapput.

Imm. 5. Pissutsit pilersitsinermi allagartami eqqaaneqarsimasut pillugit isumaqatigiissutit, tassanili akuersissutigineqarsimanngitsut, ingerlatseqatigiiffimmut atortuutinneqarsinnaanngillat.

§ 6 a. Ingerlatseqatigiiffik § 6, imm. 1, nr. 1 naapertorlugu pilersitsisunit inunnilluunniit allanit nalilinnik aningaasaliiffigineqarpat, naliliinermi nalunaarusiaq pilersitsinermi allagartamut ilanngunneqassaaq. Nalunaarusiaq makkuninnga imaqassaaq:

- 1) aningaasaliissutinut pissarsianulluunniit ataasiakkaanut nassuiaat,
- 2) naliliinermi periusaasimasut pillugit paasissutissat,
- 3) tigusinermi akiliutigineqartup aalajangersarneqarnera pillugu nalunaarut, aamma
- 4) naligititap minnerpaamik akiliutiginneqartussatut isumaqatigiissutaasimasup naleqatigine-ranik uppernarsaat, tassungalu ilanngullugu piginneqataassutit piginneqataasunut tunniun-neqartussat nalingat, sinnerlugulu naleqarsimappata taakku tapiullugit.

Imm. 2. Ingerlatseqatigiiffiup pilersinneqarnerminut atatillugu sullivik pioreersoq tiguppagu, naliliinermi nalunaarusiamuttaaq ilanngunneqassaaq ingerlatseqatigiiffiup pilersinneqarnermini naatsorsuutai. Pilersitsinermi naatsorsuutit allanngortinneqarsinnaassanngillat. Ukiu-moortumik naatsorsuutit saqqummiunneqartarnerat pillugu inatsit kunngip peqqussuteqarnera-tigut allatulluunniit inatsisiliornikkut Kalallitg Nunaannut atortussanngortinneqartoq naaper-torlugu kukkunersiuisitsisussaataappat, pilersitsinermi naatsorsuutit aammattaaq kukkunersiuisut atsiorterannik ilaqartinneqassapput.

Imm. 3. Naliliineq pilersitsiniarluni ataatsimeersuartitsinngitsiarneq sioqqullugu pissaq.

§ 6 b. Naliliinermi nalunaarusiaq naliliisartumit ataatsimit arlalinnilluunniit immikkut ilisima-salinnik qilersorsimanngitsunillu suliarineqassaaq. Pilersitsisut naliliisussatut toqqarsinnaa-vaat inatsisunik atortitsinermut ministerimit, akiitsoqarfiit annerit akiitsoqarfinnik allanik pinngitsaaliinerisigut akiitsunik millilerisoqassatillugu siunnersuisussatut immikkut ilisimasa-littut toqqagaasimasut, imaluunniit kukkunersiuisoq naalagaaffimmit akuerisaq imaluunniit kukkunersiuisoq nalunaarsorsimasoq. Kalaallit Nunaata Eqqartuussivia allatigut naliliisussa-nik toqqaasinnaavoq.

Imm. 2. Inatsimmi matumani § 54 b-mi aamma kukkunersiuisut naalagaaffimmit akuerisaasut nalunaarsorsimasullu pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 11-mi aalajangersakkat taamatutaaq naliliisussanut atuutissap-put.

Imm. 3. Naliliisussat paasissutissanik pisariaqarsorisaminnik paasiniaasinnaatitaapput, sulia-millu nammassinissaannut pilersitsunit ingerlatseqatigiiffimilluunniit paasissutissanik ikior-serneqarnissaminnilluunniit pisariaqarsorisaminnik piumasaqarsinnaallutik.

§ 6 c. Ingerlatseqatigiiffiup pilersitsisumit piginneqataasumilluunniit kinaassusia ingerlatseqa-tigiiffimmit ilisimaneqartumit, pissarsiai nalillit, § 6 a naapertorlugu pissarsiat eqqaassann-gikkaanni, ataatsimeersuartunit akuersissutigineqassapput, imaappat:

- 1) pilersitsinermi allagartap pilersinneqarnerani ulluliunneqarsimasumiit ingerlatseqatigiiffiup nalunaarsorneranut ukiut marluk qaangiutinngitsut pissarsisoqarsimappat, aamma
- 2) akiliutigineqartoq aningaasaliissutit minnerpaamik qulerarterutigippassuk.

Imm. 2. Ataatsimeersuarnermi atugassatut naliliinermi nalunaarusiortoqassaaq §§ 6 a aamma 6 b-mi aalajangersakkat naapertorlugit, siulersuisullu pissarsiarisaq allaganngorlugu nassuiaa-teqarfigissallugu. Naatsorsuutilli § 6 a, imm. 2 naapertorlugu oqimaaqatigiissaarnerat sulli-viup tiguneqartup tiguneqarnermini oqimaaqatigiissaarusiaatut suliarineqassaaq.

Imm. 3. Imm. 1-imi aalajangersagaq ingerlatseqatigiiffiup nalinginnaasumik niuernermi periu-saanut imaluunniit Fondsbørsi aqputigalugu pissarsiarisaanut atuutsinneqassanngilaq, tak. pappialanik nalilinnik niuernerq il. il. pillugit inatsimmi kunngip peqqussuteqarneratigut Ka-laallit Nunaanni atortussanngortinneqartumi § 7, imm. 1, nr. 1.

Imm. 4. Pissarsiarisanut nassuiaat naliliinermilu nalunaarusiaq saqqummiunneqassapput nassinneqassallutillu § 73, imm. 6-imi aalajangersakkat naapertorlugit. Allagartattaq ataatsimeersuarnermi saqqummiunneqassapput.

Imm. 5. Ataatsimeersuarnermi pissarsineq akuersissutigineqarneraniit sapaatit akunneri arfineq-marluk qaangiutsinnagit, naliliinermi nalunaarusiaq, ataatsimeersuarnermi aqutsisumit pissarsinerup qanga akuersissutigineqarsimaneranik uppersaaffigineqarsimasoq, Erhvervs- og Selskabsstyrelsimut nassiunneqassaaq.

§ 7. Piginneqataassutinik pisiumalluni nalunaarneq pilersitsinermi allagartamut imaluunniit pisiumasunut nalunaarfissanut, pilersitsinermi allagartap assilineranik ilanngussanillu allanik pisariaqarsorisanik ilaqartussamik, nalunaarsorneqassaaq. Siuliini taaneqartut najoqqutarinagit piginneqataassutinik pisiumalluni nalunaarneq, ingerlatseqatigiiffimmit patsisiginiarneqarsinnaanngilaq, piginneqataassutinik pisiumalluni nalunaartoq ingerlatseqatigiiffiup nalunaarsorneqarnera sioqqullugu Erhvervs- og Selskabsstyrelsimut assuarliuteqarsimappat.

Imm. 2. Qulartumik piginneqataassutinik pisiumalluni nalunaartoqarsimappat, piginneqataassutinik pisiumalluni nalunaarneq atuussinnaassuseqanngilaq. Ingerlatseqatigiiffiulli nalunaarsorneqarnera sioqqullugu Erhvervs- og Selskabsstyrelsimut assuarliuteqartoqarsimangippat, piginneqataassutinik pisiumalluni nalunaarneq eqqortitaassaaq qularutaarutissallunilu.

§ 8. Pilersitsisut aalajangissavaat piginneqataassutinik pisiumalluni nalunaarneq akuerineqarsinnaanersoq. Pilersitsisoq, pilersitsinermi allagartaq naapertorlugu pisiariumallugit nalunaarutigisimasaminiit annikinnerusunik piginneqataassutinik tunineqarsinnaanngilaq. Piginneqataassutinik pisiumallutik nalunaartut amerlavallaarpata, pilersitsisut pilersitsiniarluni ataatsimeersuariaqqusisoqartinnagu aalajangissavaat, piginneqataassutit qanoq amerlatigisut piginneqataassutinik pisiniarlutik nalunaartunut ataasiakkaanut pisiaritissanerlugit.

Imm. 2. Piginneqataassutinik pisiumalluni nalunaarneq akuerineqanngippat, imaluunniit pisiumalluni nalunaarneq pilersitsisunit atuussinnaanngitsutut isumaqarfigineqarpat, imaluunniit pisiumallutik nalunaartut amerlavallaarnerat peqqutigalugu pisiariumallugit nalunaarutigisimasat aningaasartassa at ikilisinneqarsimappata, pilersitsisut erngerlutik piginneqataassutinik pisiumalluni nalunaartoq pineqartoq nalunaarfigissavaat.

§ 9. Ingerlatseqatigiiffimmik pilersitsinissaq pilersitsiniarluni ataatsimeersuarnermi aalajangiunneqassaaq.

Imm. 2. Ataatsimeersuarnermi piginneqataassutit tamaasa pisiariumallugit nalunaarutigineqarpata aammalu piginneqataassutinik pisiumalluni nalunaartut akuerineqarsimasut tamarmik isumaqataappata, ingerlatseqatigiiffik ataatsimeersuarnissamik qaaqqusinertaqanngitsumik pilersinneqassasoq aalajangiunneqarsinnaavoq. Taamaanngippat pilersitsisut piginneqataassutinik pisiumallutik nalunaarsimasut tamaasa pilersitsiniarluni ataatsimeersuarnissamut qaaqqussavaat. Ataatsimeersuarnissamut tassungattaq inatsimmi malittarisassanilu aalajangersakkat ataatsimeersuarnernut tunngasut taamatulli atuutissapput.

Imm. 3. Pilersitsisut isumagissavaat piginneqataassutinik pisiumalluni nalunaarfiusimasut, ataatsimeersuarnissaq kingusinnerpaamik ullunik arfineq-pingasunik sioqqullugu, piginneqataassutinik pisiumallutik nalunaarsimasunut, piffimmi ataatsimiigiaqqusissummi taaneqarsimasumi, misissugassanngorlugu saqqummiunneqarnissaat.

Imm. 4. Piginneqataassutinik pisiumallutik nalunaarsuiffiit aammalu § 5, imm. 1, nr. 5-imi taaneqartoq aningaasartuutitut naatsorsuusiaq ataatsimeersuarnermi saqqummiunneqassapput. Nalunaarutigineqassapputtaaq piginneqataassutit aningaasartassa at akuerineqarsimasut, pigin-

neqataassutit pisiumallutik nalunaarsimasunut ataasiakkaanut agguataarneqarnerat aammalu aningaasat piginneqataassutinut akiliutigineqarsimasut. Nalunaarutit tamakku isumaqatigiinniarluni allattuiffimmut ilanngunneqassapput.

§ 10. Pilersitsiniarluni ataatsimeersuarnermi paasinarsippat aningaasaliissutit imaluunniit piginneqataassutinik pisiumalluni nalunaarutigineqartussat minnerpaaffissaat anguneqarsimanani lu pilersitsisunit akuerineqarsimanngitsoq, ingerlatseqatigiiffiup pilersinniarneqarnera piginneqataassutinillu pisiumallutik nalunaaruteqarsimasut pisussaaitaanerat atorunnaassapput. Aningaasat akiliutigineqarsimasut utertinneqassapput, taamaattorli pilersitsiniarnermi aningaasartuutaasimasut ilanngaatigineqarsinnaallutik, tamanna piginneqataassutinik pisiumalluni nalunaarnermi piumasarineqarsimappat.

Imm. 2. Pilersitsiniarluni ataatsimeersuarnermi malittarisassat imaluunniit pilersitsinermi allagartap allanngortinneqarnissaat apeqqutaalissagaluarpat, ingerlatseqatigiiffik pilersissallugu aalajangiisoqarsinnaanngilaq, apeqqut tamanna aalajangiiffigeqqaartinnagu. Pilersitsissalluni ataatsimeersuariaqqussummi malittarisassat allanngortinnissaat siunnersuutigineqarsimappat, siunnersuut, malittarisassat allanngortinnissaannut najoqqutassat naapertorlugit, akuersissutigineqarsinnaavoq. Pilersitsinermi allagartami taaneqarsimasunit amerlanerusunik aningaasaliissuteqarnissamik siunnersuut imaluunniit ingerlatseqatigiiffiup malittarisassaanik allannguuteqartitsinissamik siunnersuut, atatsimiigiaqqusissummi taaneqarsimanngitsoq, imaluunniit pilersitsinermi allagartap allatut allanngortinneqarnissaanik siunnersuut, taamaallaat akuerineqarsinnaavoq pilersitsisut piginneqataassutinillu pisiumallutik nalunaarsimasut tamarmik akuersineratigut.

Imm. 3. Ingerlatseqatigiiffiup pilersinnissaanik aalajangiinermut piumasarineqarpoq aalajangiineq taasisut amerlanersaanit ikinnerpaamik aningaasaliissutit tunngavigalugit ataatsimeersuarnermi taasisinnaasut $2/3$ -iinit akuerineqassasoq. Taamaangippat ingerlatseqatigiiffiup pilersinneqarnissaanik apeqqut atorunnaassaaq.

Imm. 4. Ingerlatseqatigiiffiup pilersinnissaanik aalajangiisoqareerpat siulersuisussanik kukkurnersuisuusinnaasumillu qinersisoqassaaq.

§ 11. Siulersuisut ingerlatseqatigiiffik nalunaarsugassanngorlugu nalunaarutigissavaat ullormiit pilersitsinermi allagartap pilersinneqarneraniit qaammatit arfinillit qaangiutsinnagit aamma pilersitsinermi allagartap ulluanit sapaatip akunneri pingasut qaangiutsinnagit.

Imm. 2. Ingerlatseqatigiiffik nalunaarsorneqarsinnaanngilaq, aningaasaliissutissat tamarmiusut pisussaaffiliisumik pisiarineqarnissaannik nalunaarutigisimasat agguarneqarsimasullu, malittarisassani aningaasaliissutissatut aalajangerneqarsimasutut amerlatiginngippata, piginneqataassutillu nalingat sinnerlugillu naleqarsimappata taakku nalingi ilanngullugit, akilerneqareertinnagit. Nalunaaruteqarneq imm. 1-imi taaneqartoq akiliisimanermut uppersarsaammik ilaqartinneqassaaq.

Imm. 3. Pilersitsinermik nalunaarut imm. 1-imi piffissaatitaq eqqorlugu Erhvervs- og Selskabsstyrelsimiit tiguneqarsimanngippat nalunaarsuisoqarsinnaanngilaq. Taamaattoqassappat piginneqataassutinik pisiumallutik nalunaarsimasut pisussaaitaaneri atorunnaassapput, takuuk § 10, imm. 1. Tamannattaq atuutissaaq nalunaarsuinissaq allamik pissuteqartumik itigartitsissutigineqarpat.

§ 12. Ingerlatseqatigiiffik nalunaarsorsimanngitsoq pinsinnaatitaalersinnaananilu pisussaaitaalersinnaanngilaq. Taamatuttaaq eqqartuussisutigut suliassiissutini peqataasinnaanngilaq, aningaasaliissutissatut nalunaarutigisimasanik akiliisitsiniarluni piginneqataajumalluniluunniit

nalunaarutit allat pillugit eqqartuussisutigut suliassiinerni peqataasinnaanera eqqaassanngikkaanni.

Imm. 2. Ingerlatseqatigiiffiup nalunaarsornera sioqqullugu ingerlatseqatigiiffik sinnerlugu pisussanngortitsisimanernut nammaqatigiimmik akisussaataapput inuit pisussanngortitsisimanernik suliaqarsimasut imaluunniit tamatumunnga akisussaaqataasut. Ingerlatseqatigiiffiup nalunaarsornermigut, pilersitsinermi allagartaq naapertorlugu imaluunniit pilersitsinermi allagartap atsiorneqarnerata kingornatigut ingerlatseqatigiiffiup pisussaaffigilersimasai, akisussaaffigilissavai.

Imm. 3. Ingerlatseqatigiiffiup nalunaarsorneqarnera sioqqullugu isumaqatigiissuteqartoqarsimappat, aammalu isumaqatigiissuteqatigisap ilisimappagu ingerlatseqatigiiffik nalunaarsorneqarsimanngitsoq allamillu isumaqatigiissuteqartoqarsimanngippat, isumaqatigiissuteqatigisap isumaqatigiissut atorunnaarsissinnaavaa, § 11, imm. 1-imi piffissaataaq eqqorlugu ingerlatseqatigiiffik nalunaarutigineqarsimanngippat imaluunniit nalunaarsorneqarnissaq itigartitsissutigineqarpat. Isumaqatigiissuteqatigisap ilisimanngikkuniuk ingerlatseqatigiiffik nalunaarsorneqarsimanngitsoq, isumaqatigiissut atorunnaarsissinnaavaa ingerlatseqatigiiffik nalunaarsorneqariartinnagu.

Imm. 4. Ingerlatseqatigiiffiup nalunaarsorneqarsimanngitsup oqaaseq “pilersinniarneqartoq” taaguumminut ilanngutissavaa.

Kapitali 3

Aningaasaliissutit akilerneqarnissaat

§ 13. Piginneqataassutitut aningaasaliissutissat piginneqataassutit nalinganit appasinnerussanngillat.

Imm. 2. Ingerlatseqatigiiffiup akiitsui siulersuisut akuersitinnagit piginneqataassutit pisiu-malluni nalunaarsimasup pisussaassutaaffigilikkaminut akissutigitillugit atorsinnaanngilai. Akuersisoqassanngilaq ingerlatseqatigiiffik taassumaluunniit akiitsoqarfii taamaasiornikkut ajoquserneqassappata.

Imm. 3. Piginneqataassutit akilerneqarnissaannik ingerlatseqatigiiffiup piunasaqatai tuni-niarneqarsinnaanattillu qularnaveeqqusiissutaasinnaanngillat.

Imm. 4. Piginneqataassutit tamavimmi akilerneqarsimanngitsoq allamut pigisassanngortinneqarpat, piginneqataalersoq piginneqataalernerminik ingerlatseqatigiiffimmut nalunaarsimasoq, akiligassap sinnerata akilernissaanut piginneqataajunnaartoq nammaqatigalugu akisussaalis-saaq.

§§ 14-16. (Atorunnaarsinneqarput).

Kapitali 4

Piginneqataassutit, piginneqataassutit allagartaat piginnittullu nalunaarsorsimaffiat

§ 17. Piginneqataassutit tamarmik naligiimmik piginnaatitaaffiliippat. Taamaattoq malittarisassani aalajangerneqarsinnaavoq piginneqataassutit assigiinngitsunik klasseqassasut. Taamaassappat malittarisassani nassuiarneqassappat piginneqataassutit klassiisa assigiinngissu-

saat, annertussusaat aammalu aningaasaliissutit amerlineratigut piginneqataassutinik nutaanik piseqqaartussaataaneq killeqartinneqassanersoq, tak. § 30, imm. 2.

§ 18. Piginneqataassutit killilersugaanngitsumik tunineqarsinnaapput akilerlugillu utertinniarneqarsinnaanatik, inatsisit imaluunniit malittarisassat allatut aalajangersagaqanngippata.

Imm. 2. Piginneqataassutit piginnittup aqqanut imaluunniit qaqugumulluunniit tigungminnittup pigisaatut nalunaarsorlugit allagartaliuunneqarsinnaapput. Piginneqataassutit piginnittup aqqani nalunaarsukkat tunineqarsinnaanerannik killilersuisunik imaluunniit akilerlugit utertinniarneqarsinnaanerannut tunngasunik malittarisassani aalajangersaasoqarsinnaavoq.

§ 19. Malittarisassani aalajangerneqarsimappat piginneqataassutit allanit pigineqalerneranni piginneqataasut allaluunniit piseqqaartussaatinneqassasut, tamanna pillugu malittarisassani erseqqinnerusumik aalajangersaasoqassaaq, pingaartumik aalajangersarneqassalluni piseqqaartussaataaneermut piffissarititaasup killilerneqarnera. Malittarisassani aalajangersakkat ersarissumik naleqqutinngitsumik piginneqataassutinik akeqartitsissagaluarpata pisinermiluunniit ersarissumik tulluutinngitsumik piumasaqaateqartitsissagaluarpata, eqqartuussinikkut atorunnaarsinneqarsinnaapput.

Imm. 2. Malittarisassat piseqqaartussaataaneermut atatillugu piginneqatigiissutit tunisinermi akissaannik naliliinermut malittarisassaqaqanngippata, imaluunniit imm. 1 naapertorlugu tamatumunnga aalajangersakkat unioqqutinneqarsimappata, piginneqatigiissummut akigititassaq isumaqatigiissutigineqanngippat, tamanna Kalaallit Nunaata Eqqartuussivianit toqqarneqartunit naliliisartunit, nalilerneqassaaq. Naliliisartut aalajangiinerat eqqartuussisunut suliasann-gortinneqarsinnaavoq. Tamanna pillugu suliaasiisoqassaaq naliliisartut nalunaarutaata tigure-ranit qaammatit pingasut qaangiutsinnagit.

Imm. 3. Piginneqataassutit arlallit allanit pigineqartussanngorpata, piseqqaartussaataaneq piginneqataassutit ilaannaannut atorneqarsinnaanngilaq, malittarisassat taamatut pisinnaatit-sinngippata.

§ 20. Malittarisassani aalajangerneqarsimappat piginneqataassutit allanit pigineqartussanngornerat akuersissutigineqaaqassasooq, tamanna pillugu qinnuteqaatip tigureneraniit sapinngisamik piaarnerpaamik aalajangiisoqassaaq. Qinnuteqartoq aalajangiinermik erngerluni ilisimatinneqassaaq. Qinnuteqarnermiit sapaatit akunneri arfineq-pingasut qaangiutsinnagit ilisimatitsisoqanngippat qinnuteqaat akuersissutigineqarsimasutut isigineqassaaq.

Imm. 2. Malittarisassani aalajangerneqarsimappat piginneqataassutinik allanut piginnittusann-gortitsineq ingerlatseqatigiiffimmit akuerineqassasooq, siulersuisut tamanna aalajangiiffi-gissavaat, aalajangiineq ataatsimeersuarnermut piginnaatitaaffinngortinneqarsimanngippat.

§ 20 a. Malittarisassat piginneqataassutinik akilerlugit utertitsisinaanermut tunngasunik aalajangersakkanik imaqarpata, taakku akilerlugit utertitsinermi piumasaqaatinik kikkullu taamatut piumasaqarsinnaanerannik paasissutissiissapput. § 19 taamatulli atuutissaaq.

§ 20 b. Piginneqataasooq ingerlatseqatigiiffimmi piginneqataassutit qulerarterutaasa qulingiluaat sinnerlugit pigippagit, taakkulu amerlaqataannik taasisinnaatitaappat, piginneqataasooq ingerlatseqatigiiffiullu siulersuisui peqatigiillutik aalajangersinnaavaat, ingerlatseqatigiiffimmi piginneqataasut sinnerisa piginneqataassutitik piginneqataasumut tunissagaat. Taamaasior-toqassappat piginneqataasut taaneqartut ataatsimeersuariaqqusisarneq pillugu maleruaqqusat

naapertorlugit sapaatit akunneri sisamat qaangiutsinnagit piginneqataassutiminnik piginneqataasumut tunisinissaannik kajumissaarneqassapput.

Imm. 2. Tunisinermi piumasaqaatit tunisinermilu akigititap nalilerneqarnerani tunngavigisaq ataatsimiigiaqqusissummi paasissutissiissutigineqassaq. Aammattaaq paasissutissiissutigineqassaaq tunisinermi akigititassaq isumaqatigiissutigineqarsinnaanngippat, § 19, imm. 2 naapertorlugu naliliisartunit Kalaallit Nunaata Eqqartuussivianit toqqakkanit, nalilerneqassasoq. Kiisalu ataatsimiigiaqqusissut aalajangersakkat imm. 3-mi taaneqartut pillugit paasissutissiissaaq.

Imm. 3. Naliliisartut naliliinerat imaluunniit § 19, imm. 2 naapertorlugu aalajangiinerat piginneqataasut akigititassatut neqeroorutaanniit qaffasinnerussagaluarpat, tamanna piginneqataasutitut klasseqataannut naliliinissamillu kissaateqarsimanngikkaluanuttaaq atuutissaaq. Piginneqataassutit naliliinermi aningaasartuutit piginneqataasup akilissavai, ikinnerussuteqarlutik piginneqataasut tamakkiisumik ilaannakortumilluunniit naliliinermi aningaasartuutaasimasunik akiliinissaat eqqartuussiviup immikkut pissutissaqartinngippagu.

Imm. 4. Ingerlatseqatigiiffimmi, klassilikkani piginneqataassuteqartumi fondsbørsimi, niueqatigiiffimmi akuerisami niueqatigiiffimmi naleqqussakkami assigisaaniluunniit EU/EØS-imi nunamiittumi piginneqataassutit pissarsineq imm. 1 naapertorlugu aningaasannortitsisususaatitaanermik aamma pappialanik nalilinnik niuerneq il.il. pillugu inatsimmi kunngip peqqussuteqarneratigut Kalallit Nunaannut atortussannortinneqartumi § 31, imm. 1 naapertorlugu neqerooruteqarnissamut pisusaatitaanermik nassataqarpat, akiusunik aalajangersaasarneq pillugu maleruagassat, pappialanik nalilinnik niuerneq il.il. pillugu inatsimmi kunngip peqqussuteqarneratigut Kalaallit Nunaannut atortussannortinneqartumi, atuutissineqassapput, ikinnerussuteqarluni piginneqataassuteqartoq akiusut naliliisartumit aalajangersarneqarnissaat qinnutiginnippagu, tak. imm. 3.

§ 20 c. Ikinnerussuteqarlutik piginneqataasut tamarmik § 20 b, imm. 1-imi piffissaatitaasoq eqqorlugu piginneqataassutit piginneqataasumut tunisimanngippatigut, Atuagagdliutitigut Statstidendikkullu, kvartalimi tassani saqqummeqqaartussani, nalunaaruteqarnikkut sivikinnerpaamik qaammatinik pingasunik piffissalerlugit piginneqataassutiminnik piginneqataasumut § 20 b naapertorlugu tunisinissaannik kajumissaarneqassapput.

Imm. 2. Imm. 1 naapertorlugu nalunaarut pissutsit § 20 b, imm. 2-mi taaneqartut pillugit paasissutissiissaaq. Aammattaaq § 19, imm. 2 naapertorlugu naliliisoqassappat eqqartuussisoqassappalluunniit ulloq naliliiffissaq eqqartuussivissarluunniit nalunaarutigineqassaaq. Kiisalu nalunaarutigineqassaaq, piginneqataassutit piffissaliussaq naappat piginneqataasup aqqani allallugit ingerlatseqatigiiffiup piginnittunut nalunaarsuiffiani nalunaarsorneqassasut, piginneqataassutinillu naliliisartut aqutigalugit naliliinissamik piumasaqarsinnaatitaaneq piffissaliussap naanerani annaaneqassasoq.

Imm. 3. Piginneqataassutit imm. 1 naapertorlugu Atuagagdliutini Statstidendimilu nalunaarummi piffissaliussaq eqqorlugu piginneqataasumut tunineqarsimanngippata, piginneqataasoq erngerluni qularnani piginneqataasunut pineqartunut pisassamaatinngorlugit aningaasanik, piginneqataassutit tunineqarsimanngitsut nalinginut, uninngasussannortitsissaaq, tak. akili-gassallit uninngasussannortitsinikkut pisussaajunnaarsitaasarnertat pillugu inatsit.

Imm. 4. Aningaasanik uninngasussannortitsineq peqatigalugu piginneqataassutit utertinneqarsimasut allagartaat atorunnaartut isigineqassapput. Siulersuisut isumagissavaat piginneqataassutit allagartaanni nutaani allassimassasoq piginneqataassutit allagartaannut atorunnaartunut taartaasut.

§ 20 d. Piginneqataasoq ingerlatseqatigiiffimmi piginneqataassutit qulerarterutaasa qulingiluaat sinnerlugit pigippagit, taakkulu amerlaqataanik taasisinnaatitaappat, ikinnerussuteqarlutik piginneqataasut ataasiakkaat tamarmik piginneqataassutimik akilersillugit utertinneqarnissaat piumasarisinnaavaat. § 19, imm. 2, § 20 b, imm. 3, 2.pkt. aamma imm. 4 taamatulli atuutissapput.

§ 20 e. Neqerooruteqartartoq tigusinissamik neqerooruteqarnermi, tak. pappialanik nalilinnik niuerneq il.il. pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 31, imm. 1, ingerlatseqatigiiffimmi klassilikkani ataatimik arlalinnillunnit piginneqataassuteqartumi fondsbørsimi, niueqatigiiffimmi akuerisami niueqatigiiffimmi naleqqussakkami assigisaaniluunniit EU/EØS-imi nunamiittumi nalunaarsorneqartussanik niuerutigineqartussanilluunniit piginneqataassuteqartumi, ingerlatseqatigiiffik piginneqataassutit qulerarterutai sinnerlugit pissarsiguni, aamma neqeroorteqartartoq amerlaqataannik taasisinnaatitaaguni, neqerooruteqartartup aalajangersarsinnaavaa, ingerlatseqatigiiffimmi piginneqataasut allat piginneqataassutaat neqerooruteqartartumit tunniunneqarnissaat. Taamaattoqasappat piginneqataasut pineqartut, ataatsimeersuarnissamut aggersaanermi maleruagassat naapertorlugit, sapaatit akunneri 4-t qaangiutsinnagit piginneqataassutiminnik piginneqataasumut tunniussinissaat kajumissaarutigineqassaaq. Tunniussinermut aamma tunniussinermi naliusumik naliliinermut tunngavimmut piunasaqaatit aggersaanermi paasissutissiissutigineqassapput. § 20 c taamatulli atuutissaaq.

Imm. 2. Neqerooruteqartartoq tigusinissamut neqerooruteqarnermi ingerlatseqatigiiffimmi piginneqataassutit qulerarterutai sinnerlugit pissarsisimappat, tak. imm. 1, aamma neqerooruteqartartoq amerlaqataannik taasisinnaatitaaguni, ingerlatseqatigiiffiup ikinnerussuteqarlutik piginneqataasui ataasiakkaarlutik piginneqataasumit aningaasanngortitsinissamik piunasaqarsinnaapput.

Imm. 3. Akiusunik aalajangersaanermut malittarisassat, pappialanik nalilinnik niuerneq il.il. pillugu inatsit kunngip peqqussuteqarneratigut Kalaallit Nunaannut atortussanngortinneqartooq naapertorlugu aalajangersarneqartut, imm. 1 imaluunniit 2 malillugit tunniussinermut atuutissapput, ikinnerussuteqarluni piginneqataasoq akiusup naliliisartumit aalajangersarneqarnissaa qinnutiginnippagu, tak. § 20 b, imm. 3.

Imm. 4. Tunniussinermi matussutitut akiliutit neqerooruteqartartup tigusinissamik neqerooruteqaaqqaavani taaneqartup assigisaattut amerlassuseqarsinnaapput, imaluunniit aningaasavinngortinneqarsinnaapput. Ikinnerussuteqarlutik piginneqataasut tunniussinermi qaqugukkulluunniit aningaasanik tigusaqarnissaaq piunasaqarsinnaavaat.

Imm. 5. Imm. 1 aamma 2 naapertorlugit tunniussinissamik qinnuteqaat neqerooruteqartartup tigusinissamik neqeroorutaani neqerooruteqarnermut piffissaliussap qaangiunneranit kingusinnerpaamik qaammatit 3-t qaangiunneranni saqqummiunneqassaaq.

Imm. 6. Erhvervs- og selskabsstyrelsi piginneqataasunut allanut neqerooruteqartartup tunniussinissaa pillugu malittarisassanik aalajangersaassaaq, matumanilu imm. 1 aamma 2 naapertorlugit pissarsinerit qanoq naatsorsorneqassanersut ilanngullugit eqqarsaatigalugit.

§ 21. Ingerlatseqatigiiffik piginneqataassutit allagartaannik tunniussinnaavoq. Piginneqataasup ataasip kissaatigippagu, taamaattoq tak. § 21 a, imm. 1, imaluunniit piginneqataassutit tuniniarneqarsinnaappata imaluunniit qaqugumulluunniit tigungminnittumut tunniussaasimappata, piginneqataassutit tamakkerlugit allagartaliunneqassapput, piginneqataassutit pappialanut nalilinnut toqqorsivik aqutigalugu tunniunneqassanngippata, tak. pappialanik nalilinnik niuerneq il. il. pillugit inatsimmi kunngip peqqussuteqarneratigut Kalaallit Nunaannut atortus-

sanngortinneqartumi § 7, imm. 1, nr. 6. Piginneqataassutilli tuniniarneqarsinnaanerit killilersorneqarpat imaluunniit piginneqataasut piginneqataassutitik utertissallugit pisussaaffeqarpat, piginneqataassutit qaqugumulluunniit tigungminnittumit pigineqarnerinik allagartalersuisoqarsinnaanngilaq, soorlulu ingerlatseqatigiiffimmut sunniuteqartussamik qaqugumulluunniit tigungminnittumut tigungmisassaritilerneqarsinnaanatik.

Imm. 2. Piginneqataassutit allagartaat tunniunneqarsinnaanngillat, piginneqataassutininik pisiu-malluni nalunaaruteqarneq Erhvervs- og Selskabsstyrelsimit nalunaarsorsimatinnagu. Piginneqataassutit piginneqataasup aqqani allagartallit piginneqataasut nalunaarsuiffianni allattorsimasuinnarnut tunniunneqarsinnaapput.

Imm. 3. Piginneqataassutit allagartaanni nalunaarsorsimassapput ingerlatseqatigiiffiup aqqa, angerlarsimaffia nalunaarutigineqarneranilu normua, piginneqataassutip tullerriaartuni normua aammalu piginneqataassutip aningaasanngorlugu nalinga. Kiisalu piginneqataassutip allagartaanni nalunaarsimassapput piginneqataassut piginnittup aqqanut qaqugumulluunniit tigungminnittup pigisaatut nalunaarsorneqassanersoq aamma piginneqataassutip allagartaata ulloq qaammalluunniit tunniunneqarfia. Piginneqataassutit allagartaat siulersuisut ilaasortaannit atsiorneqassapput. Taamaattoq atsiorerit issuarneqarsinnaapput mekanik atorlugu.

Imm. 4. Malittarisassat naapertorlugit piginneqataassutit assigiinngitsunik klassillit allagarta-liunneqarsinnaappata, piginneqataassutip allagartaanni nalunaarneqassaaq piginneqataassut klassimut sorlermut atanersoq.

Imm. 5. Makku pillugit aalajangersaasoqarsimappat piginneqataassutip allagartaanni taaneqas-sapputtaaq:

- 1) piginneqataassutit nalunaarsorneqassasut taasisinnaanissamut piumasaqaatitut,
- 2) piginneqataassutit ilaasa immikkut pisinnaatitaaffeqarnerat,
- 3) piginneqataasut piginneqataassutiminnik akilersillugit utertitsinissaannik pisussaaffeqarnerat,
- 4) piginneqataassutit tunineqarsinnaassanngitsut,
- 5) piginneqataassutit tunineqarsinnaatitaanerannik killilersuinerit, aamma
- 6) piginneqataassutit tammassagaluarpata eqqartuussutitaqanngitsumik atorunnaarsinneqarsinnaassasut.

Imm. 6. Piginneqataassutit allagartaanni allassimassaaq tunniunneqareernerimik kingorna imm. 3-5-imi pissutsit pillugit aalajagersaasoqaratarsinnaasoq, piginneqataasut inatsisitigut inissisimanerannik allannngortitsisumik. Taamatut allannngortitsisoqassappat, siulersuisut sapinngisamik isumagissavaat piginneqataassutit allagartaat tamatuminnga uppersaaserneqarnissaat imaluunniit nutaanik taarserneqarnissaat.

§ 21 a. Ingerlatseqatigiiffiup piginneqataassutai niuerfimmi akuerisami tuniniagassanngortitaasimappata, tak. pappialanik nalilinnik niuerneq il. il. pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 7, imm. 1, nr. 2, piginneqataassutillip piumasarisinnaanngilaa ingerlatseqatigiiffimmiit piginneqataassutit allagartaannik tunineqarnissaq.

Imm. 2. Ingerlatseqatigiiffik piginneqataassutit allagartaannik tunniussaqaarsimaguni, ingerlatseqatigiiffiup malittarisassat inatsit ingerlatseqatigiiffiullu malittarisassai naapertorlugit pisarnerit ataatsimeersuarnissamut aggersaasarneq pillugu atuuttut malillugit sivikinnerpaamik qaammatinik pingasunik piffissaliilluni piginneqataassutit allagartaannik utertitsiniarsinnaavoq annulerigassanik. Piginneqataassutillimmut piginnaatitaaffiliussat aatsaat atorniarneqalersinnaapput, piginneqataassutit allagartaat ingerlatseqatigiiffimmut tunniunneqareerpat. Tamannali atortuutinneqassanngilaq iluanaarutisisinnaatitaanermut akiliutissanullu allanut kiisa-

lu aningaasaliissutinik qaffaanikkut nutaanik piginneqataassuteqalersinnaatitaanermut tunngatillugu.

Imm. 3. Imm. 1-imi aamma 2-mi aalajangersakkat atortinneqassanngillat piginneqataassutinut tuniniarneqarsinnaasunut imaluummot qaqugumulluunniit tigumminnittussamut tunniussanut.

§ 22. Piginneqataassutit allagartaat piginneqataassutinut arlalinnut tunngasinnaavoq. Piginneqataassutit allagartaani taamaattumi taaneqassapput piginneqataassutit allagartaata tullerriaartuni normua, piginneqataassutit ilaatinneqartut tullerriaartuni normui kiisalu taakku nalingi. Tamatuma saniatigut § 21-imi aalajangersakkat taamatulli atuutissapput.

§ 23. (Atorunnaarpoq).

§ 23 a. Piginneqataassutit allagartaat pappialanut aningaasanik nalilinnut toqqorsivimmiit allagartaliuunneqartut pillugit ingerlatseqatigiiffimmi siulersuisut isumagissavaat toqqorsiviup piaartumik makkuninnga kingusinnerusukkullu allannguutaannik ilisimatinneqarnissaa:

- 1) Ingerlatseqatigiiffiup aqqa, najugaqarfia, allakkanik nassiussarsisarfia aamma aktieselskabiniq nalunaarsuiffimmi normua,
- 2) Ingerlatseqatigiiffimmi aningaasaliissutit piginneqataassutinut qanoq amerlatigisunut agguataarsimanagerat, annertussusaat, piginneqataassutinullu piginnittup aqqani nalunaarsorsimasut eqqarsaatigalugit, taakku piginnittaasa aqqi najugaallu. Piginneqataassutit assigiinnigisunik klassileneqarsimappata, klassit tamaasa immikkut paasissutissartaat ilanngunneqassapput.
- 3) Piginneqataassutit ilaat immikkut pisinnaatitsinersut imaluunniit pisussaatisinersut.
- 4) Piginneqataassutit nalunaarsorneqassasut taasisinnaanissamut piumasaqaatit.

Imm. 2. Piginneqataassutit pappialanut aningaasanik nalilinnut toqqorsivik aqqutigalugu allagartaliuunneqarsinnaanngillat ingerlatseqatigiiffik aktieselskabit nalunaarsuiffianni nalunaarsoreertinnagu.

Imm. 3. Aningaasaliissutit amerlineqaleraangata siulersuisut isumagissavaat, piginneqataassutinut, aningaasat sillimmataasut nuunneqarnerisigut pilersinneqartunut, piseqqaartussaataitanerit pisinnaatitaanerillu nalunaarsorneqarnissaat tassungalu ilanngullugu nalunaarutigineqasasooq immikkut pisinnaatitaaffiit qanoq amerlatigisut pisariaqarnersut piginneqataassutinik nutaanik pisissagaanni. Piginneqataassutit nutaat allagartaanni allanneqassaaq piginneqataassutit ingerlatseqatigiiffimmi qaqugukkut pisinnaatitaaffeqalissanersut. Aningaasaliissutit amerlineqarnerat aktieselskabit nalunaarsuiffianni nalunaarsorneqarsimanngippat imaluunniit piginneqataassut tamakkiisumik akileneqarsimanngippat, siulersuisut tamatuma pappialanut aningaasanik nalilinnut toqqorsivimmi nalunaarsorneqarnissaa isumagissavaat.

Imm. 4. Siulersuisut isumagissavaat aningaasaliissutinik ikililerinissaq ikililerissutaasussallu aalajangiunneqariarpata tamatuma pappialanut aningaasanik nalilinnut toqqorsivimmut nalunaarutigineqarnissaa.

Imm. 5. Erhvervs- og Selskabsstyrelsi imm. 1-4-mi taaneqarsimasut paasissutissiissutissat pillugit sukumiinerusumik malittarisassaliorsinnaavoq.

§ 23 b. Ingerlatseqatigiiffiup pappialanut aningaasanik nalilinnut toqqorsivik aqqutigalugu piginneqataassutit allagartaliuunneqarnerinut aningaasartuutit tamaasa aningaasartuutigissavai. Ingerlatseqatigiiffik aningaaserivinnik kontoqarfiusunik ataatsimik arlalinnilluunniit isumaqatigiissuteqassaaq piginneqataasunit ingerlatseqatigiiffimmut akiligassanngorlugit

- 1) piginneqataassutitik il. il. tassani nalunaarsorlugillu toqqorsimasinnaagaat, aamma
- 2) iluanaarutisisoqartillugu nalunaarutisisassasut il.il.ukiumoortumillu kontomik imaasa allasimaffianik pisassasut.

Piginneqataasut namminneq aningaaserivimmik kontoqarfimminnik innersuussisinnaapput, ingerlatseqatigiiffiup nr. 1 aamma 2 naapertorlugit suliaasaanik isumaginnittussamik, aningaaseriviup ingerlatseqatigiiffimmu kiffartuussinissaminut akigititassaa ingerlatseqatigiiffiup aningaaserivimmu isumaqatigiissuteqarfigisimagaluakkaminut atugassaraluanut assinguppat.

§ 23 c. Ingerlatseqatigiiffimmi piginneqataassutit pappialanut aningaasanik nalilinnut toqqorsivik aqcutigalugu allagartaliuunneqartalissappata, ingerlatseqatigiiffiup piaartumik § 23 a-mi taaneqartut paasissutissat pappialanut aningaasanik nalilinnut toqqorsivimmu tunniutissavai.

Imm. 2. Ingerlatseqatigiiffiup piginneqataassutinut allagartaatai aningaaserivimmu tunniunneqassapput pappialanut aningaasanik nalilinnut toqqorsiviup tunniusseqqusinermini ileqqoreqqusaa naapertorlugu. Piginneqataasoq ingerlatseqatigiiffillu tunniusseqqusummi piumasarineqartut paasissutissat tunniutissavaat.

§ 23 d. Ingerlatseqatigiiffimmi piginneqataassutit pappialanut aningaasanik nalilinnut toqqorsivimmi nalunaarsorneqarnissaannik peqqussutip tunniunneqarneraniit ukiut tallimat qaangiunneranni piginneqataassutit tamarmik nalunaarsorneqarsimanngippata, siulersuisut Atua-gagdliutini Statstidendimilu nalunaaruteqarnikkut piginneqataasut kajumissaarsinnaavaat qaammatit arfinillit qaangiutsinnagit piginneqataassutitik nalunaarsoqqullugit. Piffissap naanerani nalunaarsuisoqarsimanngippat, siulersuisut piginneqataassutit, piginneqataasut akiligassaannik, pappiaqqanik aningaasanik nalilinnik tuniniaasartuq aqcutigalugu tuniniassavaat, tak. pappialanik nalilinnik niuerneq il. il. pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 4, imm. 3. Ingerlatseqatigiiffik nalunaaruteqarnermini tunisinerminilu aningaasartuutiminut matussutissanik tunisinermi iluanaarutiniit ilanngaasinnaavoq. Tunisinermi iluanaarutit tunisinermiit ukiut tallimat qaangiunneranni aaneqarsimanngippata ingerlatseqatigiiffimmu tigusassanngortinneqassapput.

§ 24. Piginneqataassutip allagartaa allamut pigisassanngortinneqarpat imaluunniit qularna-veeqqusiunneqarpat, akiitsunut allagartat pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 14, imm. 1 aamma 2-mi aalajangersakkat taamatulli atuutissapput. Tamannali atuutissanngiluq, ingerlatseqatigiiffiup malittarisassaani aalajangersagaq naapertorlugu paatsoorneqarsinnaanngitsumik erseqqissumillu piginneqataasutit allagartaani allannguuteqartitsisinnaasoqarpat, soorlu assersuutigalugu imaattumik, piginneqataassutit tassaanngitsoq pappiaaraq tuniniarneqarsinnaasoq. Piginneqataassutip allagartaa qaqugumulluunniit tigummisup pigisaatut nalunaarsorneqarsimasoq, ingerlatseqatigiiffimmit piginnittup aqqanut allanneqarsimaneramik uppernarsaaffigineqaraluarpuunniit, qaqugumulluunniit tigummisumit pigineqartutut isigineqassaaq, atermik allagartamut nalunaarsuisoqanngippat.

Imm. 2. Akiitsunut allagartat inatsimmi kunngip peqqussuteqarneratigut Kalaallit Nunaannut atortussanngortinneqartumi §§ 24 aamma 25-mi aalajangersakkat iluanaarutisinermi allagar-tanuttaaq taamatut atuupput.

Imm. 3. Eqqartuussutitaqanngitusmik piginneqataassutip allagartaanik atorunnaarsitsineq taamaallaat pisinnaavoq ingerlatseqatigiiffiup malittarisassai piginneqataassutillu allagartai taana pillugu aalajangersagaqarpat. Atorunnaarsitsinissamut nalunaarut Atua-gagdliutini Statsti-

dendimilu ilanngunneqassaaq kvartalimi tassani siulliulluni saqqummersussami imaattumik sioqqutsisumik nalunaarluni:

- 1) piginneqataassutit allagartaat tuniniarneqarsinnaanngitsut atorunnaarsissagaanni sivikinnerpaamik sapaatit akunneri sisamat,
 - 2) piginneqataassutit allagartaat allat atorunnaarsissagaanni ikinnerpaamik qaammatit arfinillit.
- Imm. 4.* Imm. 3-mi aalajangersakkat taamatulli pappiaqqanut qiortakkanut pappiaqqallu nusulugit peertakkat atasortaanut atuutissapput. Pappiaqqat qiortakkat eqqartuussissutitaqanngitsumik atorunnaarsinneqarsinnaapput taakkununga atasunut piginneqataassutit allagartaannut peqataatillugit, malittarisassat allatut aalajangersaanngippata.

§ 25. Ingerlatseqatigiiffimmi piginneqataassutit tamaasa pillugit siulersuisut nalunaarsuiffimmi ingerlataqassapput (piginneqataassutininut nalunaarsuiffik). Malittarisassani aalajangerneqarsinnaavoq piginneqataassutininut nalunaarsuiffik allattuiffineqartassasoq ingerlatseqatigiiffik sinnerlugu nalunaarsuiffimmut allattuisussatut toqqarneqartumit. Erhvervs- og Selskabsstyrelsi aalajangersakkanik erseqqinnerusunik aalajangersaasinnaavoq piginneqataassutininut nalunaarsuiffimmut allattuisartussamik atuineq pillugu, tamatumani aamma patsisissaatit suut pineqartumit naammassineqarsimanissaat pillugu. Piginneqataassutininut nalunaarsuiffik pilersinneqassaaq ingerlatseqatigiiffik pilersinneqariarpat. Piginneqataassutit normui tullerriaarlugit nalunaarsorneqassapput, taakku pappialanut aningaasanik nalilinnut toqqorsivik aqcutigalugu tunniussaasimassanngippata. Piginneqataassutit piginnittup aqqani nalunaarsussappata, piginnittuusup aqqa allanneqassaaq.

Imm. 2. Piginneqataassutit allagartaat piginneqataassutininut arlalinnut tunngappat, piginneqataassutit nalunaarsorsimaffianni paasissutissiisutigineqassapput piginneqataassutit allagartaata tullerriaartuni normua, piginneqataassutit ilaatinneqartut tullerriaartuni normui kiisalu taakku nalingi.

Imm. 3. Piginneqataassutit piginnittup aqqani nalunaarsorsimasooq allamit pigineqalerpat aamalu malittarisassat naapertorlugit pigineqalernissaanut akornutissaqanngippat piginneqataalersup aqqa nalunaarsorneqassaaq, piginneqataalersup tamanna kissaatigippagu piginneqataalernerminullu uppersaasinnaappat. Piginneqataasutit nalunaarsorsimaffianni nalunaarsuineq ullulerneqassaaq.

Imm. 4. Nalunaarsuisoqarsimagaangat ingerlatseqatigiiffiup taamatullu piginneqataassutit nalunaarsuiffiannut allattuisuusup, tak. imm. 1, oqaaseqatigiit aappaat, piginneqataassutit allagartaata tamatuminnga uppersaasissavaa imaluunniit, malittarisassani taamatut aalajangerneqarsimappat, piginneqataassutit allagartaata toqqorsivimmiitinnerani nalunaarsuisoqarsimanageranik uppersaaserlugu.

§ 25 a. Ingerlatseqatigiiffiit piginneqataassutininik allagartalersuinngippata, imaluunniit pappialanut aningaasanik nalilinnut toqqorsivik aqcutigalugu piginneqataassutininik allagartalersuisimannngippata, piginneqataasutit nalunaarsuiffiannut nalunaarsorneqassapput piginneqataasutit tamarmik aqqi, najugaat piginneqataassutaasalu annertussusaat. Piginnittut nikinnerannik piginneqataassutilluunniit qularnaveeqqusiunneqarnerannik ilisimatitsissutit nalunaarsorneqassapput, piginnittuulersup qularnaveeqqussiiffigineqarsimasulluunniit aqqanik, najugaanik piginneqataassutaasalu amerlassusaannik paasissutissartaqartillugu, malittarisassat naapertorlugit piginnittuulernissamut akornutissaqanngippat. Ingerlatseqatigiiffik taamatullu piginneqataassutininut nalunaarsuiffimmut allattuisooq, tak. § 25, imm. 1, oqaaseqatigiit aappaat, nalunaarsuinissaminut pisisup piginnittuulernerminik uppersaateqarnissaanik piunarsaasimannavoq. Nalunaarsuineq ullulerneqassaaq.

Imm. 2. Piginneqataasup qularnaveeqqusiiffigineqarsimasulluunniit piumasaqarneratigut ingerlatseqatigiiffik taamatullu piginneqataassutitut nalunaarsuiffimmik allattuisoq, tak. § 25, imm. 1, oqaaseqatigiit aappaat, piginneqataasut nalunaarsorsimaffiannut nalunaarsorsimane-ranik uppernarsaammik tunniussisussaataavoq.

§ 25 b. Piginneqataassutit pappialanut aningaasanik nalilinnut toqqorsivik aqutugalugu tunniussaasimangitsup imaluunniit allagartaliuunneqarsimangitsup, allamut pigisassanngortin-nera qularnaveeqqusiunneqarneraluunniit tunisisup akiitsoqarfiinut sunniuteqassanngilaq, ingerlatseqatigiiffik taamatullu piginneqataassutitut nalunaarsuiffimmik allattuisoq, tak. § 25, imm. 1, oqaaseqatigiit aappaat, tunisisumit piginnittuulersumilluunniit tamanna pillugu nalu-naarutisisimatinnagu.

Imm. 2. Piginneqataasup piginneqataassut ataaseq pisisunut arlalinnut pigisassanngortissi-mappagu, piginneqataassullu imm. 1-imi pineqartunut ilaappat, kingulliulluni piginnittuuler-soq salliutinneqassaaq, ingerlatseqatigiiffik taamatullu nalunaarsuiffimmik allattuisoq, tak. § 25, imm. 1, oqaaseqatigiit aappaat, taassuminnga piginnittussanngortitsinermik nalunaarfigi-neqaqqaarsimappat piginnittussaataalersorlu nalunaaruteqarnerup nalaani eqqortuliunngin-nermik pasillitissaqarsimangippat, tak. § 25, stk. 1, oqaaseqatigiit aappaat.

§ 26. Piginneqataassutitut nalunaarsuiffittut atorneqarsinnaapput pappiaqqat ivertittakkat ima-luunniit pappiaqqat allaffissiat isumannaatsut. Piginneqataassutitut nalunaarsuiffik qarasaas-iaq taassumaluunniit assigisaa atorlugu ingerlanneqarsinnaavoq.

Imm. 2. Ingerlatseqatigiiffiup allaffiani piginneqataassutitut nalunaarsuiffik pisortatigut oqar-tussaaitanit takuneqarsinnaassaaq. Ingerlatseqatigiiffinni § 49, imm. 2, oqaaseqatigiit pinga-jui, naapertorlugit sulisut siulersuisuni ilaasortaaitassaminnik qinersiffigisimangisaanni, piginneqataassutitut nalunaarsuiffik sulisut sinniisaannuttaaq takuneqarsinnaatitaassaaq. Su-liffissuarmi, sulisut § 49, imm. 3 naapertorlugu siulersuisuni ilaasortaaitassaminnik qinersif-figisimangisaanni, ingerlatseqatigiiffiup piginnittup piginneqataassutitut nalunaarsuiffia an-partsselskabinilu piginneqataassutitut nalunaarsuiffiit, ingerlatseqatigiiffiummini tamani suli-sut sinniisaannut takuneqarsinnaasunngorlugu inississavaa. Piginneqataassutitut nalunaarsuif-fik allattuisuusumit allattuiffigineqassappat, malittarisassani taaneqarsinnaavoq piginneqa-taassutitut nalunaarsuiffik ingerlatseqatigiiffiup allaffingngisaani nunami maani sumiiffimmi allami takuneqarsinnaatitaassasoq.

§ 27. Piginneqataassummik piginnittup aqqani nalunaarsorsimasumik pigisaqalersoq, pigin-neqataassummik piginnittup pisinnaatitaaffiik ingerlatsisinnaanngilaq, piginneqataalerneru piginneqataassutit nalunaarsorsimaffianut allanneqarsimangippat imaluunniit pigisaqalernini nalunaarutigisimangippagu uppernarsarsinnaanagulu. Tamannali atuutissanngilaq iluanaaru-tisiaqarnissamut allatullu aningaasanik tigusaqarnissamut ammalu aningaasaliissutitik amerli-sitsinerni piginneqataassutitik nutaanik pisinnaatitaanermut.

§ 28. Piginneqataassut ataaseq inunnit arlalinnit peqatigiittunik pigineqarpat, pisinnaatitaaffiit piginneqataassummik tunngavillit ingerlatseqatigiiffimmullu attuutsinneqarsinnaasut, taa-maallaat ataatsimoorluni pisinnaatitaqarnikkut attuutsinneqarsinnaapput.

§ 28 a. Kinaluunniit aktieselskabimi piginneqataasooq ingerlatseqatigiiffimmut nalunaassaaq, 1) piginneqataassutit tunngavigalugit taasisinnaatitaanerit minnerpaamik aningaasaliissutit tunngavigalugit taasisinnaatitaanerit 5%-erippatigit taakkuluunniit aningaasanngorlugu na-

lingat minnerpaamik aningaasaliissutit 5%-erippatigit, minnerpaamilli 100.000 koruuniupata,

- 2) piginneqataassutit ingerlatseqatigiiffimmut nalunaarutigineqareersimasut nikinnerisigut 5 %-kkuutaartumik 10%-imiit 100%-imut killigititaasut ingerlatseqatigiiffimmullu aningaasaliissutit tunngavigalugit taasisinnaatitaanerit piginneqataassutilluunniit aningaasangorlugit nalingisa 1/3-mik imaluunniit 2/3-mik killigititaasut anguneqarpata angumaneeruppataluunniit, imaluunniit piginneqatigiissutit nikinnerisigut nr. 1-imi killigititaasut angumaneqarunnaarpata.

Imm. 2. Imm. 1 naapertorlugu pigisatut naatsorsuunneqassapput:

- 1) piginneqataassutit tunngavigalugit taasisinnaanerit, suliffeqarfiup § 2, imm. 2-mi, tak. imm. 4 aamma 5, taaneqartutut attaveqarnermigut aalajangiisumik sunniuteqarfigisai, aamma
- 2) piginneqataassutit pineqartup qularnaveeqqusiussimasai, qularnaveeqqusiivigineqartup taasisinnaatitaaneq oqartussaaffiginngippagu atussallugulu nalunaaruteqarsimangippat.

§ 28 b. § 28 a-mi killigititaasut anguneqarpata angumaneeruppataluunniit ingerlatseqatigiiffik tamatuminnaq nalunaarfigineqassaaq sapaatit akunneri sisamat qaangiutsinnagit. Nalunaarutip imarissavai piginneqataasup aqqi tamaasa, najugaa, suliffeqarfiuppallu sumi angerlarsimaffeqarnera, piginneqataassutit amerlassusaat nalingallu kiisalu piginneqataassutit klassini sorlarni inissisimanerat.

Imm. 2. Imm. 1 naapertorlugu nalunaarutit ingerlatseqatigiiffiup immikkut nalunaarsussavai. Nalunaarutit ingerlaannaq nalunaarsuiffimmut allanneqassapput.

Imm. 3. Nalunaarsuiffik ingerlatseqatigiiffiup allaffiani pingarnermi pisortanit oqartussaatanit, piginneqataasunit, siulersuisut ilaasortaannit sulisullu ingerlatseqatigiiffimmi § 49, imm. 2, oqaaseqatigiit pingajui, aamma imm. 3 naapertorlugit siulersuisuni ilaasortaatitassaminnik qinersisimangippata, taakku sinniisaannit, takuneqarsinnaasunngorlugu inissineqassaaq. Kinaluunniit nalunaarsuiffiup assilinqarneranik allakkatigut piniarsinnaavoq assilinerata suliarineqarneranut nassiunneqarneranullu aningaasartuummut matussutissamik akiliutigeqquneqarsinnaasumik akiliilluni. Tamanna pillugu inuussutissarsutinut ministeri erseqqinnerusumik aalajangersaasinnaavoq.

§ 28 c. (Atorunnaarsinneqarpoq).

§ 28 d. Inuussutissarsutinut ministeri maleruagassiussaaq naalagaaffiup aktieselskabiini §§ 28 a aamma 28 b malillugit piginneqataassutinik pigisanik nalunaarutiginninnissaq pillugu, ilanngullugit

- 1) suut pigisatut naatsorsuutigineqassanersut aamma
- 2) ingerlaannaq ingerlatseqatigiiffimmut aamma Erhvervs- og Selskabsstyrelsimut nalunaaruteqarnissaq.

Kapitali 5

Aningaasaliissutit amerlineqarnerat piginneqataassutinillu piseqqaartussaannermut allagartaliineq

§ 29. Aningaasaliissutit amerlineqarnissaannik aalajangiineq, ataatsimeersuarnermi, taamaattoq tak. §§ 37, 40 b aamma 41 b, malittarisassat allanngartinniarlugit taasinermi amerlanerusuteqarnissamik piumasagaatit naapertorlugit taasinikkut aalajangiunneqassaaq.

Imm. 2. Aningaasaliissutit amerlineqarnissaannik siunnersuut piginneqataasunut misissugasanngorlugu saqqummiunneqassaaq taakkunungalugu piareersimatinneqassalluni tamakku pil-lugit maleruagassiat § 73, imm. 6-imi taaneqartut naapertorlugit kiisalu ataatsimeersuarnermi saqqummiunneqassalluni, piginneqataasut tamakkerlutik allagaatit pineqartut ataatsimeersuarnissaq sioqqullugu piginneqataasunut saqqummiunneqannginnissaat isumaqataaffing-gippassuk. Ukiumut naatsorsuiffimmut kingullermut naatsorsuutit ataatsimeersuarnermi oqa-luuserineqassanngippata allakkat makkua aamma saqqummiunneqassapput, piginneqataasut tamakkerlutik allagaatit pineqartut ataatsimeersuarnissaq sioqqullugu piginneqataasunut saq-qummiunneqannginnissaat isumaqataaffing-gippassuk:

- 1) Ukiumoortumik naatsorsuutit kingulliit akuersissutigineqarsimasut.
- 2) Pissutsit immikkut ittut pissutigalugit ingerlatseqatigiiffik ajoquserneqassanngippat, ataatsimeersuarnermi siulersuisut ukiup naatsorsuiffiup naanerata kingornatigut pisimasunik ukiumoortumik naatsorsuusiata saqqummiunneqarnerisa kingornatigut ingerlatseqatigiiffimmut annertuumik pingaaruteqarsimasunik, nassuiaataat.
- 3) Siulersuisut naassuiaataat pillugu kukkunersuisut nalunaarutaat, ingerlatseqatigiiffiup ukiumoortumik naatsorsuusiata, kunngip peqqussuteqarneratigut ukiumoortumik naatsorsuusiortarneq pillugu inatsit Kalaallit Nunaannut atortussanngortinneqartoq inatsisilial-luunniit allat naapertorlugit kukkunersuisitsinissamik pisussaaffimmi pineqarpata.

Imm. 3. Ataatsimeersuariaqqusissut piginneqataasut allalluunniit piseqqaartussaataitanerannik piseqqaartussaataitanerullu qanoq atorineqarnissaanik paasissutissiissaaq. Piseqqaartussaataitsi-neq sanioqqullugu iliuuseqartoqassappat, tamatumunnga pissutaasoq piginneqataassutillu akissaattut siunnersuummut tunngaviusut nassuiarneqassapput.

§ 30. Aningaasaliissutinik amerliliiinerit tamaasa, piginneqataasut piginneqataassutimik amerlassusaat naapertorlugit piginneqataassutinik nutaanik pisisinnaatitaapput.

Imm. 2. Piginneqataassutit klassinut assigiinngitsunut agguagaappata, taasisinnaatitsinermik-kut, iluanaarutisitsisinnaanermikkut, ingerlatseqatigiiffiullu pigisaanik agguagarsissutaasin-naanermikkut assigiinngitsunut, malittarisassat klassini taakkunani piginneqataasut piginneqataassutimik klasseqataannik siumoorlutik pisinissaannik piginnaatitsisinnaapput. Klassini al-lani piginneqataasut tamatuma kingorna aatsaat imm. 1 naapertorlugu piseqqaartussaataitaner-tik atuutsissinnaavaat.

Imm. 3. Taasisut aningaasaliisullu ataatsimeersuarnermi najuuttut minnerpaamik 2/3-iisa akuerippassuk, malittarissanilu allatut piumasagaataasinnaasut malinneqarpata, imm. 1 aamma 2-mi aalajagersakkanit allaassuteqartitsinissaq ataatsimeersuarnermi aalajangerneqassaaq, tamatumani ingerlatseqatigiiffiup taassumaluunniit ingerlatseqatigiiffiutaasa sulisuinut iluaqu-tissiisussamik. Taamatullu amerlanerusuteqaataasumik ataatsimeersuarnermi piginneqataasutit sulisunut neqeroorutiginerminni qanoq naleqartinneqarnissaat aalajangiiffigineqarsinnaavoq. Ingerlatseqatigiiffimmi piginneqataassutit assigiinngitsunik klasseqarpata, taakku akor-nanni inatsisitigut inissisimanerannik nikisitsisumik aalajangiineq taamaallaat atuuttussaaler-sinnavoq aningaasaliisut inatsisitigut inissisimanerannik nikitsisinikkut pisinnaatitaaffiinik ajornerulersitsiffiusut ataatsimeersuarnermi najuuttut minnerpaamik 2/3-ii akuersippata. Ataatsimeersuarnermi, piginneqataasut piseqqaarsinnaatitaanerminnik millileriffigineqartut akuersitinnagit, ataatsimeersuariaqqusissummi nalunaarutigineqarsimasumiit annertunerusu-mik piseqqaarsinnaatitaanerup millileriffigineqarnissaanik aalajangiisoqarsinnaanngilaq.

§ 31. (Atorunnaarsinneqarpoq).

§ 32. Piginneqataassutit amerlillugit pisiassanngortinneqarnerisigut aningaasaliissutit amerlineqarnissaannik aalajangiinermi makku ilanngunneqassapput:

- 1) aningaasaliissutit minnerpaamik annerpaamillu amerlissutigisinnaasaat,
- 2) piginneqataassutit klassinut assigiinngitsunut agguarneqarsimappata imaluunniit agguarneqassappata, piginneqataassutit nutaat klassinut sorlernut attaveqarnissaat,
- 3) piginneqataasut allaluunniit piseqqaartussaataaernerat, kiisalu piginneqataalersut siunissami aningaasaliissutit amerlilerneqarneranni piseqqaartussaataaernerat killilerneqassanersoq, tak. § 30, imm. 2,
- 4) pisiumalluni nalunaarnissamut piffissaliusaaq aammalu piginneqataasut piseqqaartussaatanerisa atorneqareernissaat minnerpaamik sapaatit akunnerinik marlunnik killeqartoq. Piffissaliusaaq kingulliullugu taaneqartoq aallartittutut naatsorsuunneassaaq § 34, imm. 2-mi taaneqartutut Atuagagdliutini Statstidendimilu nalunaaruteqarnermiit imaluunniit piginneqataasunut allakkanik ilisimatitsisunik nassiussinermiit,
- 5) piginneqataassutit akilerneqarnissaannut piffissaliusaaq kiisalu piginneqataassutissanik agguassineq siulersuisunut suliassanngortinneqarsimannngikkaangat, piginneqataassutit piseqqaartussaataitaasunit pisiarinqarsimannngitsut agguarnissaannut aalajangersakkat,
- 6) piginneqataassutit aningaasanngorlugit nalingat pisiassanngortitsinermilu naligititaq,
- 7) piginneqataassutit nutaat tuniniarneqarsinnaannngitsutut nalunaarsorneqassanersut,
- 8) piginneqataassutit nutaat piginnittup aqqanut qaqugumulluunniit tigumminnittup aqqanut nalunaarsorneqassanersut,
- 9) ingerlatseqatigiiffiup aningaasaliissutit amerlinerannut aningaasartuutissai missingersukkat.

Imm. 2. Piginneqataassutit nutaat tuniniarneqarsinnaanerak killeqassappat, imaluunniit piginneqataasunngortut piginneqataassutiminnik akilerlugit utertitsisussaataitaassappata, piginneqataassutininik piginnittut nutaat piginneqataassutimik akilerneqarnissaannut pisussaataitaassappata, aningaasaliissutit amerlineqarnissaannik aalajangiineq tamannattaq pillugu paasissutissisaaq.

Imm. 3. Aningaasaliissutit amerlineqarnerannik nalunaaruteqarneq aallarnerfigalugu piginneqataassutit nutaat iluanaaruteqarnissamut piginnaatitaanernullu allanut pisinnaatitsippat, aningaasaliissutinik amerlisisinissamik aalajangiinermi allatut aalajangiisoqarsimannngippat. Piginneqataassutit tunngavigalugit piginnaatitaanerit kingusinnerpaamik atuutilissapput nalunaarsuinermiit ukioq ataaseq qaangiuppat.

§ 33. Piginneqataassutit nutaat aningaasaanngitsunik nalilinnilli allanik akilerneqarsinnaappata, aningaasaliissutit amerlineqarnissaannik aalajangiineq taamatut iliornissamut malittarisassanik imaqassaaq. §§ 6, 6 a aamma 6 b-mi aalajangersakkat taamatulli atuutissapput, § 6, imm. 3-li naapertorlugu nassuiaasiassaaq siulersuisunit nassuiaatigineqassalluni, § 6 a, imm. 2-lu naapertorlugu oqimaaqatigiissitsinissaaq suliffeqarfiup pigilikkap tighunerani naatsorsuutitigut oqimaaqatigiissaarinertut suliarineqassalluni.

Imm. 2. Imm. 1 atuutissanngilaq, kapitali 15 naapertorlugu aktieselskabit kattunnerannut atattillugu aningaasaliissutinik amerliliiinernut.

§ 33 a. Piginneqataassutit nutaat akiitsunut taartit akiliutigineqarsinnaassappata, aalajagersakkat taamaasiornissamut tunngasut amerlisisinissamik aalajangiinermi ilanngunneqassapput. Siulersuisut akiitsoqalernermut pissutaasoq, qanga akiitsoqalersimaneq akiitsunullu taar-

siullugit piginneqataassutinik tunniussinissamut siunnersuummut tunngaviusut pillugit, nasuiaateqassapput.

Imm. 2. Siulersuisut nassuiaataat allagaatillu allat suliarineqarsimasinnaasut kingusinnerpaamik ataatsimeersuarnissaq ullunik arfineq-pingasunik sioqqullugu piginneqataasunit misissor-neqarsinnaasunngorlugit ingerlatsiviup allaffiani saqqumisinneqassapput ataatsimeersuarnermilu saqqummiunneqarlutik, piginneqataasut tamakkerlutik allagaatit pineqartut ataatsimeersuarnissaq sioqqullugu piginneqataasunut saqqummiunneqannginnissaat akuerinnikkuniku.

§ 34. Piginneqataassutinik nutaanik pisiumalluni nalunaarneq pisiumasut nalunaarfissaannut taakkuluunniit assilinerannut, siulersuisunit atsiorneqartussanut, pissaaq. Pisiumasut nalunaarfissaannut ilanngunneqassaaq ataatsimeersuarnermi aningaasaliissutinik amerlisitsinissamik aalajangiisimaneq. Pisiumalluni nalunaartoqarnerani malittarisassat § 29, imm. 2-milu eqqartorneqartut allagartat saqqummiunneqassapput. Piginneqataassutinik pisiumalluni nalunaarneq §§ 33 aamma 33 a-mi aalajangersakkanut ilaatinneqarpat, aammattaaq allagartat aalajangersakkani taakkunani eqqartorneqartut pisiumalluni nalunaartoqarnerani saqqummiunneqassapput.

Imm. 2. Piginneqataasut, pisiumallutik nalunaartut nalunaarfissaasa saqqummiunneqarnerannik aammalu piseqqaartussaaitat pisinnaatitaaffiisa atornissaannut piffissaliussaq pillugu nalunaarfigineqassapput, ataatsimeersuariaqqusinnermut malittarisassat malillugit. Aammattaaq ilisimatitsineq Atuagagdliutini Statstidendikkullu nalunaaruteqarnikkut pissaaq. Piginneqataassutit tamarmik piginnittut aqqinut nalunaarsorsimappata, piginnittunut ataasiakkaanut allakkatigut nalunaaruteqarneq Atuagagdliutitigut Statstidendikkullu nalunaaruteqarnissaralua-mut taarsiunneqarsinnaavoq.

Imm. 3. Piginneqataassutinik nutaanik pisiumalluni nalunaarneq ataatsimeersuarnertit allattuiffiini nalunaarnikkut pisinnaavoq.

§ 35. Pisiumalluni nalunaarneq § 34-mi aalajangersakkamut naapertuuttumik pisimangippat, imaluunniit pisiumalluni nalunaarneq qularuteqarluni pisimapput, § 7-imi aalajangersakkat taamatulli atuutissapput.

§ 36. Aningaasaliissutit minnerpaamik amerlissutissaat aalajangersimasooq, pisiumalluni nalunaarfissani piffissarititaasup naanerani pisiariumallugu nalunaarutigineqarsimangippat, aningaasaliissutinik amerlisitsinissaq taassumalu nassataanik malittarisassanik allannguinnissaq atorunnaassapput. Taamaappat piginneqataassutinut akiliutaasimasut erngerlugit utertinneqassapput.

Imm. 2. Aningaasaliissutit amerlineqarsimanerannik nalunaarut aktieselskabit nalunaarsuiffiannut nalunaarsorneqarsinnaanngilaq, aningaasaliissutissatut nalunaarutigineqarsimasup nalinga piginneqataassutinullu naleqartitsineq sinnerlugu naleqartitsisoqassappat sinneqartoorutit tamakkerlugit akilerneqareertinnagit. Aningaasaliissutit amerlineqarnissaannik aalajangiinnermiit ukioq ataaseq qaangiutsinnagu nalunaaruteqartoqarsimangippat imaluunniit nalunaarsuinnissaq itigartitsissutigineqarpat imm. 1-imi aalajangersakkat atuutissapput.

Imm. 3. Piginneqataassutinik pisiumalluni nalunaarut, pappiaqqat nalillit piseqqartussaaititsisut tungavigalugit pippat, pisiumallunilu nalunaarfissat naapertorlugit nalunaarnissamut piffissarititaasooq ukiumik ataatsimik sivisuneruppat, aningaasaliissutillu minnerpaamik amerlissutissaat pisiariumallugu nalunaarutigineqarsimappat, aammalu tamarmi naleqartitsinermilu sinnerlugu naleqartitsisoqarsimappat sinneqartoorutaa akilerneqarsimappat, siulersuisut ukiu-moortumik naatsorsuiviit naaneri tamaasa sapaatit akunneri arfineq-marluk qaangiutsinnagit nalunaarutigissavaat ukiup ingerlanerani aningaasaliissutinik qaffaassutaasimasut. Pisiumal-

luni nalunaarfissamut piffissaatitaasup naaneraniit sapaatit akunneri arfineq-marluk qaangiuneranni nalunaaruteqartoqarsimangippat nalunaarsornissarlunniit itigartitsissutigineqpat imm. 1-imi aalajagersakkt taamatulli atuutissapput. Siulersuit aningaasaliissutinik amerlilinerup pisariaqartitaanik malittarisassanik allannguisinnaapput. Nalunaarsuisoqareerpat aningaasaliissutit piginneqataassutit tamarmiusut nalingannik qaffassimasutut isigineqassapput.

§ 37. Malittarisassani aalajangersaanikkut siulersuisut, piginneqataassutinik nutaanik piasanngortitinnikkut ingerlatseqatigiiffiullunniit aningaasaataanik sillimmataasunik ingerlatseqatigiiffimmi taassumaluunniit ingerlatseqatigiiffiutaani sulisunut aningaasaliissutissatut nuussinikkut, aningaasaliissutinik amerlisitsinissamut piginnaatinneqarsinnaapput. Taamatut piginnaatitsisoqarsinnaavoq piffissami aalajangersimasumi aalajagersimasuniluunniit ukiut tallimat angullugit sivilutiginnaasumik.

Imm. 2. Malittarisassat imm. 1-imi taaneqarsimasup piffissap naaffissaata ullulerneqarneranik siulersuisullu aningaasaliissutinut annerpaamik amerliliissutigisinnaasaannik kiisalu § 32, imm. 1, nr. 2, 7 aamma nr. 8 aamma imm. 2-mi eqqartorneqartut pissutsit pillugit aalajangersakkanik imaqassapput. Amerlisitsineq tamakkiisumik ilaannakortumillunniit aningaasanik akiliinerminngarnit allaanerusumik pisinnaappat, tamanna malittarisassani taaneqassaaq. Taamatuttaaq ataatsimeersuarnermi aalajangiisoqarsimappat maannamut piginneqataasut, tak. § 30, imm. 3, piseqqaartussaataanerannik allaatitsissalluni, tamatuminnga aamma paasissutissiisoqassaaq.

§ 38. Siulersuisut § 37 naapertorlugu aningaasaliissutit amerlisinneqarnerisa nassataannik malittarisassanik allanngortitsisinaanissamut pisinnaatitaapput.

Imm. 2. Piginneqataassutinik pisiniartut nalunaarsuiffiat malittarisassani § 37, imm. 2 naapertorlugu piginnaatitsinermik paasissutissaq, kiisalu siulersuisut aalajangersagaat aningaasaliissutit minnerpaamik annerpaamillu amerlissutigisinnaasaannut tunngasut, pisiumalluni nalunaarfissamut akiliinissamullu piffissaatitaasoq pillugu, piginneqataassutit nalingat pillugu, piasanngortitsinermi akigititaq qaqugukkullu piginneqataasut piginneqataassutitik tunngavigalugit piginnaatitaaffiisa, tak. § 32, imm. 1, nr.1 aamma 4-6, aamma imm. 3, atuutilernissaannut tunngasut. Aningaasaliissutinik amerlilini § 32, imm. 1, nr. 9, aamma §§ 33-36 taamatuttaaq atuutissapput.

§ 39. Ingerlatseqatigiiffik aningaasaateqarfinni piginneqataassutinik aningaasanik, ingerlatseqatigiiffiup ukiumoortumik naatsorsuusiana kingullerpaani sinneqartoorutit nuussatut imaluunniit sillimmatissatut allassimasunik, piginneqataassutitigut nammineq pigisanut nuussinikkut, taamaattorli nammineq piginneqataassutinut sillimmataanngitsunik, taamaattorli tak. imm. 2.

Imm. 2. Aammattaaq imm. 1 naapertorlugu aningaasaateqarfinni piginneqataassutinik tunniussinermi ukiumi naatsorsuusiuunneqartumi atuuttumi sinneqartoorutit atorneqarsinnaapput, aningaasat agguanneqarsimangippata, atorneqarsimangippata imaluunniit aalajagersimasumut piareersimatitaanngippata.

Imm. 3. Aalajangiinermi aningaasaliissutit amerlissutissaat nalunaarutigineqassaaq. § 32, imm. 1-imi, nr. 2-mi, nr. 3-mi oqaaseqatigiit kingullersaat, nr. 7-imi aamma nr. 8-mi kiisalu imm. 2-mi aamma 3-mi aalajangersakkt taamatuttaaq atuutissapput.

Imm. 4. Aningaasaliissutit amerlineqarsinnaanngillat, amerlisitsinissamik aalajagerneq nalunaarsorneqarsimatinnagu.

Imm. 5. Ingerlatseqtigiiffiup aningaasaatai sillimmataasut aningaasaliissutitut amerlissutaanissannik aalajagnerneq kapitali 19-imi aalajangersakkat naapertorlugit nalunaarsorneqassaaq. Erhvervs- og Selskabsstyrelsemu piffissaq eqqorlugu nalunaartoqarsimangippat, tak. § 156, aalajangerneq atorunnaassaaq.

§ 40. Ingerlatseqatigiiffiup aningaasaataanik sillimmataasunik aningaasaliissutitut amerlineqarnerata nalunaarsorneqarneraniit ukiut tallimat qaangiussimappata, piginnaatitaasullu tamarmik piginneqataassutimik allagartaasa tunniunneqarnissaat kissaatigisimangippassuk, siulersuisut Atuagagdlituni Statstidendimilu nalunaaruteqarnikkut pineqartoq pineqartulluunniit qaammatinik arfinilinnik piffissalerlugit kajumissaarsinnaavaat piginneqataassutimik allagartaat aaq-qullugit. Piffissap naanerani saaffiginnittoqarsimangippat, siulersuisut piginneqataassutit piginneqataasut akiligassaannik pappiaqqanik aningaasanik nalilinnik tuniniaasartoq, tak. § 4, imm. 3, aqutugalugu tuniniarsinnaavaat, pappiaqqanik nalilinnik tuniniaasarneq il.il. pillugu inatsit kunngip peqqussuteqarneratigut Kalaallit Nunaannut atortussanngortinneqartoq naapertorlugu. Ingerlatseqatigiiffik nalunaarusiornermut tuniniaanermilu aningaasartuutiminut matussutissanik tunisinermi iluanaarutiniit ilanngaasinnaavoq. Tunisaqarnermi iluanaarutit tunisinermiit ukiut tallimat qaangiunneranni aaneqarsimangippata, ingerlatseqatigiiffimmut tigusassanngortinneqassapput.

§ 40 a. Ataatsimeersuarnermi piginneqataassutininik pisinissamut salliusinnaaneq allagartaliunneqassasoq aalajangiunneqarsinnaavoq, tamatumunnga peqatigitillugu §§ 29-33 a-milu aalajangersakkanut napertuuttumik aningaasaliissutininik amerlisitsinissaq aalajangiunneqarpat.

Imm. 2. Ataatsimeersuarnermi aalajangersakkami piginneqataassutininik pisinissamut salliusinnaatitaanermut allagartaliornissamut piumasaqaatit erseqqinnerusumik ilaatinneqassapput, tamatumunnga ilanngullugit aningaasaliissutit amerlineqarneranni salliusinnaatitaanermut allagartat tunngavigalugit annerpaamik aningaasaliissutigisinnaasat, aammalu piginneqataassutit nutaat klassinut sorlernut inissinneqassanersut. Ataatsimeersuarnermi aalajangiinermisaaq ilanngunneqassaaq, aalajagersakkat salliulluni pisinnaatitaanerup qanoq atorneqarnissaannut tungnasut aammalu piginneqataasut aningaasaliissutininik amerlilinerne, ikililinerne, akiitsut allamut taarserneqarsinaasumik allagartaliunneqarneranni, piginneqatassutininik pisinissamut salliusinnaatitaanermut allagartaliornerne imaluunniit ingerlatseqatigiiffiup, kattutitsinikkut avissaartitsinikkulluunniit atorunnaarnerani, piseqqaarsinnaaneq atorneqartinnagu inatsisitigut qanoq inissisimanerannik aalajangersakkanik imaqaassalluni. Salliutinneqarnissamik allagartaliornissamik piseqqaartussaataitaanermullu tungasunik aalajangiinerne § 29, § 30, § 32, imm. 1, nr.3, oqaaseqatigiit siulliit, nr. 4-6 aamma 9, aamma § 34 taamatulli atuutissapput.

Imm. 3. Ataatsimeersuarnermi aalajagersagaq malittarisassanut ilanngunneqassaaq. Aningaasaliissutit amerlineqarneranni pisiumalluni nalunaarfissaq qaangiuppat, siulersuisut aalajagersagaq peersinnaavaat.

§ 40 b. Siulersuisut ataatsimeersuurtunit piginneqataassutininik pisinissamut salliutitsisinnaasunik allagartaliornissamut piginnaatinneqarsinnaapput, ataatsimeersuarnermissaaq § 37 naapertorlugu siulersuisut aningaasaliissutininik amerlisitsinissannamikkut piginnaatissallugit aalajangiunneqarpat. Piginnaassusiliineq siulliulluni taaneqartoq piffissami aalajangersimasumi ukiunik tallimanik sivilisuseqarsinnaasumi tunniunneqarsinnaavoq aalajangiinerullu nalaani

anigaasaliissutaasut affaat angullugit anigaasaliissuteqarsinnaanermut tunngasinnaalluni. Piginnaassusiliineq malittarisassanut ilanngunneqassaaq.

Imm. 2. Malittarisassani imm. 1-imi piffissaatitap taaneqartup naaffissaa ullulernerqassaaq, anigaasaliissutit amerlineqarneranni siulliulluni piginneqataassutitik pisisinnaatitaaneq tunngavigalugu anigaasaliissutaasinnaasut annerpaaffissaat, aammalu piginneqataassutit nutaat klassinut sorlernut inissisimassanersut paasissutissiissutigineqassallutik. § 30 taamatulli atuutissammat aammattaq ataatsimeersuarnermi aalajangiinermi paasissutissiissutigineqassaaq maannamut piginneqataasimasut piseqqaartussaataitanerannik allaatitsisoqassanersoq.

Imm. 3. Siulersuisut pisinnaatitaanertik atussappassuk, piseqqaartussaataitanerup allagartalersorneqarnissaa pillugu erseqqinnerusumik aalajangersaassaaq, ilanngullugit anigaasaliissutit amerlineqarneranni siulliulluni piginneqataassutitik pisisinnaatitaaneq tunngavigalugu anigaasaliissutaasinnaasut annerpaaffissaat, aammalu piginneqataassutit nutaat klassinut sorlernut inissisimassanersut. Siulersuisut siulliulluni pisinnaatitaanermut allagartalersuisoqarnissaanik aalajangerannut taamatulli § 32, imm. 1, nr. 4-6 aamma 9 kiisalu § 34 aamma § 40 a, imm. 2, 2.pkt.-imi aalajangersakkat atuutissapput.

Imm. 4. Siulersuisut aalajangiussaata malittarisassanut ilanngunneqassaaq, siulersuisullu imm. 3 naapertorlugu malittarisassani allannguutissat pisariaqartut allanngortissinnaallugit.

Kapitali 6

Akiitsut allagartaat allamut taarsiissutaasinnaasut aamma iluanaaruteqartitsisinnaasut

§ 41. Ataatsimeersuarnermi allagartat anigaasanik nalillit, obligationit imaluunniit akiitsut allagartaat allamut taarsiissutaasinnaasut atorlugit taarsigassarsinissamik taarsigassarsinermilu akiitsoqarfik, akiitsunut taarsiullugit ingerlatseqatigiiffimmi piginneqataassutitik pissarsiaqarsinnaasoq, aalajangiunneqarsinnaavoq.

Imm. 2. Ataatsimeersuarnermi aalajangiussami taarsigassarsinermi atugassarititaasut allamullu taarsiinermi maleruagassat erseqqinnerusut aalajagernerqassapput. Ataatsimeersuarnermi aalajangiussamissaaq ilanngunneqassapput taarsigassarsisitsisup pissutsini makkunani inatsisitigut inissisimanissaanik aalajagersakkat, anigaasaliissutitik amerlisitsillunilu ikilisitsinermi, piginneqataassutitik siulliulluni pisiniarnissamut allagartaliornermi, akiitsut allagartaasa allamut taarsiissutaasinnaasut nutaat allagartaliuunnerini imaluunniit ingerlatseqatigiiffiup atorunnaarsinneqarnerani, tassunga ilaatillugu allanik kattuteqateqarneq avissaarnerluunniit, allanngortitsinissaaq sioqqullugu. Taarsigassarsinissamik siulliullunilu pisiumalluni nalunaarsinnaatitaanermik aalajangernermut matumani §§ 29 aamma 30, § 32-mi imm. 1, nr. 1-5, aamma imm.2 3-lu, kiisalu §§ 33, 33 a 34-lu atuutissapput.

Imm. 3. Ataatsimeersuarnermi aalajagernerq malittarisassanut ilanngunneqassaaq.

Imm. 4. Akiitsut allagartaat naapertorlugu anigaasat akiliutigineqarsimasut, taarsigassarsinermi atugassarititaasut naapertorlugit taartissatut tunniussassat piginneqataassutit nalinganit ikinneruppata, taamaallaat taamatut taarsiisoqarsinnaavoq anigaasatigut nikinganera akilerneqarpat imaluunniit ingerlatseqatigiiffiup akiitsui ileqqaagassaalu ilanngaatigereerlugit pigisaanit iluanaarutisiassatut tunniunneqarsinnaasunit matuneqarpat.

§ 41 a. Inussutissarsiutinut ministeri makku pillugit aalajangersaasinnaavoq:

- 1) akiitsut allagartaasa allamut taarsiissutaasinnaasut pappialanut aningaasanik nalilinnut toqqorsivimmi nalunaarsorneqarnissaannut piumasaqaatit,
- 2) Pappialanut aningaasanik nalilinnut toqqorsivimmut paasissutissiineq,
- 3) akiitsut allagartaasa pappialanut aningaasanik nalilinnut toqqorsivik aqqutigalugu allagartaliuunnerannut, aningaaserivimmi kontoqarfiusumi nalunaarsornerannut toqqorsimanerannullu aningaasartuutit tamaasa ingerlatseqatigiiffiup aningaasartuutigissagai, aammalu
- 4) § 23 d taamatulli akiitsut allagartaannut allamut taarsiissutaasinnaasunuttaaq atuutissasoq.

§ 41 b. Siulersuisut ataatsimeersuartunit pisinnaatinneqarsinnaapput allagartat aningaasanik nalillit, obligationit imaluuniit akiitsut allagartaat allamut taarsiissutaasinnaasut atorlugit taarsigassarsiniarsinnaasut taarsigassarsinermilu akiitsoqarfik akiitsunut taarsiullugit ingerlatseqatigiiffimmi piginneqataassutinik pissarsisinnaasoq aalajangersinnaallugu, tamatuma nassataanik aningaasaliissutinik amerlilerinissamik siulersuisuttaaq ataatsimeersuartunit § 37-mullu naapertuuttumik aningaasaliissutinik amerliliniissamik piginnaatinneqarpata. Piginnaassusiliineq siulliulluni taaneqartoq piffissami aalajangersimasumi ukiunik tallimanik sivisussuseqarsinnaasumi tunniunneqarsinnaavoq aalajangiinerullu nalaani aningaasaliissutaasut affaat angullugit aningaasaliissuteqarsinnaanermut tunngasinnaalluni. Piginnaassusiliineq malittarisassanut ilanngunneqassaaq.

Imm. 2. Malittarisassani imm. 1-imi piffissaatitap naaffissaa ullulernerqassaaq, taarsigassarsiassat annerpaaffissaat, aammalu, § 30 taamatulli atuutissamat, aammattaaq paasissutissiissutigineqassaaq maannamut piginneqataasimasut taarsigassarsianut allatseqqaartussaataanerannit allaatitsisoqassanersoq. Taarsigassarsiat aningaasanik akiliuteqarani allatulli tunniunneqassappata, tamanna pillugu malittarisassat paasissutissiissapput.

Imm. 3. Siulersuisut taarsigassarsiniassallutik aalajangernerannut taamatulli § 32, imm. 1, nr. 1-5 aamma imm. 2 3-lu, kiisalu §§ 33, 33 a, 34 aamma 41, imm. 2, oqaaseqatigiit siulliit aappaallu atuutissapput.

Imm. 4. Siulersuisut aalajangernerat malittarisassanut ilanngunneqassaaq, aamma siulersuisut allannguutissat taakku suliarisinnaavaat.

Imm. 5. Akiitsut allagartaat piginneqataassutinut taarsiunneqassappata § 41, imm.4 taamatulli atuutissaaq.

§ 42. § 41, § 41 b, imm. 3 naapertorlugit aalajangersakkat sapaatit akunneri tallimat qaangiutsinnagit Erhvervs- og Selskabsstyrelsimut nalunaarutigineqassapput. Nalunaarut aningaasaliissutit taarsiinikkut amerlissutissaannik aammalu taarsiinissamut piffissaliussaq pillugit paasissutissiissaaq.

Imm. 2. Taarsiinissamut piffissaatitaasoq naariarpat siulersuisut Erhvervs- og Selskabsstyrelsimut erngerlutik nalunaarutigissavaat akiitsunut allagartat qanoq amerlatigisut piginneqataassutinik taarserneqarsimanersut. Piffissaq taarsiiivissaq ukiumik ataatsimik sivisuneruppat, ukiumoortumik naatsorsuviit naaneranni tamatigut kingusinnerpaamik sapaatit akunneri arfineq-marluk qaangiutsinnagit, siulersuisut nalunaarutigisassavaat akiitsut allagartaat qanoq amerlatigisut ukiup ingerlanerani piginneqataassutinut taarsiunneqarsimanersut. Nalunaarsuisoqareerpat aningaasaliissutit piginneqataassutit tamarmiusut nalingannik qaffassimasutut isigineqassapput.

Imm. 3. Aningaasaliissutit amerlineqarnerisa nassataannik malittarisassani allannguutissat pisariaqartut siulersuisut allannguutigittinnaavaat.

§ 43. Ataatsimeersuartut imaluunniit siulersuisut ataatsimeersuartunit piginnaaffiligaanermikkut aalajangersinnaavaat allagartat aningaasanik nalillit, obligationit imaluunniit akiitsut allagartaat allamut taarsiissutaasinnaasut atorlugit taarsigassarsisoqassasoq erniaqartitsisoqassasorlu annertussusaat tamakkiisumik ilaannakortumilluunniit piginneqataassutit iluanaaruteqartitsisinnaanerannik imaluunniit ukiumut sinneqartoorutinik tungaveqartumik. Siulersuisut piginnaatinneqarsinnaapput piffissami aalajangersimasumi ukiut tallimakkaarlugit sivisussuseqarsinnaasumi.

Kapitali 7

Aningaasaliissutit ikililerneqarnerat

§ 44. Aningaasaliissutinik ikililerinissaq, piginneqataassutinik § 47 naapertorlugu akilersillugit utertitsineq eqqaassanngikkaanni, malittarisassat allanngortinniarlugit taasinermi amerlanerussuteqarnissamik piumasaqaatit naapertorlugit ataatsimeersuarnermi aalajangerneqassaaq.

Imm. 2. Ataatsimeersuariaqqussummi nalunaarutigineqassaaq aningaasaliissutinik ikililerineq siunertanut § 44 a, imm. 1-imi taaneqarsimasunut sorlernut atorneqassanersoq aammalu ikililerinermi periusissaq.

Imm. 3. Aningaasaliissutit ikilileriffigineqarnissaannik aalajangerneq kapitali 19-imi aalajagersakkat naapertorlugit nalunaarutigineqassaaq. Nalunaarut piffissaq eqqorlugu tunniunneqanngippat, tak. § 156, aalajangiineq atorunnaassaaq.

§ 44 a. Aningaasaliissutit ikilileriffigineqarnissaannik aalajangiinermi § 29, imm. 2-mi aalajangersakkat taamatuttaa atuuatissapput. Aalajangiinermi aningaasat aningaasaliissutinik ikililiissutissat amerlassusaat (aningaasat ikililiissutissat) taaneqassapput, aammalu nalunaarutigineqassalluni siunertanut uku arlaannut atorneqassanersut:

- 1) amigartoorutinut matussutissatut,
- 2) piginneqataasunut tunniussassatut, imaluunniit
- 3) aningaasaateqarfimmut immikkut ittumut ileqqaagassatut ataatsimeersuarnermi aalajangi-inikkut taamaallaat atorneqarsinnaasunut.

Imm. 2. Siunertanut imm. 1, nr. 2-3-mi taaneqarsimasunut atortussanngorlugit aningaasaliis-sutinik ikililerinissamik ataatsimeersuarnermi taamaallaat aalajangertoqarsinnaavoq, siulersui-sut tamanna pillugu siunnersuuteqarpata, taamatulluunniit siunnersuut akuerippassuk. Ikili-leereernerup kingornatigut siulersuisunut ilaasortat ukua akisussaaffigissavaat

- 1) piginneqataassutinik aningaasaliissutit
 - 1) salliutitsinermi naleqartitsinerunissamut aningaasaateqarfik
 - 2) piginneqataassutinik utertitassanut aningaasaateqarfik
 - 3) nammineq piginneqataassutinut sillimmatissat
 - 4) ingerlatseqatigiiffiup iluani naleqarnerutitsinissamut sillimmatit
 - 5) naleqarnerulersitsinerit imaluunniit allililerinerit tamarmik
 - 6) sillimmatit, malittarisassat naapertorlugit aalajangersaaffigineqarsimasut.

Imm. 3. Ingerlatseqatigiiffiup aningaasaataanik tunniussisoqassappat, tak. Imm. 1, nr. 2 aam-ma 3, aningaasaliissutinik ikililiissutaasunit amerlanerusunik, aalajangiinermi § 44, imm. 3,

tak. § 46, naapertorlugu naliulik qaffasinnerutitsineq ilanngullugu taallugu, Erhvervs- og selskabsstyrelsen nalunaarsuina tamanullu saqqummiussina assigalugit, tamanna nalunaarutigineqassaaq.

Imm. 4. Imm. 1, nr. 2-mi 3-milu siunertatut taaneqartunut nammineq aningaasaliissutinik pigineqataassutit nalingannut naleqqiullugu appasinnerusumik ikililerineq pippat aningaasat sinne-ruttut ingerlatseqatigiiffiup sillimmataannut sunulluunniit atorneqarsinnaasunut pigineqataassutit nalingannut nuunneqassapput.

Imm. 5. Amigartoorutinik matussutaasussatut nammineq aningaasaliissutinik ikililerinermi, tak. imm. 1, nr. 1, amigartoorutit ullormi ikilileriffimmi minnerpaamik aningaasat ikililerissutaasut amerlaqatigigaat pillugu nalunaaruteqartoqassaaq. Taamaattorli tamanna pissanngilaq tamatuma peqatigisaanik nammineq aningaasaliissutinik amerlisitsisoqarpat, minnerpaamik aningaasat ikililerissutaasut amerlaqataannik. Nalunaarut naliliisartumit avataaneersumit suliarineqassaaq, tak. § 6 b.

§ 45. (Atorunnaarsinneqarpoq).

§ 46. Aningaasaliissutinik ikililiissutit tamarmik ilaannaalluunniit siunertanut § 44 a, imm. 1, nr. 2 aamma 3-mi taaneqartunut atorneqassappata aamma tamatuma peqatigisaanik nammineq aningaasaliissutit aningaasanik ikililiissutaasut nalingannik naliusinnaasumik qaffasinnerusumik ilassutitalinnik amerlineqanngippata, ingerlatseqatigiiffiup pisisitsisartui ingerlatseqatigiiffimmit pisassarisatik § 44, imm. 1 naapertorlugu Erhvervs- og selskabsstyrelsen styrelsen edb-kut ilisimatitsisarnermut aaqquissuussatigut nalunaarsuineratigut tamanullu saqqummiussineratigut nalunaarutiginninnissaminnik kajumissaarneqassapput.

Imm. 2. Nammineq aningaasaliissutinik ikililerineq siusinnerpaamik pissaaq Erhvervs- og Selskabsstyrelsen edb-kut ilisimatitsisarnermut aaqquissuussatigut tamanut saqqummiussinerup kingorna qaammatit 3-t qaangiunnerisigut. Pisassarisat nalunaarutigineqarsimasut akiligassanngortinneqarsimasullu suli naammassisinneqarsimanngippata, aamma pisassarisanut akiligassanngorsimasimanngitsunut imaluunniit saqitsaassutaasunut isumannaatsumik qularnaveeqqusiisoqarsimatinnagu nammineq aningaasaliissutinik ikililerineq pisinnaanngilaq. Siulersuinut ilaasortat tamatumunnga akisussaasuussapput.

Imm. 3. Illua tungeriit arlaasa qinnuteqarneratigut qularnaveeqqusiinissamik neqeroorut, tak. imm. 2, oqaaseqatigiit aappaat, isumannaatsutut isigineqarnissaa pillugu Erhvervs- og Selskabsstyrelsi aalajangiissaaq.

Imm. 4. Aningaasaviunngitsunik nalilinnilli allanik tunniussinikkut pigineqataasunut akiliuteqarnikkut nammineq aningaasaliissutinik ikililerineq pippat naliliinermut nalunaarusiortoqassaaq, tak. § 6 a. Pisumi matumani § 6 a, imm. 1, nr. 4 naapertorlugu nalunaarummi allasimassaaq nammineq aningaasaliissutinik ikililerineq naliusinnaasunik qaffasinnerusunik ilasutitaqartumi, nalilinnik allanik, aningaasaviunngitsunilli, tunniunneqartumi tunniunneqartuniluunniit nalingisa minnerpaamik amerlaqatigigaat.

Imm. 5. Aalajangiinerup nalunaarutigineqarneraniit ukioq ataaseq qaangiutsinnagu aningaasaliissutinik ikililerineqarsimaneranik nalunaaruteqartoqanngippat aamma aalajangernerup nalunaarsorneqarneranit sapaatip akunneri pingasut qaangitsinnagit, aalajangiineq atorunnaasaaq, aammalu § 44, imm. 3 naapertorlugu nalunaaruteqarsimaneq aktieselskabit nalunaarsuiffianniit peerneqassalluni.

§ 47. Ingerlatseqatigiiffiup malittarisassaani aalajangerneqarsinnaavoq aalajangersakkat aalajangersimasut naapertorlugit pigineqataassutit akilersillugit utertinnerisigut aningaasaliissu-

tinik ikililerisoqarsinnaassasoq (piginneqataassutininik utertitsinikkut ikililerineq). Siulersuisut piginneqataassutininik utertitsinikkut aningaasaliissutininik ikililerisinnaapput, piginneqataassutininik ikililerinissamik aalajangiussap malittarisassanut ilanngutereerneratigut pisiariniarlugit nalunaarutigineqareersimasunut. Siulersuisut malittarisassani allanngortitassatut pisariallit allanngortissinnaavaat.

Imm. 2. § 44 a, imm. 2, oqaaseqaatigiit aappaat taamaaqqataanik atuutissaaq.

Imm. 3. Aningaasaliissutininik ikilisisoqarsinnaavoq Erhvervs- og Selskabsstyrelsen edb-kut ilisimatitsisarnikkut aaqqissuusaatigut tamanut saqqummiussinngikkaluarluni, imaappat:

- 1) ikillilerinermi piginneqataassutit tamakkiisumik akililerneqarsimasut atorunnaarsinneqarpata,
- 2) piginneqataassutit akeqanngitsumik imaluunniit aningaasat iluanaarutissatut tunniunneqarsinnaasut sinnernagit tunisinermi akiliutigineqarsimappata, ilanngullugit obligationinik tunisinerit aamma
- 3) piginneqataassutit atorunnaartut naleqataannik immikkut aningaasaateqarfimmut ileqqaarisogarpata. Aningaasaateqarfik taanna amigartoorutit, allatut nungutinneqarsinnaanngitsut, tamakkiisumik ilaannakortumilluunniit nungutinneqarnerannut atorneqarsinnaavoq, nammineq aningaasaliissutininut nuussinermut (aningaasaateqarfimmi piginneqataassutininik inissiineq), ingerlatseqatigiiffik amigartooruteqarpata nalogiissaarfigineqanngitsunik.

Imm. 4. § 44, imm. 3-mi aamma § 46, imm. 5-mi aalajangersakkat taamatulli piginneqataassutit akilersillugit utertinnerisigut aningaasaliissutininik ikililerisoqarnerani atuutissapput.

Kapitali 8

Ingerlatseqatigiiffiup nammineerluni piginneqataassutai

§ 48. Aktieselskabi nammineerluni piginneqataassutini akilerlugit pigisarilersinnaanngilai imaluunniit sillimmasiussatut tiggummarilersinnaanngilai, ingerlatseqatigiiffiup ingerlatseqatigiiffiutaasalu ingerlatseqatigiiffimmi piginneqataassutaasa nalingisa aningaasaliissutit 10%-ii qaangersimassapatigut imaluunniit pigisaqalernikkut qaangissapatigut. Ingerlatseqatigiiffiup piginneqataassutit nammineerluni pigisinnaasaannut naatsorsuunneqassapput piginneqataassutit inuup allap aqqani ingerlatseqatigiiffiulli akiligassaaniq pissarsiarisimasat.

Imm. 2. Piginneqataassutininik pigisaqalerneq taamaallaat siulersuisut ataatsimeersuartunit pisinnaatinneqarneratigut pisinnaavoq. Pisussaaitaaneq piffissami aalajangersimasumi qaammatinik 18-iniit sivisunerusinnaanngitsumik tunniunneqarsinnaavoq.

Imm. 3. Pisinnaatitsissummi taaneqassapput ingerlatseqatigiiffiup piginneqataassutit piasaasa nalingisa annerpaaffissaat, kiisalu piginneqataassutininik pisinermini akiliutissaasa minnerpaaffissaat annerpaaffissaallu.

Imm. 4. Pigisaqalerneq taamaallaat pisinnaavoq ingerlatseqatigiiffiup akiitsut ileqqaagassallu peereerlugit pigisaasa aningaasat piginneqataasunut agguagassarsiaaannngitsut qaangersimapatigut. Piginneqataassutininik pissarsinerup kingornatigut, aningaasaliissutit nammineq piginneqataassutaasut ilanngaatigereerlugit 500.000 koruunit ataatisanngilaat.

Imm. 5. Piginneqataassutit tamakkiisumik akilersimasuinnaat pissarsiarineqassapput.

Imm. 6. Imm. 1-imit 5-imut aalajangersakkat taamatulli ingerlatseqatigiiffiup pigineqartup piginneqataassutininik pissarsineranut sillimmatissatulluunniit tigusineranut atuutissapput.

Imm. 7. Aktieselskabi pingaarnertut ingerlatseqatigiiffiup piginneqartaassutaaniq pisisinnaanngilaq imaluunniit pigisaqalersinnaanngilaq.

§ 48 a. Aktieselskabip annertuumik ajutoornissaralua pinngitsoortinniarlugu pisariaqarpat, ingerlatseqatigiiffik ataatsimeersuartunit pisussaassusiligaanngikkaluarluni, piginneqataassutini § 48 naapertorlugu pissarsisinnaavoq.

Imm. 2. Taamaassappat siulersuisut ataatsimeersuarnermi tullermi makku paasissutissiissutigissavaat:

- 1) pisisimanermut peqqutaasut siunertallu,
- 2) piginneqataassutit pisiarisimasat amerlassusaat nalingilu,
- 3) piginneqataassutit nalingisa aningaasaliissutit qasserarterutigineraat, kiisalu
- 4) piginneqataassutinut akiliutigineqarsimasut.

§ 48 b. § 48-mi aalajangersakkat akornutaassanngillat, aktieselskabip toqqaannartumik toqqaannanngitsumilluunniit piginneqataassutini nammineq pigisaminik pissarsinissaanut, imaappat:

- 1) kapitali 7 naapertorlugu aningaasaliissutini ikililerinermut atappat,
- 2) kattutititsinermit, agguataarinermut allatulluunniit pigisat nalillit tiguneqarnissaannut atasuteqarpat,
- 3) inatsisit naapertorlugit ingerlatseqatigiiffiup akiliilluni piginneqataassutini utertitsisusaatitaaneranut tunngappat, imaluunniit
- 4) pinngitsaalisalluni tuniniaanermi ingerlatseqatigiiffiup piumasaqaataanut matussutissatut piginneqataassutini tamakkiisumik akileriikkanik pissarsineruppat.

§ 48 c. Aktieselskabi akiliinani nammineq piginneqataassutimini pissarsisinnaavoq, aatsaat taakku tamakkiisumik akilersimappata.

Imm. 2. Imm. 1-imi aalajangersagaq taamatulli atuutissaaq ingerlatseqatigiiffiup pigineqartup ingerlatseqatigiiffimmi piginnitsimini piginneqataassutini akeqanngitsumik pissarsineranut.

§ 48 d. Piginneqataassutit § 48 b, nr. 2-4 imaluunniit § 48 c naapertorlugit tigummisarilersimasat ingerlatseqatigiiffimmut annasaqaataanngitsumik tunineqarsinnaaleriarpata tigummisarilerneriniit ukiut pingasut qaangiutsinnagit tuniarneqassapput, ingerlatseqatigiiffiup ingerlatseqatigiiffiutaasalu piginneqataassutaasa tamarmiusut nalingat aningaasaliissutit 10 %-iat qaangersimappassuk.

§ 48 e. Piginneqataassutit §§ 48-miit 48 c-mut aalajangersakkanut naapertuutinnngitsumik pissarsiarineqarsimappata, piaarnerpaamik qaammatillu arfinillit qaangiutsinnagit tuniarneqassapput. Taamatuttaaq piginneqataassutit qularnaveeqqusiussatut tigummineqalersimappata qularnaveeqqusiussaasimanerat piffissaatitap taaneqartup qaangiutinnginnerani atorunnaarsineqassaaq.

§ 48 f. Piginneqataassutit §§ 48 d aamma 48 e-mi piffissaatitaasoq eqqorlugu tunineqarsimannippata siulersuisut aningaasaliissutini piginneqataassutit nalingisa amerlaqataannik, tak. kapitali 7, ikililerissapput.

§ 48 g. (Atorunnaarsinneqarpoq).

§ 48 h. Aktieselskabi nammineq piginneqataassutimini pisissalluni nalunaarsinnaanngilaq.

Imm. 2. Piginneqataassutit inuup allap nammineq atini atorlugu pisiariumallugit nalunaarsor-simasai, ingerlatseqatigiiffimmulli akiligassanngortissimasai, atiminik atuilluni pisinissaminik nalunaarsimasumit akilerneqassasut naatsorsuunneqassaaq.

Imm. 3. Piginneqataassutit imm. 1-imi aalajagersakkamut naapertuuttuunngitsumik pisiassatut nalunaarutigineqarsimasut, pilersitsisut namminneq pisiaattut isigineqassapput, imaluunniit aningaasaliissutinik amerlisitsisoqartillugu, siulersuisut ilaasortaasa qullersaqarfimmilu pisortat namminneq akiligassaattut isigineqassapput, tamatumuunalu pisiassat akiisa akilernissaat ataatsimoorlutik akisussaassuseqarfigilissallugit. Tamannali atuutissanngilaq pilersitsisunut ilaasortanulluunniit piginneqataassutinik pisinissamik nalunaarnerup unioqqutitsilluni ingerlanneqarsimaneramik paasisimasaqannginnerminnik imaluunniit paasisimasaqartariaqannginnerminnik uppernarsaasunut.

Imm. 4. Taamatuttaaq imm. 1-imi aalajagersagaq ingerlatseqatigiiffiup piginnittup ingerlatseqatigiiffiutaata piginnitsimi piginneqataassutaanik pisineranut atuutissaaq. Piginneqataassutit ingerlatseqatigiiffiutaasup siulersuisuinit qullersaqarfianilu pisortanit imm. 3-mitut pisiassatut nalunaarutigineqarsimasutut isigineqassapput.

§ 48 i. Naalagaaffiup aktieselskabiutai Erhvervs- og Selskabsstyrelsimut nalunaaruteqapallasapput selskabip taassumalu pigisaatut selskabit ingerlatseqatigiiffimmi aktiatigut pigisai tamarmiusut pillugit, imaappat

- 1) aktiat allassimasutut nalingat aktiatigut piginneqataassutit minnerpaamik 2 pct.-erippassuk imaluunniit
- 2) pigineqartuni allannguutit aktiatigut piginneqataassutit minnerpaamik 2 pct.-erippassuk.

Imm. 2. Imm. 1 malillugu nalunaarutit paasisutissartaqassapput taamaalinerani aktiatigut pigisat aktiat klassiunut agguataakkat pillugit aammalu aktiatigut pigisanik kingullerpaamik nalunaaruteqarsimaneq pillugu.

Kapitali 9

Ingerlatseqatigiiffiup siulersorneqarnera

§ 49. Aktieselskabi siulersuisoqassaaq ikinnerpaamik pingasunik ilaasortalimmik.

Imm. 2. Siulersuisut ataatsimeersuartunit qinerneqassapput, § 59, imm. 3, naapertorlugu sinniisuutitanit qinerneqassanngippata. Malittarisassat pisortatigut oqartussat allalluunniit siulersuisut ilaasortassaannik ataatsimik arlalinnilluunniit qinersisinnaatillugit pisinnaatitsisinnaapput. Ingerlatseqatigiiffinni ukiuni kingullerni pingasuni agguaqatigiissillugit ikinnerpaamik 35-nik sulisoqarsimasuni, ingerlatseqatigiiffimmi sulisut akunnerminni § 177-imullu naapertuuttumik siulersuisunut ilaasortaatitassaminnik sinniisussaannillu oqaaseqatigiit siulliit aappaallu naapertorlugit qinigaasut affaasa amerlaqataannik qinersisinnaatitaapput, minnerpaamilli marlunnik. Siulersuisut ilaasortassaattut qinigassat amerlassusaat kisitsimmut ilivitsumut angummatinngippata, qinigassat amerlassusaat oqaaseqatigiit pingajui najoqqutaralugit kisitsimmut ilivitsumut tullermut amerlineqassapput.

Imm. 3. Ingerlatseqatigiiffimmi piginnittuusumi ingerlatseqatigiituaanillu, nunami maani nalunaarsorneqarsimasuni, sulisut akunnerminni § 177-imullu naapertuuttumik ingerlatseqatigiiffiup piginnittup siulersuisuinut ilaasortaatitassaminnik sinniisussaannillu aalajangersimasunik amerlassusilikkanik qinersisinnaatitaapput (suliffissuarni sulisunik siulersuisunut ilaasortaatitsineq), ingerlatseqatigiiffiit pineqartut aktieselskabiuppata anpartsselskabiuppataluunniit taakkunanilu taasisinnaatitaanerit amerlanerussuteqartut ingerlatseqatigiiffiup piginnittup sunniuteqarfigippagit, tak. § 2, imm. 4 aamma 5, kiisalu ingerlatseqatigiiffik piginnittoq ingerlatseqatigiiffiutaalu ataatsimut ukiut kingulliit pingasut ikinnerpaamik agguaqatigiissillugit 35-inik sulisoqarsimappata. Ingerlatseqatigiiffik piginnittoq imm. 2, oqaaseqatigiit pingajuini taaneqartut ilaattut naatsorsuusaaappat ingerlatseqatigiiffimmi piginnittumi sulisut aalajangersagaq manna naapertorlugu siulersuisunut ilaasortassaminnik marlunnik sinniisussaannillu qinersisinnaatitaapput. Ingerlatseqatigiiffimmi piginnittumi sulisunit siulersuisut ilaasortasaattut qinigaasut imm. 2, oqaaseqatigiit siulliit aappaallu naapertorlugit qinigaasut affaannik amerlassuseqassapput, minnerpaamilli pingasuussallutik. Imm. 2, oqaaseqatigiit sisamaanni, aalajangersagaq taamatulli atuutissaaq.

Imm. 4. Sulisut ingerlatseqatigiiffimmi piginnittumi siulersuisunut ilaasortaatitassaminnik qinersisimappata, ingerlatseqatigiiffissuarmi siulersuisunut ilaasortaatitassaminnik imm. 3 naapertorlugu akunnerminni qinersissapput, siullerpaamik ingerlatseqatigiiffimmi piginnittumi siulersuisunut ilaasortaatitamik sinniisaasalu qinigaaffiisa naanerani.

Imm. 5. Ingerlatseqatigiiffinni, imm. 2, oqaaseqatigiit pingajuini aamma imm. 3-mi taaneqartut ilaattut naatsorsuusaaangitsuni, malittarisassat ingerlatseqatigiiffiup ingerlatseqatigiiffissuulluunniit sulisui siulersuisunut ilaasortaatitassaminnik marlunnik qinersinissaannik pisinnaatitsisinnaapput.

Imm. 6. Siulersuisut ilaasortassaat amerlanerussuteqartut ataatsimeersuarnermi qinerneqassapput, taamaattorli tak. § 59, imm. 3, oqaaseqatigiit pingajui. Ataatsimeersuarnermi siulersuisut ilaasortassaannik qinersisoqartinnagu qinigaassanngortitat aktieselskabini allani nunami maani najugaqartuni siulersuisunut ilaasortaanerannik imaluunniit pisortatut atorfeqarnerannik paasissutissiisoqassaaq, tamannali ingerlatseqatigiiffinnut tamakkiisumik pigineqartunut atuutissanngilaq.

Imm. 7. Imm. 2, oqaaseqatigiit pingajui aamma imm. 3 naapertorlugit sulisunit siulersuisut ilaasortasaattut qinigaasimasut ukiunut sisamanut, ingerlatseqatigiiffimmi ingerlatseqatigiiffissuuppallu ingerlatseqatigiiffissuarmi qinigaaffik ukiumik ilivitsumik sioqqullugu sulisimasut akornannit, qinigaassapput. Siulersuisut ilaasortaasa sinnerisa qinigaaffiat malittarisassani aalajangersimasatut sivisussuseqassaaq. Qinigaaffik naassaaq ileqquusumik ataatsimeersuarnerup naanerani, kingusinnerpaamik qinersinermiit ukiut sisamat qaangiunneranni.

Imm. 8. Siulersuisut ilaasortaat pillugit inatsimmi aalajangersakkat taamatulli sinniisussanut atuutissapput.

§ 50. Siulersuisunut ilaasortaq qaqugukkulluunniit tunuarsinnaavoq. Tunuarniuteqarluni nalunaarut ingerlatseqatigiiffiup siulersuisuinut tunniunneqassaaq aammalu, ilaasortaq ataatsimeersuartunit qinigaasimannikkuni, qinersisiminutaaq nalunaassaaq. Siulersuisuni ilaasortaq qinersisiminit imaluunniit toqqarnitsiminit qaqugukkulluunniit tunuarniuteqarsinnaavoq.

Imm. 2. Siulersuisut ilaasortaat qinigaaffik naanngitsoq tunuassappat, imaluunniit § 52 naapertorlugu siulersuisuni ilaasortaanissamat piumasaaqatit naammassisinnaajunnaarpagit, sinniisusaqanngippallu, siulersuisunut ilaasortat sinneruttut pisussaapput ilaasortassamik nutaamik, ilaasortaaajunnaartup qinigaaffiata sinneranut ilaasortaaasussamik, qinersititsissallutik. Taamatuttaaq iliortoqassaaq siulersuisunut ilaasortaq § 49, imm. 2, 3.pkt.aamma imm. 3 naa-

pertorlugit sulisunit qinigaasimasoq ingerlatseqatigiiffimmi ingerlatseqatigiiffissuarmiluunniit suliunnaarpat. Ilaasortarli ataatsimeersuartunit qinerneqassappat, siulersuisunut ilaasortassamik nutaamik qinersinissaq ileqquusumik ataatsimeersuarnissamut tullermut kinguartinneqarsinnaavoq, siulersuisut ilaasortaat sinniisussaallu sinneruttut ilaasortaralugit, aalajangiisinaassuseqarpata.

§ 51. Siulersuisut qullersaqarfimmi pisortassanik pingasut tikillugit amerlassusilinnik atorfnitsitsissapput, malittarisassani amerlanernik pisortaqaassasoq aalajangersaasoqarsimanngipat.

Imm. 2. Siulersuisut ilaasortaat amerlanerussuteqartut ingerlatseqatigiiffimmi pisortatut atorfeqassanngillat.

Imm. 3. Ingerlatseqatigiiffinni aningaasanik niuerfik aqputigalugu piginneqataassutiminnik tuniniaasitsisuni, tak pappialanik aningaasanik nalilinnik niuerneq il.il.pillugit inatsimmi kunngip peqqussuteqarneratigut Kalaallit Nunaannut atortuulersinneqartumi § 7, imm. 1, nr. 1, naalagaaffiullu aktieselskabiutaani, siulersuisut siulittaasuata ingerlatseqatigiiffik taamatut atorfeqartup nalinginnaasumik suliassarinnigisaanik sulissussinnaanngilaa, siulersuisunit immikkoorluinnartumik qinnuigineqarnikkut suliassiissutit eqqaassanngikkaanni.

§ 52. Siulersuisut ilaasortaat pisortallu inuttut nammineersinnaassuseqassapput aamma inuttut piginnaasakittuussanngillat namminersorsinnaassuseq pillugu inatsit kunngip peqqussuteqarneratigut Kalaallit Nunaannut atortuulersinneqartoq naapertorlugu.

Imm. 2. Aktieselskabini umiarsuaatileqatigiittut ingerlasinnaasuni, inuup ataatsip sulliviutaa imaluunniit interessentskabit akisussaassuseqartut pisortatut atorfeqarsinnaapput, piginnittup interessentskabilluunniit imm. 1-imi pisortanut piumasaqaataasut naammassisinnaapatigut.

§ 53. Ingerlatseqatigiiffinni siulersuisut ilaasortaat ataasiakkaat ilaasortaalernermikkut qullersaqarfimmi pisortai ataasiakkaat atorfeqalernermikkut sulissuaqarfiup aktieselskabiutaani anpartsselskabiutaaniluunniit piginneqataassuteqarnertik pillugu siulersuisunut nalunaaruteqassapput, kingusinnerusukkullu aktieselskabi anpartsselskabiniluunniit taakkunani piginneqataassuteqalissagaluarunik piginneqataassutaarutissagaluarunilluunniit tamanna aamma nalunaarutigissallugu. Nalunaarutit allattuiffinni immikkut ittuni nalunaarsorneqassapput. Ingerlatseqatigiiffissuarni siulersuisut qinersinnaavaat ingerlatseqatigiiffiutinut tamanut ataatsimoorussamik nalunaarsuiffeqassallutik.

Imm. 2. Pappiaqqanik aningaasanik nalilinnik niuerneq il.il.pillugit inatsimmi kunngip peqqussuteqarneratigut Kalaallit Nunaannut atortuulersinneqartumi § 29-mi taaneqartutut ingerlatseqatigiiffinni aamma naalagaaffiup aktieselskabiutaani siulersuisut ilaasortaat, pisortat, qullersatullu atorfillit ingerlatseqatigiiffimmi ingerlatseqatigiiffissuarmiluunniit piginneqataassutitik piginneqataassutit nalunaarsuiffiannut atitik atorlugit nalunaarsussavaat, tak. §§ 25, 25 a aamma 26. Ingerlatseqatigiiffiit taakku nalunaarsuiffimmut imm. 1-imi taaneqartumut atatillugu qullersatut atorfillit nalunaarsussavaat. Nalunaarsuinermi taakku aqqi tamaasa najugaallu paasissutissiissutigineqassapput.

Imm. 3. Siulersuisut ilaasortaat pisortallu aktieselskabimi piginneqataassutit ingerlatseqatigiiffissuulluunniit aktieselskabiutaani anpartsselskabiutaaniluunniit piginneqataassutit tunngavilugit iluanaarnuteqassanngillat iluanaarniarnermulluunniit peqataassanatik.

§ 54. Siulersuisut pisortallu ingerlatseqatigiiffimmik aqutsineq isumagissavaat. Siulersuisut ingerlatseqatigiiffiup aqqissuussaanera isumannaatsumik iluarsartuutissavaat. Siulersuisut

qullersaqarfimmilu pisortat akunnerminni pissuserisassaannut imm. 2 aamma 3-mi aalajangersakkat atuupput. Siulersuisut qullersaqarfimmilu pisortat ingerlatseqatigiiffimmik avammut sinniisussaataanerat taakkulu ingerlatseqatigiiffimmik pisussaatisisunik isumaqatigininniartarnerat pillugu §§ 60-62-imi aalajangersakkat atuupput.

Imm. 2. Ingerlatseqatigiiffiup ulluinnarni siulersorneqarnera qullersaqarfimmi pisortat isumagissavaat siulersuisullu maleruaqqusaat innersuutaallu sulinerminni maleruassallugit. Ulluinnarni aqutsinermut naatsorsuussaangillat, iliuutsit piginneqatigiiffimmi pissutsinut naleqqiullugit immikkoorluinnartut imaluunniit ingerlatseqatigiiffimmut pingaarutilerujussuit. Iliuutsit taama ittut qullersaqarfimmi pisortat taamaallaat suliarisinnaavaat siulersuisunit immikkut ittumik pisussaatinneqarnermikkut, siulersuisut aalajangernissaat ingerlatseqatigiiffiup sulineranut annertuumik ajoqutaanngitsumik utaqqineqarsinnaappat. Immikkut pisussaatinneqarnani iliuuseqartoqarsimatillugu siulersuisut piaarnerpaamik nalunaarfigineqassapput.

Imm. 3. Siulersuisut nalilissavaat ingerlatseqatigiiffiup aningaasaatai piareersimatitat qaqugumulluunniit ingerlatseqatigiiffiup ingerlanneqarneranut naleqquttuunersut isumannaatsuunersullu. Siulersuisut isumagissavaat naatsorsuuserineq pigisanillu atuineq ingerlatseqatigiiffimmi pissutsinut naapertuuttumik naammaginantumillu nakkutigineqarnerisq. Qullersaqarfimmi pisortat nakkutigissavaat ingerlatseqatigiiffimmi naatsorsuuserineq naatsorsuuserinermut inatsisinut naapertuuttumik ingerlanneqarnerisq, pisuussutillu isumannaatsumik atornerqarnerisut.

Imm. 4. Ingerlatseqatigiiffik sinnerlugu pisinnaatitaaneq siulersuisunit taamaallaat pisinnaatitissutigineqarsinnaavoq.

§ 54 a. Naalagaaffiup aktieselskabiutaani siulersuisut isumagissavaat inatsimmi matumani aamma ingerlatseqatigiiffiit ilaasa ukiumoortumik naatsorsuutunik il.il. saqqummiussisarnerat pillugu inatsimmi (ukiumoortumik naatsorsuutit pillugit inatsit) kunngip peqqussuteqarneratigut Kalaallit Nunaannut atortussanngortinneqartumi naalagaaffiup aktieselskabiutaanut aalajangersakkat immikkut ittut naammassineqarnissaannut maleruagassiornissaq.

Imm. 2. Erhvervs- og Selskabsstyrelsi imm. 1-imi eqqartorneqartutut maleruagassianik nasinneqarnissamik piunasaqarsinnaavoq.

§ 54 b. Siulersuisut aamma qullersaqarfimmi pisortat kukkunersiusisq kinaluunniit, ingerlatseqatigiiffimmit qinerneqartoq, aamma pissusit ingerlatseqatigiiffiup atugai pillugit nalunaaruteqartussaasoq, paasissutissanik, ingerlatseqatigiiffimmik naliliinermi pingaaruteqartutut isigineqartunik, tunissavaat ingerlatseqatigiiffiup aamma taanna ingerlatsiviuppat piginnittoq, ingerlatseqatigiiffissua ukiumoortumik naatsorsuusiortarnermi inatsit kunngip peqqussuteqarneratigut Kalaallit Nunaannut atortussanngortinneqartoq naapertorlugu nalilernissaannut pisariaqartinneqartunik.

Imm. 2. Siulersuisut aamma qullersaqarfimmi pisortat kukkunersiusisq kinaluunniit, ingerlatseqatigiiffimmit qinerneqartoq, aamma pissusit ingerlatseqatigiiffiup atugai pillugit nalunaaruteqartussaasoq, misissuinissamat pisinnaatissavaat pisariaqartitaminik misissuisinnaanissaanut, isumagissalluguttaaq kukkunersiusip paasissutissanik ikiorsiissutinillu suliami ingerlaneranut pisariaqartitaanik pissarsinissaa. Aktieselskabimi, ingerlatseqatigiiffissuarmit pigineqartumi siulersuisut aamma qullersaqarfimmi pisortat, ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaannut atortussanngortinneqartoq naapertorlugu taamaaqqataanik ingerlatseqatigiiffimmut piginnittup kukkunersiusisuanut pissusaaffeqarput.

§ 55. Ingerlatseqatigiiffimmi piginnittumi siulersuisut pisussaapput ingerlatseqatigiiffiup pigisami siulersuisui ingerlatseqatigiiffissuarmik pilersitsisimanerminnik nalunaarfigissallugit. Ingerlatseqatigiiffik pigineqartoq pisussaavoq, piginnitsini ingerlatseqatigiiffiup inissisimane-ranik angusaanillu naliliinissamut paasissutissanik pisariaqartunik tunissallugu.

§ 55 a. (Atorunnaarsinneqarpoq).

§ 56. Siulersuisut siulittaasussartik nammineq qinissavaat, malittarisassani allamik aalajangersagaqanngippat. Taasisut naligiippata makitsinikkut qinersineq aalajangerneqassaaq. Pisortaq siulittaasutut qinerneqaqqusaanngilaq.

Imm. 2. Siulittaasup isumagissavaa siulersuisut pisariaqaleraangat ataatsimiittarnissaat isumagissallugulu siulersuisut ilaasortaasa tamarmik ataatsimiigiaqqusaanissaat. Siulersuisut ilaasortaap pisortarlunniit siulersuisut atatsimiitinnissaannik piumasaqarsinnaavoq. Pisortaq siulersuisunut ilaasortaanngikkaluarluni siulersuisut ataatsimiinnerini najuussinnaatitaavoq oqaaseqarsinnaatitaallunilu, ataatsimiinnerni ataasiakkaani siulersuisut allamik aalajangiissanngippata.

Imm. 3. Siulersuisut aalajangeereernerisigut siulersuisut susassaqarfii erseqqinnerusumik killilersugaasut allattaaveqarnikkut suliarineqarsinnaapput. Oqaaseqatigiinni siullerni aalajangersagaq apeqqutaatinnagu siulersuisut ataatsimiinnissaat siulersuisunut ilaasortap pisortallunniit piumasarisinnaavaa. Aammattaq siulersuisut ataatsimiittarnerat pillugu inatsimmi aalajangersakkat nikinganerit pisariaqartut ilanngullugit taamaaqataanik allattaaveqarluni siulersuisut ataatsimiinnerinut atuupput.

Imm. 4. Siulersuisut ataatsimiinnerat elektronikkikkut tusagassiuutit (siulersuisut elektronikki atorlugu ataatsimiinnerat) atorlugit pinsinnaavoq, tamanna siulersuisut suliassaasa suliarinerannut ataneqartinneqarsinnaanera apeqqutaatillugu. Oqaaseqatigiinni siullerni aalajangersagaq apeqqutaatinnagu siulersuisunut ilaasortap pisortaanerullunniit piumasarisinnaavaa ilaasortat namminneq takkunnerisigut siulersuisuni ataatsimiittoqassasoq. Ilaatigut siulersuisut ataatsimiittarnerat pillugu kiisalu elektronikkikkut attaveqatigiinneq pillugit inatsisip aalajangersagartai, tak. § 65 b, imm. 1 aamma 4, nikinganerit pisariaqartut ilanngullugit tamatumunnga atatillugu siulersuisut elektronikki atorlugu ataatsimiinneranut attaveqatigiinnermullu taamaaqataanik atuutsissapput.

Imm. 5. Siulersuisutisumaqatigiinniarnerni allataaviit, ilaasortanit najuuttunit tamarmit atsiorneqartussat, atorneqassapput.

Imm. 6. Kukkunersiuisut allattaavii siulersuisut ataatsimiinneranni tamani saqqummiunneqartassapput, Kukkunersiuisut naalagaaffimmit immikkut akuersissuteqarfigisat nalunaarsorneqarsimasullunniit pillugit inatsit kunngip peqqussuteqarneratigut Kalaallit Nunaannut ator-tussanngortinneqartoq inatsisiliallunniit allat naapertorlugit tamanna kukkunersiuisumut kukkunersiui-nermut allattaaveqarnissamik pisussaaffiliisuuppat, imaluunniit kukkunersiuisoq ingerlatseqatigiiffimmik ilaatigut isumaqatigiissuteqarnikkut kukkunersiui-nerminut allattaavik atorsimappagu. Kukkunersiui-nermut allattaavimmut sunaluunniit ilanngunneqartoq siulersuisunut ilaasortanit tamanit atsiorneqartassaaq.

Imm. 7. Siulersuisut, suleriaatsinik malitassaliornermikkut suliamik ingerlannissaannut malitassanik erseqqinnerusunik aalajangersagaliussapput. Ingerlatseqatigiiffinni piginneqataassutiminnik aningaasanik niuerfik aqqutigalugu tuniniaasitsisuni, tak. pappialanik aningaasanik nalilinnik niuerneq il.il. pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 7, imm. 1, nr. 1, aamma naalagaaffiup

aktieselskabiutaani suleriaasissatut aalajangersakkat minnerpaamik makkuninnga imaqassapput:

- 1) siulersuisut inissitsiternissaannik aalajangiisinnaassuseqarnerannik kiisalu qanoq akulikitsigisumik atatsimiittarnissaannik aalajangersakkat,
- 2) suliassat agguataarnerannut ilitersuutit aalajangersakkallu, ilanngullugit siulersuisut pisortallu imaluunniit ingerlatseqatigiiffimmi aalajangiisinnaasut allat akornanni suleriaasissat, pisinnaatitsissutit ilitersuutillu,
- 3) siulersuit qullersaqarfiup ingerlatseqatigiiffimmik ingerlatseqatigiiffiutinillu siulersuinerannik, nakkutilliinissaannik aalajangersakkat,
- 4) inatsit una naapertorlugu atuakkanik, allattuiffinnik ataatsimiinnernilu isumaqatiginninniartarnerit allattuiffiannik ingerlatsinissamut aalajangersakkat,
- 5) aalajangersakkat siulersuisut, ingerlatseqatigiiffiup aaqqissuussimaneranik, soorlu naatsorsuutunik ingerlatsinerup, qarasaasiaqarnikkut aaqqissuussinerup, missingersuusiortarnerup kiisalu ingerlatseqatigiiffiup nammineq iluani nakkutilliinissaannik,
- 6) aalajangersakkat siulersuisut suliassatik naammassiniassallugit paasissutissanik pisariaqarsorisaminnik katersinissaannut pisussaaffiliisut,
- 7) aalajagersakkat siulersuisut pilersaarutunik, missingersuusianik assigisaannillu ingerlatseqqinnissaannik pisussaaffiliisut, kiisalu aalajangersakkat siulersuisut ingerlatseqatigiiffiup aningaasanik tigorianaannarnik pigisaqarneranik nasuiaatinut, ingerlatseqatigiiffimmut imissuteqaatit, aalajangersakkanut pingaarutilinnut, sillimmasiinermi aalajangersakkanut pingaarnernut, aningaasat kaaviiartinnerinut kiisalu periaatsit immikkut nalorninartoqartitsinnaasunut naliliinissaannik pisussaaffiliisut,
- 8) aalajangersakkat siulersuisunut, kukkunersuisut nalunaarutaasa allattuiffiata atsiorneqarnera sioqullugu imarisaata naliliiffiginissaannik, pisussaaffiliisut,
- 9) aalajagersakkat siulersuisunut ukiup naatsorsuiffiup ingerlanerani piffissanut aalajangersimasunut naatsorsuutit assigisaasalu ukiup naatsorsuiffiup ingerlanerani misissuinissamik pisussaaffiliisut, kiisalu,
- 10) aalajagersakkat siulersuisunut kukkunersuiuinissami tunngavissat pisariaqartut pissarsiarineqarnissaanut qulakkeerinissamik pisussaaffiliisut, ilanngullugu ingerlatseqatigiiffiup ilumini kukkunersuiisoqartariaqarneranik naliliinissamut.

Imm. 6. Naalagaaffiup aktieselskabiutani siulersuisut suleriaasissaat suliarineqareernermit sapaatit akunneri arfineq-marluk qaangiutsinnagit Erhvervs- og Selskabsstyrelsimut nassiu-neqassaaq. Piffissarititaq taanna aamma atuutissaaq aktieselskabimik § 2 a malillugu naalagaaffimmut pigisassanngortitsisoqaraangat imaluunniit suleriaasissami allannguuteqartitsiso-qassagaangat.

§ 57. Siulersuisut aalajangiisinnaassuseqarput ilaasortat tamarmiusut affaat sinnerlugit najuuppata, malittarisassat naapertorlugit annerusunik piunasaqartoqanngippat. Aalajangiisoqassanngilarli sapinngisamik siulersuisut ilaasortaat tamarnik eqqartorneqartup suliarineranut peqataatinneqarsimatinnagit. Siulersuisut ilaasortaat peqataasinnaanani nalunaarpat sinniisussaqarpallu, sinniisussaa peqatatinneqassaaq ilaasortap peqatasinnaannginnerata sivisoqataanik.

Imm. 2. Suliassat siulersuisunit suliarineqartut amerlanerussuteqarneq naapertorlugu aalajangerneqartassapput, immikkut amerlassuteqarnissamik malittarisassani aalajangersaasoqarsimanngippat. Malittarisassani aalajangersarneqarsinnaavoq taasisut naligiippata siulittaasup taasinera aalajangiisuussasoq.

§ 58. Siulersuisunut ilaasortaq pisortarluunniit peqataaqqusaanngilaq suliassani, nammineq ingerlatseqatigiiffiullu akunnerminni isumaqatigiissutinut tunngasuni, imaluunniit nammineq pilluni eqqartuussivimmuut suliassiissutaasuni imaluunniit ingerlatseqatigiiffiup inuullu allap isumaqatigiissutaat pillugit imaluunniit inummut allamut eqqartuussisutigit suliassiissutaasuni, suliassaq siulersuisunut ilaasortamut pisortamulluunniit annertuumik soqutiginaateqarpat ingerlatseqatigiiffiup soqutigisaanut akerliusinnaasumik.

§ 59. Malittarisassani aalajangerneqarsinnaavoq siulersuisut saniatigit sinniisuutitaqassasoq. Taakku ataatsimeersuarnermi qinerneqassapput. Malittarisassani aalajangersarneqarsinnaavoq sinniisuutitanut ilaasortaq arlallilluunniit allatut toqqarneqassasut, taamaattorli sinniisuutitanut ilaasortassat amerlanerit ataatsimeersuarnermi qinerneqassapput.

Imm. 2. Sinniisuutitat ikinnerpaamik tallimanik ilaasortaqqassapput. Pisortat siulersuisunulluunniit ilaasortat sinniisuutitanut ilaasortaasinnaanngillat. Malittarisassani sinniisuutitat ilaasortalersornissaat ilaasortaanerisalu sivisussusissaat sukumiinerusumik aalajangersuiffigineqassapput.

Imm. 3. Siulersuisut qullersaqarfiullu ingerlatseqatigiiffiup soqutigisaanik ingerlatsinerat sinniisuutitat nakkutigissavaat. Malittarisassani aalajangersaasoqarsinnaavoq siulersuisut sinniisuutitat sapinngisamik pissutsinik, suleriaatsinik aalajangersimasunik ulluinnarni aqutsinermut ilaanngitsunik, sioqqutsillutik ilisimatissagaat. Malittarisassanissaaq aalajangersarneqarsinnaavoq siulersuisut ilaasortassaannik takkulu akissarsiasaannik sinniisuutitat aalajangiisassasut. Sinniisuutitat allamik piginnaassusiligaasinnaanngillat.

Imm. 4. Siulersuisunut siulersuisullu ilaasortaannut aalajangersakkat §§ 50, 52-53, 56-58, 64, 115, 140 aamma 143-145-mi allassimasut taamatuttaaq sinniisoqarfimmi ilaasortanut atuutissapput.

Imm. 5. Imm. 1-4-mi aalajangersakkat aningaaserivinnut atuutissanngillat.

§ 60. Siulersuisut ilaasortaasa qullersaqarfimmilu pisortat ingerlatseqatigiiffik avammut sinniisuuffigaat.

Imm. 2. Ingerlatseqatigiiffik sinnerlugu isumaqatigiissutigisanut ingerlatseqatigiiffik pisussanngortinneqassaaq, siulersuisut tamarmiullutik imaluunniit siulersuisunut ilaasortamit ima-luunniit pisortamit ataatsimit peqataaffigineqarsimappata.

Imm. 3. Imm. 2 naapertorlugu ingerlatseqatigiiffimmik avammut sinniisuuffiginnissinnaatitaaneq, siulersuisut ilaasortaannut qullersaqarfimmilu pisortanut ataasiakkaanut tunngatinneqartoq, malittarisassani aalajangersaanikkut killilerneqarsinnaavoq, sinniisutut iliuuseqarsinnaatitaaneq ilaasortanit arlariinnit ataatsimoortunit ilaasortanilluunniit aalajangersimasunit taakkuluunniit ataatsimoorneratigit taamaallaat ingerlanneqarsinnaalersillugu. Sinniilluni iliuuseqarsinnaatitaanermut allatut killiliineq nalunaarsorneqarsinnaanngilaq.

§ 61. Isumaqatigiissuteqaat § 60 naapertorlugu sinniisuusinnaatitaasunit suliarineqartoq ingerlatseqatigiiffimmuut pisussaatsissaaq, imaanngippat:

- 1) sinniisinnaatitaasut iliuuseqarsinnaatitaanerminnut killigititaasunut inatsimmi matumani aalajangersarneqarsimasunut akerliusumik iliorsimappata, imaluunniit
- 2) isumaqatigiisuteqaat ingerlatseqatigiiffiup siunertaanut naapertuutinnngippat, ingerlatseqatigiiffiullu uppersarsinnaappagu inuup allap tamanna ilisimagaa ilisimanngitsoorsinnaanngikkaaluunniit.

Imm. 2. Malittarisassani siunertap ingerlatseqatigiiffimmit § 158, imm. 1 naapertorlugu nalunaarutigineqarnera nammineerluni imm. 1, nr. 2 naapertorlugu uppersaatitut atorneqarsinnaangilaq.

§ 62. Siulersuisunik qinersisimaneq qullersaqarfimmulluunniit pisortassamik atorfinitsitsisimaneq § 158 naapertorlugu Atuagagdliutini aamma Erhvervs- og Selskabsstyrelsen edb-kkut ilisimatitsisarnermut aqqissuussaartigut nalunaarutigineqareertillugit, ingerlatseqatigiiffik pissutsit qinersinermik atorfinitsitsinermilluunniit atorunnaarsitsinnaasut patsisigalugit inummut allamut uparuartuisinnaangilaq, uppersarsinnaangikkuniuk inuup taassuma pissutsit ilisimagai.

§ 63. §§ 60-62 naapertorlugit ingerlatseqatigiiffimmut sinniisuusinnaatitaasut, sinniisuunermi nalunangitsumik piginneqataasut ilaannut allanulluunniit assuarnartumik iluaqutissiisussamik ingerlatseqatigiiffimmullu ajoqutaasinnaasumik iliuuseqassangillat. Taamattaq maleruassangilaat ataatsimeersuarnermi aalajangersakkat imaluunniit ingerlatseqatigiiffiup immikkoortoqarfiisa allat aalajangersagaat, inatsimmut matumunnga imaluunniit ingerlatseqatigiiffiup malittarisassaanut akerliusut atorunnaarsinneqarsinnaappata.

Imm. 2. Kisermaassilluni ingerlatseqatigiiffiutillip ingerlatseqatigiiffiutaatalu akunnerminni isumaqatigiissutaat allaganngorlugit isumaqatigiissutigineqassapput, suliamut ingerlaavartumut tunnganngippata piunasaqaatillu nalinginnaasut naapertorlugit isumaqatigiissutaanngippata.

§ 64. Siulersuisunut ilaasortat pisortallu aalajangersimasumik akissarsiaqartinneqarsinnaapput ingerlatseqatigiiffiullu ilanngaattissat ilanngaatigereerlugit sinneqartoorutaanik aalajagersimasumik kajumissaaserneqarsinnaallutik. Akissarsiarititat atorfimmul suliamullu tassunga nalinginnaasumik akissarsiaritineqartartumit qaffasinnerussangillat kiisalu ingerlatseqatigiiffiup ingerlatseqatigiiffissuuppallu ingerlatseqatigiiffissuup aningaasaqarniarnikkut inissisimaneranut naleqqiullugu illersorneqarsinnaasumik annertussusilerneqassallutik.

Imm. 2. Aktieselskabi akiliisinnaajunnaarpat siulersuni ilaasortat pisortallu, taama iliorneq eqqortuusorisimagaluarunik kuluunniit, ullormiit piffissaliussamiit ukiuni kingullerni tallimani iluanaarutinit kajumissaatisiarimasartakkatik utertissavaat, ingerlatseqatigiiffik kajumissaasiinermi nalaani akiitsuminut akiliutissaarutereersimappat.

Kapitali 10

Ataatsimeersuarneq

§ 65. Piginneqataasut aalajangiisinnaatitaanerat ataatsimeersuarnermi pissaaq, piginneqataasut tamarmik allatut aalajangiinissaq pillugu ataatsimut isumaqatigiissimangippata, taamaattorli tak. imm. 2. Aalajangiinerit tamarmik ingerlatseqatigiiffiup isumaqatigiinniinermi allattaaviinut allanneqassapput.

Imm. 2. Naalagaaffiup aktieselskabiutaanni piginneqataasut aalajangiisinnaassuseqarnerat, tak. § 2 a, aamma aktieselskabini, pappiaqqanik nalilinnik fondsbørsimi, niuerfimmi immikkut akuerisaasumi imaluunniit EU/EØS-imi nunami niuerfimmi iluarsiivigineqarsimasumi assigisaani nalunaarsorneqartussatut tiguneqarsimasunik pigisaqartuni, kiisalu aktieselskabini,

tusagassiortut ataatsimeersuarnermi najuussinanaanerat pillugu inatsisitigut imaluunniit nalunaarutikkut aalajangersaavigineqartuni, ataatsimeersuarnermi kisimi pisinnaavoq.

Imm. 3. Piginneqataasoq kinaluunniit ataatsimeersuarnermut peqataasinnaatitaavoq, tassanilu oqaaseqarsinnaalluni. Malittarisassani aalajangersarneqarsinnaavoq, piginneqataasup ataatsimeersuarnermi najuunnissani pillugu piffissaq aalajangersimasoq, taamaattorli ullut tallimat sioqqullugit, ingerlatseqatigiiffimmut ilisimatitsisimanissaa.

Imm. 4. Naalagaaffiup aktieselskabiutaanni ataatsimeersuarnerit tusagassiortunut ammasuupput.

Imm. 5. Siulersuisut aalajangersinnaavaat inuit allat, inuit inatsimmi uani taaneqartut saniatigut, ataatsimeersuarnermi tusarnaartuusinnaanerit, malittarisassani allatut aalajangersaasoqarsimanngippat.

§ 66. Piginneqataasoq sinnerluni sinniisuutitaminik ataatsimeersuarnermi peqataatitsinissaminik piginnaatitaavoq aammalu siunnersorti peqatigalugu ataatsimeersuaqataasinnaatitaalluni.

Imm. 2. Sinniisuutitaq sinniisuusinnaatitaanerinut uppersaammik allagartamik ullulersimasumik saqqummiussissaaq. Taanna ukioq ataaseq sinnerlugu atorsinnaasunngorlugu tunniunneqarsinnaanngilaq.

§ 67. Piginneqataassutit tamarmik immikkut taasisinnaatitsippat. Malittarisassani aalajangersaasoqarsinnaavoq piginneqataassutit ilaasa taasinermi nalingat allisinneqassasoq, taamaattoq piginneqataassutit allap taamatut angissusillip taasinermi nalingata quleriaataa sinnernagu.

Imm. 2. Malittarisassanissaaq aalajangerneqarsinnaavoq inuup allap piginneqataassutinik pigisassanngortitsineratigut piginneqataaleqqammersoq ataatsimeersuarnermi qaaqqsissutigereersimasami piginneqataassutit tunngavigalugit taasisinnaassanngitsaq, taakku piginneqataassutit nalunaarsorsimaffiannut nalunaarsoreertinnagit imaluunniit piginneqataalersimasup piginneqataalernini nalunaarutigereersimatinnagu uppersaaffigereertinnagulu.

Imm. 3. Piginneqataassutit nammineq pigisat ingerlatseqatigiiffiullu pigineqartup piginnitsimini piginneqataassutai tunngavigalugit taasisinnaatitsisoqarsinnaanngilaq. Piginneqataassutit taama ittut ilanngullugit naatsorsuunneqassanngillat aalajangiinerup atuuttuusinnaanissaanut imaluunniit piginnaatitaaffiup atorneqarnissaanut piumasarineqarpat, piginneqataasut tamarmik akuersissasut imaluunniit taasisut aalajangersimasumik amerlassuseqassasut, ataatsimeersuarnermi piginneqataassutit tunngavigalugit taasisinnaasut amerlanerussuteqarnerisigut imaluunniit ingerlatseqatigiiffimmut aningaasaliisut tamarmik akuersinerisigut.

Imm. 4. Piginneqataasoq nammineerluni, sinniisulerluni allanulluunniit sinniisuulluni, eqqartuussisunut suliassiissutissat ataatsimeersuarnermi taasissutigineqarnerini peqataaqusaanngilaq, suliassat namminerminut tunngappata imaluunniit nammineq ingerlatseqatigiiffimmut akisussaassuseqarnerminut tunngappata aammalu allanut eqqartuussisutigut suliassiissutini imaluunniit allat akisussaassuseqarnerat pillugu suliassiissutini, tamatumani annertuumik soqutigisaqaruni ingerlatseqatigiiffiup soqutigisaanut akerliusinnaasumik.

§ 68. Ingerlatseqatigiiffiup najugarisaani ataatsimeersuarneq ingerlanneqassaq, malittarisassat naapertorlugit allami ingerlanneqartussaataaannngippat imaluunniit allami

ingerlanneqarsinnaanerani aalajangersagaqanngippat. Pissutsit immikkut ittut pisariaqartitsissappata, ataatsimeersuarneq allami pisinnaavoq.

§ 69. Ieqquusumik ataatsimeersuarneq ingerlanneqassaaq sapinngisamik ima piffissaqartigaluni, ukiumoortumik nalunaarut akuerineqarsimasoq Erhvervs- og Selskabsstyrelsimut nassiunneqarsinnaassalluni tassanilu tiguneqarsimassalluni ukiumoortumik naatsorsuusiortarneq pillugu inatsisip kunngip peqqussuteqarneratigut Kalaallit Nunaannut atortussanngortinneqartup piffissarititaa naatinnagu. Ataatsimeersuarnermi ukiumoortumik nalunaarut suliarineqarsimasoq saqqummiunneqassaaq.

Imm. 2. Ataatsimeersuarnermi makkununga tunngasunik aalajangiisoqassaaq:

- 1) ukiumoortumik naatsorsuutit akuersissutigineqarnerat,
- 2) naatsorsuutit akuerineqarsimasut naapertorlugit sinneqartoortit atorineqarnissaat imaluunniit amigartoorutit matuneqarnissaat,
- 3) ingerlatseqatigiiffiup siunissami ukiumoortumik naatsorsuusiassaasa kukkersiorneqartarnissaat pillugu aalajangiinerit allanngortinneqarsinnaaneri, ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaannut atortussanngortinneqartoq inatsisiliilluunniit allat naapertorlugit kukkunersiuisitsissusaatitaanermi pineqanngippat, aamma
- 4) apeqqutit allat, ingerlatseqatigiiffiup malittarisassai naapertorlugit ataatsimeersuarnermi suliarisassanngortinneqartut.

§ 69 a. Ingerlatseqatigiiffiup aningaasaliissutit affaat annaasimappagit, qaammatit arfinillit qaangiutsinnagit ataatsimeersuortoqarnissaa siulersuisut isumagissavaat. Ataatsimeersuarnermi siulersuisut ingerlatseqatigiiffiup aningaasaqarniarnikkut inissisimanera pillugu nassuiaateqassapput allat ajornassappat iliuusissanillu siunnersuuteqassallutik, tassungalu atatillugu ingerlatseqatigiiffiup atorunnaarsinneqarnissaanik.

§ 70. Immikkut ittumik ataatsimeersuortoqassaaq siulersuisut kukkunersiuisulluunniit tamanna naleqquttuursorippassuk. Piginneqatasut aningaasaliissutit qulerarterutaannik piginnittut, imaluunniit piginneqataassutit agguarnerannik minnerusunik piginneqataassuteqarlutik malittarisassani aalajangersakkat naapertorlugit taamatut piumasaqarsinnaasut, allakkatigut oqaluuserisassap aalajangersimasup suliarineqarnissaa siunertaralugu ataatsimeersuortoqarnissaanik piumasaqarpata, sapaatit akunneri marluk qaangiutsinnagit ataatsimeersuariaqqusisoqassaaq.

§ 71. Piginneqataasoq kinaluunniit pisinnaatitaavoq oqaluuserisassaq aalajangersimasoq ataatsimeersuarnermi oqaluuseritissallugu, piumasaqaat tamanna allaganngorlugu siulersuisunut ima siusinaartigaluni saqqummiunneqarpat, ataatsimeersuarnermi ullormut oqaluuserisassanut ilanngunneqarnissaanut periarfissaqartillugu.

§ 72. Ataatsimeersuarnissaq siulersuisunit qaaqqusissutigineqassaaq.

Imm. 2. Ingerlatseqatigiiffik siulersuisoqanngippat imaluunniit qullersaqarfeqanngippat imaluunniit siulersuisut inatsit, malittarisassat imaluunniit ataatsimeersuarnermi aalajangiineq akimorlugit ataatsimeersuariarnissamut qaaqqusinngitsoorpata, siulersuisuni ilaasortap ataatsip, pisortap, ingerlatseqatigiiffiup kukkunersiuisua ataatsimeersuarnermi qinigaasup, tak. § 82, imm. 1, imaluunniit piginneqataasup piumasaqarneratigut Erhvervs- og Selskabsstyrelsi atatsimeersuariaqqusissaaq. Ataatsimeersuarneq Erhvervs- og Selskabsstyrelsimut qaaqqusissutigineqartoq Erhvervs- og Selskabsstyrelsi tamatumunnga piginnaatitaanit aquunneqassaaq,

siulersuisullu, piginneqataassutit nalunaarsorsimaffiannik, ataatsimeersuarnermi isumaqati-giinniartarnerit allattaaviannik kukkunerisuisullu nalunaarutaasa allattaaviannik, kukkuner-suisut naalagaaffimmit immikkut akuerisat nalunaarsorsimasulluunniit pillugit inatsit inatsi-sialilluunniit allat naapertorlugit allattaaveqarnissamik piunasaqaateqartoqarpat, imaluunniit kukkunerisuisoq ilaatigut ingerlatseqatigiiffimmik isumaqatigiissuteqarneq malillugu kukku-nersuinermini allattaaveqarsimappat, tassunga tuniussinissaminnut pisussaataapput. Ataatsimeersuarnermi aningaasartuutit Erhvervs- og Selskabsstyrelsimit akilerallarneqassapput ingerlatseqatigiiffimulli aningaasartuutigisassanngortinneqassallutik.

§ 73. Ataatsimeersuarnissamut, siusinnerpaamik sapaatit akunnerinik sisamanik malittarisas-sallu allatut aalajangersaanngippata kingusinnerpaamik ullunik arfineq-pingasunik sioqqullu-gu, qaaqquisoqassaaq. Ataatsimeersuarnissaq ullormut sapaatit akunnerinit sisamanit kingu-sinnerusussamut kinguartinneqarpat, ullormut ataatsimeersuarfissatut aalajangiunneqartumut qaaqquisoqassaaq. Malittarisassat naapertorlugit ataatsimeersuarnermi aalajangiinerup ator-tussaassuseqarnera ataatsimeersuarnerni marlunni akuersissutigineqarnissaa piunasaqaataap-pat, ataatsimeersuarnissat aappaannut qaaqquisoqarsinnaanngilaq siulleq ingerlanneqareersi-matinnagu, aammalu ataatsimiigiaqquisissummi ataatsimeersuarnermi siullermi aalajangiussaq taaneqassalluni.

Imm. 2. Ataatsimeersuariaqquisoqassaaq malittarisassani aalajangersakkat naapertorlugit. Taamaattoq ataatsimeersuariaqquisissut allaganngorlugu piginneqataasunut piginneqataassutit nalunaarsorsimaffianni nalunaarsorsimasunut taamatullu piunasaqarsimasunut nassiunneqar-tassaaq. Ingerlatseqatigiiffiup piginneqataassutai qaqugumulluunniit tigumminnittumut nalu-naarsorsinnaappata, ataatsimeersuarnissaq Erhvervs- og Selskabsstyrelsip edb-kkut ilisimatit-sisarnermut aaqquissuusaatigut qaaqquisissutigineqassaaq. Ingerlatseqatigiiffik piginnittuuguni ingerlatseqatigiiffiit pigisami sulisuinutaaq § 177, imm. 1, oqaaseqatigiit aappaat naapertor-lugit siulersuisunut nalunaruteqarsimasunut, ataatsimeersuariaqquisilluni qaaqquisimanermik ilisimatitsissaaq.

Imm. 3. Naalagaaffiup aktieselskabiutaani ataatsimeersuariaqquisissut imaqassaaq siunnersuu-tinik ataatsimeersuarnermi oqaluuserineqartussanik tamanik, aammalu immikkut ittumik ataatsimeersuarnissanut atatillugu tamatumunnga pissutaasut nassuiaatannik. Qaaqquisissut Erhvervs- og Selskabsstyrelsimut nassiunneqassaaq piginneqataassutilinnut nalunaarutigine-qareerneraniit sapaatit akunneri pingasut qaangiutsinnagit.

Imm. 4. Ataatsimeersuariaqquisissummi ataatsimeersuarnermi oqaluuserisassat nalunaarutigi-neqassapput. Malittarisassat allanguutissaattut siunnersuut ataatsimeersuarnermi oqaluuseri-neqassappat siunnersuutip imarisai pigaarnerit qaaqquisissummi nalunaarutigineqassapput.

Imm. 5. Ataatsimeersuarnermi § 79, imm. 1 imaluunniit 2 naapertorlugu aalajangiiffiusussami siunnersuutip oqaasertai tamakkiisumik qaaqquisissummi allanneqassapput piginneqataasunul-lu nalunaarsorsimasunut tamanut nassiunneqassallutik.

Imm. 6. Ataatsimeersuarnissaq kingusinnerpaamik ullunik arfineq-pingasunik sioqqullugu ullormut oqaluuserisassat siunnersuutillu tamakkiisut aammalu ileqquusumik ataatsimeersuar-toqassatillugu ukiumoortumittaaq naatsorsuutit ingerlatseqatigiiffiutuliuppallu ingerlatseqati-giiffissuup ukiumoortumik naatsorsuutai ukiumoortumillu nalunaarummik ilallugit ingerlat-seqatigiiffiup allaffiani piginneqatasunut misissugassanngorlugit saqqummiunneqassapput, piginneqataasunullu taamatut kissaatigisaqarsimasunut nassiunneqassallutik.

§ 74. Suliassat, ullormut oqaluuserisassani ilanngunneqarsimanngitsut, ataatsimeersuarnermi taamaallaat aalajangiiffigineqarsinnaapput piginneqataasut tamarmiusut tamanna akuersissuti-

gippassuk. Taamaattoq ileqquusumik ataatsimeersuarnermi tamatigut aalajangiiffigineqarsinnaapput malittarisassat naapertorlugit ataatsimeersuarnermi aalajangigassanngortissimasat, soorluttaaq oqaluuserisassap aalajangersimasup oqaluuserineqarnissaa siunertaralugu immikut ittumik ataatsimeersuariaqqusisoqassasoq aalajangiisoqarsinnaasoq.

§ 75. Piginneqataasut akornanniit avataanniilluunniit ataatsimeersuarternit qinikkamik, malittarisassat allatut aalajangersagaqanngippata, ataatsimeersuarneq aqunneqassaaq.

Imm. 2. Isumaqatigiinniarternit ataatsimeersuarnermi allattaaviannut naalisarlugit allatorneqassapput aqutsisumillu atsiorneqassallutik.

Imm. 3. Ataatsimeersuarnermiit sapaatit akunneri marluk qaangiutsinnagit ataatsimeersuarnermi isumaqatigiinniarternit allattaaviat imaluunniit taassuma assilineqarnera uppersarneqarsimasoq ingerlatseqatigiiffiup allaffianut piginneqataasunit takuneqarsinnaalersillugu inisinneqassaaq. Naalagaaffiup aktieselskabiutaanut tunngatillugu allattaaviup assilineqarnera uppersarneqarsimasoq ataatsimeersuarnermiit sapaatit akunneri tallimat qaangiutsinnagit Erhvervs- og Selskabsstyrelsimut nassiuinneqassaaq.

§ 76. Piginneqataasunit piumasarineqarpat aammalu siulersuisut naliliinerat naapertorlugu ingerlatseqatigiiffimmut annertuumik ajoqutaassanngippat, siulersuisut qullersaqarfillu pisusaapput ataatsimeersuarnermi paasissutissanik tunniuteraannarnik ilisimatitsissallutik, pissutisnik tamanik ukiumoortumik naatsorsuutitut nalunaarummullu aammalu ingerlatseqatigiiffissuussappat taassuma ukiumoortumik naatsorsuutaanut ingerlatseqatigiiffiullu ingerlaneramik naliliinissamat pingaarutilinnik, imaluunniit apeqqutitut ataatsimeersuarnermi aalajangiiffigineqartussanut tunngasunik. Ilisimatitsisussaataaneq ingerlatseqatigiiffiup ingerlatseqatigiiffissuullu piginnittaata ingerlatseqatigiiffiutaasa allat akornanni aammattaq atuuppoq.

Imm. 2. Akissutissaq paasissutissanik ataatsimeersuarnermi tunniuteraannaanngitsunik pisariaqartitsippat, paasissutissat ataatsimeersuarnermiit sapaatit akunneri marluk qaangiutsinnagit allaganngorlugit ingerlatseqatigiiffimmi piginneqataasunit takuneqarsinnaanngorlugit saqqummiunneqassapput piginneqataasunullu paasissutissanik piumasaqarsimasunut nassiuinneqassallutik.

Imm. 3. Ingerlatseqatigiiffinni aningaasanik nioqquteqartarfik aqutugalugu piginneqataasutit tuniniaanissamik nalunaarsorneqarsimasuni, tak. pappiaqqanik nalilinnik nioqquteqarneq il.il. pillugit inatsimmi kunnigip peqqussuteqarneratigut Kalaallit Nunaannut atortussanngortinneqartumi § 7, imm. 1, nr. 1, aamma naalagaaffiup aktieselskabiutaani paasissutissiinissamik pisussaaffik aammattaq atuutissaaq piginneqataasut ataatsimeersuarnerissaq qaammatinik pingasunik sioqqullugu allakkatigut apeqqutaannut. Apeqqut allaganngorlugu akineqarsinnaavoq, taamaattoqassappallu ataatsimeersuarnerup aallartinnerani piginneqataasunut apeqqut akissutissarlu saqqummiunneqassapput. Akissuteqanngitsoortoqarsinnaavoq piginneqataasooq ataatsimeersuarnermi peqataanngippat.

§ 76 a. Ingerlatseqatigiiffiup kukkunersiuisua ataatsimeersuarnermi qinigaasimasinnaasoq, tak. § 82, imm.1, ataatsimeersuarnermi najuussinaatitaavoq. Siulersusut, siulersuisunut ilaasortap ataatsip, direktørip imaluunniit piginneqataasup tamanna piumasarippagu kukkunersiuisooq najuuttussaavoq. Naalagaaffiup aktieselskabiutigippagu aamma ingerlatseqatigiiffiit, taakku piginneqartaassutaataat imaluunniit obligationiutaat aningaasanik niuverfimmi tuniarneqarsinnaasutut nalunaarsorneqarsimappata, ingerlatseqatigiiffiup kukkunersiuisua ataatsimeersuarnermi qinigaasimasinnaasoq ileqquusumik ataatsimeersuarnermi najuuttussaavoq.

Imm. 2. Ukiumoortumik nalunaarut il. il. ataatsimeersuarnermi pineqartumi suliarineqartut, pillugit, ingerlatseqatigiiffiup kukkuneriusua ataatsimeersuarnermi qinigaasimasinnaasoq, tak. § 82, imm. 1, apeqqutinut akissuteqartassaaq.

Imm. 3. Ingerlatseqatigiiffiup kukkuneriusua ataatsimeersuarnermi qinigaasimasinnaasoq, tak. § 82, imm. 1, ukiumoortumik nalunaarusiat il.il. suliarineqarneranni siulersuisut ataatsimiinneranni peqataasinnaatitaavoq. Ingerlatseqatigiiffiup kukkuneriusua ataatsimeersuarnermi qinigaasimasinnaasoq, tak. § 82, imm. 1, peqataasussaatitaavoq siulersuisunut ilaasortap ataasiinnaalluunniit tamanna piumasarippagu.

§ 77. Ataatsimeersuarnermi suliassat tamarnik taasinerami amerlanerussuteqarnikkut aalajangiiffigineqartassapput, inatsit manna malittarisassalluunniit allatut aalajangersagaqanngippata. Taasisut naligiippata makitsinikkut qinersineq aalajangerneqassaaq, malittarisassani allatut aalajangersaasoqarsimangippat.

§ 78. Pissutsini §§ 38-imi, 42-mi, 47-mi aamma 134 e-mi taaneqarsimasunit allaanerusuni malittarisassanik allannguinnissaq ataatsimeersuarnermi aalajangiiffigineqassaaq. Aalajangiineq taamaallaat atuussinnaassuseqassaaq ikinnerpaamik taasisut aningaasaliisullu ataatsimeersuarnermi taasisinnaasut 2/3-ianit akuerineqaruni. Aalajangiineq maleruagassanut allanut malittarisassani allassimasinnaasunut aammalu § 79-imi aalajangersakkanut immikkut ittunut naapertuuttuussaaq.

§ 79. Malittarisassat allannguutissaannik aalajangiineq, piginneqataasut ingerlatseqatigiiffimmut pisussaatitaanerannik annertusisitsisoq, taamaallaat atuussinnaassuseqassaaq piginneqataasunit tamanit akuerineqaruni.

Imm. 2. Malittarisassat allannguutissaannik aalajangiineq, tamatumuuna

- 1) piginneqataasut iluanaarutisinnissaminnik pisinnaatitaanerat imaluunniit ingerlatseqatigiiffiup pigisaanik agguaassinikkut pisassaartitaanerisa millisinnegarnerat inunnut allanut piginneqataanngitsunut sulisorisanulluunniit iluaqutaasussamik,
- 2) piginneqataasutit tunineqarsinnaanerisa killilerneqarnerat, tassungalu atatillugu ingerlatseqatigiiffiup tunisermik akuersissuteqaqqaarnissaanik aalajangersakkat imaluunniit aalajangersakkat piginneqataasup killilikkamik aningaasaliissuteqarsinnaannginneranut tunngasut,
- 3) piginneqataasut piginneqataassutaannik akilersillugit utertitsinnissaannik pisussaaffilerneqarnerat ingerlatseqatigiiffiup atorunnaarsinneqarnissaanik pissuteqanngikkaluartumik,
- 4) piginneqataasut namminneq imaluunniit allat piginneqataassutaat tunngavigalugit taasisinnaanerit taasineranut aningaasaliissutinulluunniit aalajangersimasumik amerlassusilinnut killilersorneqarnerat,
- 5) piginneqataasut ingerlatseqatigiiffiup agguataarnerani, ingerlatseqatigiiffinni agguaassiffigineqartunisut amerlatigisunik taasisinnaassutsinik piginneqataassutinilluunniit tunineqanngippata, taamaallaat atuussinnaatinneqassaaq, aalajangerneq taasisut aningaasaliisullu taasisinnaasut ataatsimeersuarnermi najuuttut qulerarterutaasa qulingiluannit akuerineqarpat.

Imm. 3. Ingerlatseqatigiiffimmi piginneqataassutit arlalinnik klasseqarpata, taamaattoq malittarisassanik, piginneqataasut inatsisitigut inissisimanerannik nikisitsisumik, allannguuteqartitsisoqarsinnaavoq piginneqataasut inatsisitigut inissisimanerannik ajorninngortitsiffiusut aningaasaliissutillu ataatsimeersuarnermi najuuttut minnerpaamik 2/3-annit piginnittut akuersissutigippassuk.

§ 80. Ataatsimeersuarnermi nalunangitsumik piginneqataasut ilaannut allanulluunniit assuar-nartumik iluaqutissiisussamik ingerlatseqatigiiffimmullu ajoqutaasinnaasumik aalajangiiso-qaqusaanngilaq.

§ 81. Ataatsimeersuarnermi inatsisinut naapertuutinngitsumik imaluunniit inatsimmut matu-munnga malittarisassanulluunniit akerliusumik aalajangiisoqarsimanera pissutigalugu eqqar-tuussisutigut suliassiisinnaavoq piginneqataasoq, siulersuisunut ilaasorta q imaluunniit pisor-taq.

Imm. 2. Aalajangiinermiit qaammatit pingasut qaangiutsinnagit eqqartuussisutigoortumik su-liassiisoqarsimasariaqarpoq. Taamaangippat aalajangiineq atuussinnaassuseqatutut isigine-qassaaq.

Imm. 3. Imm. 2-mi aalajangersakkat atuutissanngillat,

- 1) piginneqataasut tamarmiusut akuersigaluartulluunniit inatsisinut naapertuuttumik aalajangiisoqarsinnaanngippat,
- 2) inatsit manna imaluunniit ingerlatseqatigiiffiup malittarisassai naapertorlugit aalajangiinissamut piginneqataasut tamarmiusut piginneqataasulluunniit ataasiakkaat akuersinissaat piumasarineqarpat, taamatullu akuersisoqarsimanngippat,
- 3) ataatsimeersuarnissamut qaaqquisoqarsimanngippat imaluunniit ingerlatseqatigiiffiup ataatsimeersuariaqquisarnermut malittarisassai atuuttut annertuumik unioqputinneqarsimappata,
- 4) piginneqataasut piffissap imm. 2-mi taaneqartup naanerata kingornatigut, taamaattorli aalajangiinermiit ukiut marluk qaangiutinngitsut, eqqartuussisutigut suliassiisimasoq naammaginantumik kinguartoornerminut pissutissaqarpat, aammalu eqqartuussisut tamanna tunngavigalugu aammalu pissutsit allat eqqarsaatigalugit, isumaqarpata imm.2-mi aalajangersakkat naapertussagaanni nalunangitsumik naammaginangitsumik nassataqarumaartut.

Imm. 4. Eqqartuussisut isumaqarpata ataatsimeersuarnermi aalajangiineq imm. 1-imi aalajangersakkamut attuumassuteqartoq, aalajagersagaq eqqartuussinikkut atuussinnaassuseerutsinneqassaaq imaluunniit allanngortinneqassaaq. Taamaattoq ataatsimeersuarnermi aalajangiinermik allanngortitsineq taamaallaat pisinnaavoq, taamatut piumasaaqateqartoqarpat, eqqartuussisullu aalajangersinnaappassuk aalajangiineq eqqortumik imaqaassaguni qanoq imaqartussaasimagaluartoq. Eqqartuussisut aalajangiinerat aamma atuussinnaassuseqarpoq piginneqataasunut suliassanngortitsisimanngitsunut.

§ 81 a. Piginneqataasut, ataatsimeersuarnermi § 79, imm. 2, nr. 1-4 naapertorlugu malittarisassanik allanngortitsinissamut akerliusimasut, piumasarinnaavaat ingerlatseqatigiiffiup piginneqataassutitik akilerlugit utertissagai, tamanna allakkatigut ataatsimeersuarnermiit kingusinnerpaamik sapaatit akunneri sisamat qaangiutsinnagit piumasarineqarpat.

Imm. 2. Piginneqataasut taasineq sioqqullugu piginneqataassutiminnik imm. 1 naapertorlugu utertitsinnaanertik atorusunneraat oqaaseqaateqaqquneqarsimappata, pisinnaatitaanerup tamatuma atuuttuutinneqarsinnaaneranut apeqqutaassaaq pineqartut ataatsimeersuarneq sioqqullugu taamaasiornissamik nalunaarsimanersut.

Imm. 3. Piginneqataassutinik akilerlugit utertitsinermi ingerlatseqatigiiffiup piginneqataassutitut akiliutigissavaa piginneqataassutit nalingat, tamannalu isumaqatigiissutigineqarsimanngippat akilissallugu naliliisartut, Kalaallit Nunaata

Eqqartuussivianit toqqakkat, naligititaat. Naliliisartut aalajangersagaat illuatungeriinnit eqqartuussivimmuq suliaasiissutigineqarsinnaavoq. Naliliisartut nalunaaruteqarneraniit qaammatit pingasut qaangiutsinnagit suliaassaq tassunga tungasooq suliaasiissutigineqareersimassaaq.

Kapitali 10 a

Ingerlatseqatigiiffinni børsimi nalunaarsorsimasuni tigusinissamut neqeroorut

§ 81 b. Kapitalimi matumani aalajangesakkat ingerlatseqatigiiffinnut, ataatsimik arlalinnilluunniit klassilikkani aktiaateqartunut, taasisinnaatitaanernut atasunik fondsbørsimi, niuerfimmi immikkut akuerisami EU/EØS-imi nunamiluunniit niuerfimmi iluarsivigineqarsimasumi taamaaqataani nalunaarsorneqarnissamut niuerutigineqartussatulluunniit tigusineqarsimasunik., taamaattorli tak. imm. 2.

Imm. 2. § 81 d ingerlatseqatigiiffinnut, danskit naalagaaffiat taasisinnaatitaanermik ilaqartunik aktiaateqarfiannut, pisinnaatitaaffinnik, EF-ip Isumaqatigiissutaanut peqataatinneqarsinnaasorinartunik, atasunik.

§ 81 c. Ataatsimeersuartut aaqjissuussamik atuutsitsilernissamik aalajangiisnaapput, ingerlatseqatigiiffimmi siulersuisut, pappiaqqanik nalilinnik niuerutiginnittarneq pillugu inatsit kunngip peqqussuteqarneratigut Kalaallit Nunaannut atortussanngortinneqartoq, tak. § 31, imm. 1, piginneqataassutai tigusinissamut neqeroorummut atorineqartussatut naatsorsuutigineqartut, ataatsimeersuartut akuersiteqqaassavaat, iliuusissat, neqerooruteqarnissamut ajoqusiisnaasut, atuutsilersinnginneranni, neqeroorutit allat misissorneqarnissaat pillugu aalajangerneq eqqaassanngikkaanni.

Imm. 2. Ataatsimeersuartut imm. 1 naapertorlugu aalajangiisassapput, amerlanerussuteqarnissamut piumasaqaatit, § 78, imm. 1-mi aalajangersarneqartut naapertorlugit, saniatigullu najoqqutassiat § 78, imm. 3-mi naapertorlugu ingerlatseqatigiiffiup malittarisassiaani aalajangersakkat naapertorlugit. Ingerlatseqatigiiffimmi piginneqataassutit klassilikkat arlallit pigineqarpata, § 79, imm. 3-p aalajangersaaneratigut amerlanerussuteqarnissamik piumasaqaat naapertorlugu aalajangiisoqassaaq. Tamatuma malitsigisaatigut aalajangiineq allanngortinneqarpat piumasaqaat taamatuttaaq isiginiarneqassaaq.

Imm. 3. Ataatsimeersuartut akuersissuteqarnissaat, tak. imm. 1, piumasaqaatigineqarpoq kingusinnerpaamik ingerlatseqatigiiffiup siulersuisui aqutsisuiluunniit neqeroorutit tamanut saqqummiunneqarnissaa pillugu paasissutissinneqarfiani, aamma neqerooruteqarnerup inerneru pigineqalerpat aamma pappiaqqanik nalilinnik niuerutiginnittarneq il.il. pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi kapitali 8-mi malittarisassat malillugit tamanut saqqummiunneqarpata, imaluunniit neqeroorut atorunnaarsinneqarpat. Tamatuma kingornatigut ataatsimeersuartut akuersissutaat pissarsiarineqassaaq iliuusissat, tigusinissamik neqeroorut pillugu paasissutissanik siulersuisut tigusaqarnissaat sioqqullugu aalajangiiffigineqartut pineqarnerat apeqqutaatinnagu.

Imm. 4. Malittarisassat sivisunerusumik piffissaliinermik aalajangiinerat apeqqutaatinnagu, ataatsimeersuartut sivikinnerpaamik sapaati akunnerinik 2-nik sioqqutsilluni aggersaasnaapput, iliuusissanut imm. 1-mi pineqartunut ataatsimeersuartut akuersissuteqarnissaat siunertarlugu.

Imm. 5. Ingerlatseqatigiiffik ataatsimeersuartut akulerutsinneqarnissaat pillugu aaqqissuussamik atuutsitsilerpat, tak. imm. 1, aaqqissuussaq taanna, ingerlatseqatigiiffiup piginneqataassutai ingerlatseqatigiiffimmit nunami EU/EØS-imiittumit, aaqqissuussap assinganik atuutsitsisumit, imaluunniit ingerlatseqatigiiffimmit piginnittumit toqqaannartumik toqqaannangitsumilluunniit nakkutigineqartumit, tak. § 2, imm. 2, aaqqissuussamik assinganik atuutsitsisumit, neqeroorummut atorneqartussanngorpat, kisimi atuutsissaaq.

Imm. 6. Ingerlatseqatigiiffik ataatsimeersuartut aalajangigaanik piaarnerpaamik, tak. imm. 1, Erhvervs- og Selskabsstyrelsimut kiisalu nakkutilliisussatut oqartussaasunut, ingerlatseqatigiiffiup piginneqataassutai fondsbørsimi, niuerfimmi immikkut akuerisaasumi imaluunniit nunami EU/EØS-imi niuerfimmi iluarsiivigisami assigisaani nalunaarsorneqartussatut niuerutigineqartussatulluunniit tiguneqarsimasumi, nalunaarutiginnissaaq.

§ 81 d. Ataatsimeersuartut aaqqissuussamik atuutitsilernissaq pillugu aalangiisinnaapput, tamatumalu kingornatigut pisinnaatitaaffiit immikkut ittut imaluunniit killiliinerit, piginneqataassutinut imaluunniit piginneqataassummut ataatsimut atasussat, atorunnaarsillugit, tak. § 81 e, ingerlatseqatigiiffiup piginneqataassutai tigusinissamut atorneqartussanngorpata, tak. § 31, imm. 1, pappiaqqanik nalilinnik niuerutiginnittarneq il.il. pillugit inatsit kunnigip peqqussuteqarneratigut Kalaallit Nunaannut atortussanngortinneqartoq.

Imm. 2. Ataatsimeersuartut imm. 1 malillugu amerlanerussuteqarnissamut piumasaqaatit § 78, imm. 1-imi aalajangersarneqartut naapertorlugit, aalajangiissapput, aamma saniatigut najoqqutassiat, § 78, imm. 3 naapertorlugu ingerlatseqatigiiffiup malittarisassaanni aalajangersarneqartut naapertorlugit. Ingerlatseqatigiiffimmi arlalinnik klassilikkani piginneqataassutit pigineqarpata amerlanerussuteqarnissamut piumasaqaatit § 79, imm. 3-mi aalajangersarneqartut naapertorlugit aalajangiisoqassaaq. Piumasaqaatip assigisaa isiginiarneqassaaq, tamatumala malitsigisaanik aalajangiineq allanngortinneqarpat.

Imm. 3. Ingerlatseqatigiiffik ataatsimeersuartut aalajangigaanik piaarnerpaamik, tak. imm. 1, Erhvervs- og Selskabsstyrelsimut kiisalu nakkutilliisussatut oqartussaasunut, ingerlatseqatigiiffiup piginneqataassutai fondsbørsimi, niuerfimmi immikkut akuerisaasumi imaluunniit nunami EU/EØS-imi niuerfimmi iluarsiivigisami assigisaani nalunaarsorneqartussatut niuerutigineqartussatulluunniit tiguneqarsimasumi, nalunaarutiginnissaaq.

§ 81 e. § 81 d, imm. 1 naapertorlugu ataatsimeersuartut atorunnaarsitsineq pillugu aalajangigaata kinguneraa piginneqataassutinik tunniussinissamut imaluunniit pissarsinissamut pisinnaatitaanerup killilerneqarnissaata, ingerlatseqatigiiffiup malittarisassaanni aalajangersarneqartoq imaluunniit isumaqatigiissuteqarneq naapertorlugu, piffissap neqerooruteqarfiup iluani neqerooruteqartartumut atuussinnaassuseqannginnera, taamaattorli tak. § 81 f, imm. 1. Neqerooruteqartartoq neqerooruteqarnermut allagaammi piumasaqaatinik immikkut ittunik saqqummiussisimappat, killiliinernik taaneqartunik atorunnaarsitsineq atuutissaaq, neqerooruteqartartoq neqerooruteqarnermini allagaat naapertorlugu neqeroorutip piviusunngortinnissaa pillugu isummersimanissaata tungaanut.

Imm. 2. Ataatsimeersuarnermi § 81 c-mi pineqartumi § 81 d, imm. 1 naapertorlugu atorunnaarsitsineq pillugu aalajangiineq makkuninnga kinguneqarpoq,

- 1) taasisinnaatitaanermut killiliinerit, ingerlatseqatigiiffiup malittarisassaanni imaluunniit isumaqatigiissuteqarnikkut aalajangersarneqartut, atuussinnaassuseqassanngitsut, taamaattorli tak. § 81 f, imm. 2, aamma
- 2) piginneqataassutit, ingerlatseqatigiiffiup malittarisassaanni, tak. § 67, imm. 1, imaluunniit isumaqatigiissuteqarneq naapertorlugu taasisinnaanerup annerusumik naleqartinneqartut, nammineq aningaasaliissutini tamakkiisuni piginneqataassutit aningaasaliissutigititaasa amerlaqatai kisimik taasisinnaatitaatitsissutaasut, taamaattorli tak. § 81 f, imm. 2.

Imm. 3. Ataatsimeersuarnermi § 81 g-mi pineqartumi § 81 d, imm. 1 naapertorlugu atorunnaarsitsineq pillugu aalajangiineq makkuninnga kinguneqarpoq,

- 1) taasisinnaatitaanermut killiliinerit, ingerlatseqatigiiffiup malittarisassaanni imaluunniit isumaqatigiissuteqarnikkut aalajangersarneqartut, atuussinnaassuseqassanngitsut, taamaattorli tak. § 81 f, imm. 2,
- 2) piginneqataassutit, ingerlatseqatigiiffiup malittarisassaanni, tak. § 67, imm. 1, imaluunniit isumaqatigiissuteqarneq naapertorlugu taasisinnaanerup annerusumik naleqartinneqartut, nammineq aningaasaliissutini tamakkiisuni piginneqataassutit aningaasaliissutigititaasa amerlaqatai kisimik taasisinnaatitaatitsissutaasut, taamaattorli tak. § 81 f, imm. 2, aamma
- 3) piginneqataasut arlaannut ingerlatseqatigiiffiup malittarisassai naapertorlugit siulersuisuni ilaasortanik toqqaanissamut pisinnaatitaanerit immikkut ittut atuussinnaatitaanngitsut.

Imm. 4. Imm. 1-3 taamaallaat atorneqarsinnaapput ingerlatseqatigiiffiup piginneqataassutai nunami EU/EØS-imi ingerlatseqatigiiffimmit, atorunnaarsitsinissaq pillugu taamatuttaaq aalajangiisimasumit, imaluunniit ingerlatseqatigiiffimmit piginnittumit, pisinnaatitaaffinnik killiliinernilluunniit, piginneqataassutaateqarnermut imaluunniit piginneqataassutinut ataasiakkaanut atasunik, immikkut ittumik atorunnaarsitsinissamik taamatuttaaq aalajangiisimasumit toqqaannartumik toqqaannangitsumilluunniit nakkutigineqartumit neqerooruteqarnissamut atorneqassappata.

§ 81 f. Piginneqataassutinik, 31. marts 2004 sioqqullugu tiguneqartunik, tunniussisinnaatitaanerup pissarsisinnaatitaanerulluunniit killilerneqarneri pillugu isumaqatigiissutit, § 81 d, imm. 1 apeqqutaatinnagu, neqerooruteqartartumut atuutsinneqarsinnaapput.

Imm. 2. Taasisinnaatitaanerup atornera pillugu isumaqatigiissutit, 31. marts 2004 sioqqullugu tiguneqartut, § 81 d, imm. 1 apeqqutaatinnagu, ataatsimeersuarnernut §§ 81 c-mi aamma 81 g-mi pineqartunut atuutsinneqarsinnaapput.

§ 81 g. Neqerooruteqartartoq, ingerlatseqatigiiffimmi, § 81 d, imm. 1 naapertorlugu atorunnaarsitsinissaq pillugu aalajangiisimasumi, nammineq aningaasaliissutinik taasisinnaatitaatitsisuusunik 75 pct.-inik taakkualuunniit sinnerlugit pissarsisimasoq, piffissap neqerooruteqarfiup naanerata kingornatigut ataatsimeersuartoqarnissaanut aggersaasinnaavoq malittarisassanik allannortitsinissaq kiisalu siulersuisunut ilaasortanik toqqaanissaq taarsiinissaluunniit siunertaralugit. Ataatsimeersuarnissamut siullermut taassumunnga sapaatit akunnerinik 2-nik sioqqutsilluni aggersaasoqarsinnaavoq, siusinaarnerusumik kalerriinissamik malittarisassat najoqqutassiigaluarpataluunniit.

§ 81 h. Ingerlatseqatigiiffinni, § 81 d, imm. 1 naapertorlugu atorunnaarsitsinissaq pillugu aalajangiisimasuni, neqerooruteqartartoq, tigusinissamut neqeroorut atuutsilersinneqassappat, piginneqataasunut, pisinnaatitaanerit imaluunniit killiliinerit, ingerlatseqatigiiffiup malittarisassai naapertorlugit piginneqataassutinik pigisaqarnermut piginneqataassutinulluunniit ataasiakkaanut atasunut atuussinaassuseqannginerat pissutigalugu aningaasatigut annaasaqarsimasunut taartisiaqartitsissaaq, tak. § 81 e, imm. 1-3.

Imm. 2. Neqerooruteqarnermut allagaat taartisiaqartitsineq taanna, neqerooruteqartartup piginneqataasunut neqeroorutigisaa, aamma taartisiaqartitsinermit naatsorsuinermit tungavigisaq pillugit paasissutissiisummik imaqassaaq. Akiusumik aalajangersaaneq piginneqataassutinut pineqartunut niuerfimmi nalinga aallaavigalugu pissaaq.

Imm. 3. Taartisiaritinneqartussat amerlassusaat pillugu isumaqatigiittoqarsinnaanngippat, taartisiaritinneqartussat naliliisartunit eqqartuussisunit ingerlatseqatigiiffiup nalunaarsorneqarfiani toqqarneqarsimasunit aalajangersarneqassappat. Naliliisartut aalajangiinerat eqqartuussivimmut suliakkiissutigineqarsinnaavoq. Tamanna pillugu suliaq taartisiaritinneqartussat amerlassusaat pillugu naliliisartut nalunaarutaata tiguneqarneraniit kingusinnerpaamik qaammatit 3-t qaangiunnerannit suliakkiissutigineqassaaq.

Imm. 4. Aammattaaq piginneqataasut imm. 1-3 naapertorlugit taartisiaqarnissamut pisinnaatitaapput, piffissami 31. marts 2004-mit inatsisip atortussanngortinnerata tungaanut pisinnaatitaanerit immikkut ittut imaluunniit killiliinerit, tigusinissamut neqerooruteqarnerup malitsigisaanik atuussinnaassuseqanngitsut, pillugit isumaqatigiissusiorsimagunik, tak. § 81 e, imm. 1-3.

Kapitali 11

Kukkunersuineq misissueqqissaarnerlu

§ 82. Ingerlatseqatigiiffik ukiumoortumik naatsorsuusiortarneq pillugu inatsit, kunngip peqqussuteqarneratigut Kalaallit Nunaannut atortussanngortinneqartoq inatsisilluunniit allat naapertorlugit kukkunersuuisitsinissamut pisussaaffimmi pineqarpat, imaluunniit ataatsimeersuartut aalajangerpata ingerlatseqatigiiffiup ukiumoortumik nalunaarusiaa kukkunersiorneqassasoq, ataatsimeersuartut § 77-imi oqaaseqatigiit siulliit malillugit qinersinermit amerlanerussuteqartarneq atorlugu kukkunersuuisussaaq ataaseq arlallilluunniit kiisalu sinniisoqassappata taakkununga sinniisussat inatsisit malittarisassallu naapertorlugit qinissavaat. Kukkunersuisoq pillugu paasissutissiineq ingerlatseqatigiiffinni, kukkunersuuisitsinissamik pisussaaffeqartuni, malittarisassanut ilanngunneqassaaq. Malittarisassani ilanngunneqarneq, tak. § 4, imm. 1, nr. 7, immikkut akuersissuteqarnissamik piunasaqaatitaqanngilaq. Aammattaaq malittarisassat allanut saniatigut kukkunersuuisussamik ataatsimik arlalinnilluunniit toqqaanissamut pisinnaatitsisinnaapput.

Imm. 2. Piginneqataassutit minnerpaamik qulerarterutaannik piginneqataassutillit ataatsimeersuarnermit kukkunersuuisumik qinersinissaq oqaluuserisassanut ilanngunneqarsimatillugu kukkunersuuisussamik suli allamik taasisimagunik, piginneqataassutillit ataatsimeersuareernermit kingusinnerpaamik sapaatit akunnerisa sisamat

qaangiunneranni piumasarisinnaavaat Erhvervs- og Selskabsstyrelsen kukkunersiuisumik toqqaassasoq, kukkunersiuisoq imaluunniit kukkunersiuisut qinigaasimasut peqatigalugit piffissami tullianik pisarnertut ataatsimeersuarnissaq tikillugu ilanngullugulu kukkunersiuinermi peqataasussamik.

Imm. 3. Ingerlatseqatigiiffik inatsit naapertorlugu piumasarineqartut kukkunersiuisoqanngippat Erhvervs- og Selskabsstyrelsen kukkunersiuisumik toqqaasinnaavoq, ingerlatseqatigiiffiup siulersuisuisunut ilaasortamiit, pisortamiit imaluunniit piginneqataassutilimmiit tamatuminnga kissaateqarneq saqqummiunneqarsimappat. Toqqaaneq atuutissaq piffissaq kukkunersiuisussap nutaap peqqussutigineqartut iliornikkut qinerneqarnissaa tikillugu.

Imm. 4. Imm. 1-imi 2-milu taaneqartut pisoqartillugu kukkunersiuisup atuutilerana nalunaarsorneqassaaq nalunaaruteqartoqanngikkaluaq. Kukkunersiuisut toqqaakkamut akissarsiarititassat styrelsimit aalajangerneqassappat. Ingerlatseqatigiiffiup ukiumoortumik nalunaarusiaanik inatsisit malillugit pinngitsoorani kukkunersiorneqartussani aningaasartuutit naalagaaffiup karsianit akilerneqassappat, ingerlatseqatigiiffimmiilli inissutaasumik matusivigineqassallutik.

Imm. 5. Kukkunersiuisoq ingerlatseqatigiiffimmut tunngasut pillugit nalunaaruteqassappat, kukkunersiuisoq pisinnaatitaaffinnut pisussaaffinnullu, inatsimmi matumani malitseqartinneqartunut, pituttorsimassaaq, inatsimmi kukkunersiuisut ataatsimeersuarnermi qinigaasut, tak. § 82, imm. 1, kukkunersiuisullu allat akornanni immikkoortitsisoqanngippat.

§ 83. Sullivik naalagaaffiup aktieselskabiutaanit imaluunniit aktieselskabimit, aningaasanik niuerfimmi (fondsbørs) allattugassanngortitanik piginneqataassutaatilimmit imaluunniit obligationiutilimmit, pigineqartoq kukkunersiussamik qinersiniartassaaq ingerlatseqatigiiffiup piginnittuusup ataatsimeersuarnerani qinerneqarsimasumik. Tamanna ajornassappat, pigisatut sullivik taarsiullugu qinersiniartassaaq kukkunersiuisumik kukkunersiuisumut ingerlatseqatigiiffiup piginnittuusup ataatsimeersuarnerani qinerneqarsimasumut suleqataasumik.

§ 84. Ingerlatseqatigiiffiup kukkunersiuisua ataatsimeersuarnermi qinigaasoq tunuassappat, tak. § 82, imm. 1, imaluunniit kukkunersiuineq allatut iliornikkut unitsippagu, kukkunersiuisoq Erhvervs- og Selskabsstyrelsen tamatuminnga nalunaaruteqapallassaaq. Ingerlatseqatigiiffinni, pappialaataat nalillit fondsbørs-imi, niuerfimmi immikkut akuerisami imaluunniit nunami EU/EØS-imi tamaaqataani niuerfimmi iluarsivigisami allattugassanngortitaasimasuni, kukkunersiuisuusoq ataatsimeersuarnermi qinigaasoq aamma fondsbørs-imut tassunga tunuarnissaminik nalunaaruteqapallattassaaq.

Imm. 2. Kukkunersiuisoq tunuassappat imaluunniit kukkunersiuineq allatut iliornikkut unitsinneqassappat, tak. imm. 1, kukkunersiuisorlu taarserlugu sulilersussamik sinniisusaqanngippat, kukkunersiuisussamik nutaamik § 82, imm. 1, malillugu qinersinissaq siulersuisunit sulissutigineqapallassaaq. Tamanna siunertarlugu immikkut ittumik ataatsimeersuarnissamut aggersaasoqassaaq tunuarniarnerup ingerlatseqatigiiffimmut nalunaarutigineqareerneraniit kingusinnerpaamik sapaatit akunnerisa marluk qaangiunneranni. Taamaattorli naalagaaffiup aktieselskabiutaani selskabinilu fondsbørs-imi allattugassanngortitanik piginneqataassutaatilinni imaluunniit obligationiutilinni ataatsimiigiaqqusineq pisassaaq tunuarniarnerup ingerlatseqatigiiffimmut nalunaarutigineqareerneranniit kingusinnerpaamik ullut arfineq-pingasut qaangiunneranni.

§ 85. Ingerlatseqatigiiffiup kukkunersuiisuata ataatsimeersuarnermi qinigaasimasinnaasup, tak. § 82, imm. 1, kukkunersuiineq pillugu piumasaqaatit, ataatsimeersuarnermi aalajangersarneqartut, inatsimmut imaluunniit ingerlatseqatigiiffiup malittarisassanut imaluunniit kukkunersuiinermi ileqqussanut pitsaasunut akerliunngippata, malitassarai. Ingerlatseqatigiiffiup kukkunersuiisiata ataatsimeersuarnermi qinigaasimasinnaasup aammattaaq misissortagassaraa, siulersuisut suleriaasissiorinissamut aammalu kukkunersuiineq pillugu allattaavinnik atsiuinissamut pisussaaffimminnik naammassinninersut. Ingerlatseqatigiiffiup kukkunersuisuata ataatsimeersuarnermi qinigaasimasinnaasup paasiguniuk piumasaqaatit eqqartorneqartut naammassineqanngitsut, ingerlatseqatigiiffiup kukkunersuisua ataatsimeersuarnermi qinigaasimasinnaasooq tamanna pillugu immikkoortumik nalunaarusiortussavaoq, ataatsimeersuartunut ukiumoortumik nalunaarusiaminut ilanngunneqartussamik.

§ 86. Piginneqataassutilik ileqquusumik ataatsimeersuarnermi imaluunniit ataatsimeersuarnermi sammisassamik siunnersuutiginiakkaminik oqaluuserisassat allassimaffiannut ilanngussatut oqaluuserinniffiusussami siunnersuuteqarsinnaavoq ingerlatseqatigiiffiup pilersinneqarnerata imaluunniit pissutsit ingerlatseqatigiiffimmik aqutsinermut tunngassutillit erseqqinnerusut taagukkat naatsorsuutilluunniit ilaasa immikkut ittumik misissoqqissaarneqarnissaat pillugu. Siunnersuut nalinginnaasumik amerlanerussuteqarnikkut akuersissutigineqarpat ataatsimeersuartut misissueqqissaarisussamik ataatsimik arlalinnilluunniit qinersissapput.

Imm. 2. Siunnersuut akuersissutigineqanngippat, kisiannili piginneqataassutit 25 pct.-iannik piginneqataassutilinnit isumaqatigineqarluni, piginneqataassutillip ataatsimeersuareernermit kingusinnerpaamik sapaatit akunnerisa sisamat qaangiunneranni ingerlatseqatigiiffiup Kalaallit Nunaata eqqartuussiviani pigisanik agguaasartunut kissaateqarsinnaavoq misissueqqissaarisussanik toqqaasoqarnissaa pillugu. Kalaallit Nunaata eqqartuussiviani pigisanik agguaasartut ingerlatseqatigiiffiup aqutsisuinut kukkunersuiisumullu ataatsimeersuarnermi qinigaasimasinnaasumut, tak. § 82, imm. 1, taamaassappallu aamma inummut, pissutsit misissuiffigeqquneqarneranni pineqartumut, piginnaatitsissapput agguaasartut aalajangiinalersinnagit oqaaseqaateqarnissamut. Kissaatigisaq aatsaat malinneqassaaq, eqqartuussivimmi pigisanik agguaasartunit pissutissaqarluartutut isumaqarfigineqarpat. Pigisanik agguaasartut aalajangissavaat misissueqqissaarisussat amerlassusissaat. Eqqartuussivimmi pigisanik agguaasartut aalajangiineri aalajangiiffigeqqitassatut ingerlateqqinneqarsinnaapput.

Imm. 3. Inatsimmi matumani § 54 b-mi, kukkunersuiisut naalagaaffimmit akuerisat pillugit inatsimmi § § 13, imm. 1-imi, aamma kukkunersuiisut nalunaarsorsimasut pillugit inatsimmi kun-ngip peqqussuteqarneratigut Kalaallit Nunaannut atortussanngortinneqartumi § 7, imm. 1-imi aalajangersakkat misissueqqissaarisartunut taamatulli atortuutinneqassapput.

Imm. 4. Misissueqqissaarisartut, ataatsimeersuarnermut allaganngukkamik nalunaarusiortussat, piginnaatitaapput ingerlatseqatigiiffimmit akissarsiaqartitaanissamut. Misissueqqissaartussat eqqartuussivimmi pigisanik agguaasartunit toqqagaappata, akissarsiassat taakkunanga annertussusilerneqassapput.

Imm. 5. Misissueqqissaarisut nalunaarusiaat ataatsimeersuarnissaq kingusinnerpaamik ullunik arfineq-pingasunik sioqqullugu ingerlatseqatigiiffiup allaffiani saqqumisinneqassaaq piginneqataassutilinnit misissuataagassatut.

§§ 87-95. (*Atorunnaarsinneqarput*).

Kapitali 12

§§ 96-108. (*Atorunnaarsinneqarput*).

Kapitali 13

Iluanaarutisisitsineq, sillimmatinik aningaasaateqarfiit il.il.

§ 109. Ingerlatseqatigiiffiup pigisaanik piginneqataasunut agguaasiisoqarsinnaavoq taamaallaat

- 1) ukiumoortumik nalunaarussiaq kingullermik akuersissutigisaaq tunngavigalugu iluanaarutitut,
- 2) immikkut ittumik iluanaarutitut, tak. § 109 a,
- 3) nammineq aningaasaliissutit nalingannik appartitsinermi tunniussinertut, tak. § 44 a, imm. 1, nr. 2 aamma 3, imaluunniit
- 4) ingerlatseqatigiiffiup atorunnaarsinneqarneranut atatillugu, tak. kap 14.

§ 109 a. Ataatsimeersuartut nalinginaasumik amerlanerussuteqarnikkut, tak. § 77, oqaaseqatigiit siulliit, ukiumoortumik nalunaarussiaq siulliup saqqummiunneqarnerata kingornatigut siulersuisut immikkut ittumik iluanaarutinik agguaassinissaaq pillugu aalajangiinissaannut pisinnaatitsisinnaapput.

Imm. 2. Pisinnaatitsineq taanna malittarisassanut ilanngunneqassaaq, pisinnaatitsinermilu killiliinerusinnaasunik imaqaassalluni. Malittarisassanut ilanngussineq ataatsimeersuarnermi immikkut akuersissuteqarfigineqartariaqanngilaq.

Imm. 3. Siulersuisut immikkut ittumik iluanaarutinik agguaassinissaaq pillugu aalajangiinerat siulersuisut allattaaviinut ilanngunneqassaaq, tak. § 56, imm. 4, ilanngusanillu ukuninnga ilan-ngusiffiussalluni:

- 1) Qiterpaarnerani nalogiissaarut, agguaassinissamat atugassatut naammattunik piareersimatitaqarnermik takutitsisuusoq. Ingerlatseqatigiiffik ukiumoortumik naatsorsuusiortarneq pillugu inatsit kunngip aalajangersaaneratigut Kalaallit Nunaannut atortussanngortinneqartoq inatsisilialluunniit allat naapertorlugit kukkuneruisitsinissamat pisussaaffeqarpat, qiterpaarnerani nalogiissaarut kukkuneruisuimit misissorneqarsimassaaq.
- 2) Ingerlatseqatigiiffiup aamma ingerlatseqatigiiffissuup iluani ingerlatseqatigiiffiup piginnittuusup aningaasarsiornikkut inissisimaffia eqqarsaatigalugu suut isumannaatsuunissamat immikkut ittumik iluanaarutit sippuinnginnissaat pillugu siulersuisut nalunaarutaat.

Imm. 4. Iluanaarutinik agguaassinissaaq pillugu aalajangiineq siusinnerpaamik pissaaq malittarisassanik allanngortitsinerup, tak. imm. 2, Erhvervs- og Selskabsstyrelsen edb-kkut paasissutissiisarnermut aaqqissuussaani aqaguani nalunaarsorneqarnerata nalunaarutigineqarneratalu kingornatigut.

§ 110. Ingerlatseqatigiiffiup iluanaarutitut atorsinnaavai aningaasat, ingerlatseqatigiiffiup kingullermik ukiumoortumik nalunaarussiaani akuersissutigisami sinneqartoortitut nuussatut

sillimmatitullu allatat, amigartoorutitut nuussat ilanngaatilugit. Taamaattorli makku atorreqarsinnaanngillat:

- 1) Aningaasaliissutit ilaneqarneranni sinnilimmik naleqartitsinermut aningaasaateqarfik,
- 2) Piffissalersukkanik akilersukkatut piginneqataassutitut aningaasaateqarfik,
- 3) Nammineq piginneqataassutaatitut sillimmatit
- 4) Piginneqataassutit nalissavii tunngavigalugit naatsorsueriaaseq malillugu qaffaanissamut sillimmatit
- 5) qaffaanissamut aamma qummut iluarsiiviginninnissamut sillimmatit allat tamarmik aamma
- 6) sillimmatit, malittarisassat naapertorlugit imaannaq atorreqarsinnaanngitsut.

Imm. 2. § 109 a naapertorlugu immikkut ittumik iluanaarutinit, imm. 1-imi pineqartunit, kiisalu ukiup qiterpaarnerani naligiissarineranut ullorititap tungaanut ukiumi naatsorsuusiorfiusumi sinneqartoorutitut aningaasartat iluanaarutitut atorreqarsinnaapput, tak. § 109 a, imm. 3, nr. 1, sillimmataasut atorreqariaannaat, ukiumi naatsorsuusiorfiusumi pineqartumi pinngortut imaluunniit atorreqariaannanngortitat, taamatuttaaq immikkut ittumik iluanaaruteqarnermut atorreqarsinnaapput, aningaasat agguanneqarsimanngippata, atorreqarsimanngippata imaluunniit imaannaq atorreqarsinnaasuunngippata. Aningaasat sillimmataasut sumulluunniit atorreqa-riaannaasutut pinngorsimasut imaluunniit ukiumi naatsorsuusiorfiusumi atorreqariaannanngortitat, taamatuttaaq immikkut ittumik iluanaarutitut atorreqarsinnaapput.

Imm. 3. Ingerlatseqatigiiffiup aamma ingerlatseqatigiiffittut piginnittuusut eqqarsaatigalugit, ingerlatseqatigiiffissuarni, aningaasarsiornikkut inissisimaffii eqqarsaatigalugit, isumannaatsuunissaq pillugu iluanaarutit sippuisuussanngillat.

Imm. 4. Iluanaarutinit tunniussineq aningaasaviunngitsunik nalilinnilli allanik pippat naliliinermut nalunaarusiortoqassaaq, tak. § 6 a. Pisumi matumani § 6 a, imm. 1, nr. 4 pillugu naliliisartup nalunaarutaani allanneqassaaq iluanaarutinit aningaasartat minnerpaamik naliusumut naliusunulluunniit allanut aalajangersakkanut aningaasaviunngitsutut nalilittulli tunniunneqartutut allatut taaneqassaaq.

§ 111. Aningaasanik ileqqaarisooqassaaq ingerlatseqatigiiffiup aningaasatigut inissisimanerata pisariaqartitsinera naapertorlugu. Malittarisassat ileqqaarinissamik pisussaatisinnaapput.

Imm. 2. Piginneqataassutit pisiniarlutik allatsittut akiliutaasa piginneqataassutit nalingat sinnersimappassuk, aningaasat sinneqartoorutit, pilersitsinermi aningaasartuutit aningaasaliissutinilluunniit amerlisitsinermi aningaasartuutit ilanngarlugit, sinnilimmik naleqartitsinermi aningaasaateqarfimmut ileqqaarneqassapput. Tassungalu aamma ileqqaarneqassapput § 40 naapertorlugu piginneqataassutit tunisinermi ingerlatseqatigiiffimmut akiliutigineqarsimasut, imaluunniit anpartsselskabit pillugit inatsimmi § 67, imm. 3, oqaaseqatigiit sisamaat naapertorlugit ingerlatseqatigiiffimmut tigusassanngortinneqarsimasut.

Imm. 3. Sinnilimmik naleqartitsinermi aningaasaateqarfik tamakkiisumik ilaannakortumilluunniit atorreqarsinnaavoq

- 1) amigartoorutitut sinneqartoorutit nuussinikkut matussutissaqartinneqanngitsunut, kiisalu sillimmatitut inatsisit ingerlatseqatigiiffiulluunniit malittarisassai naapertorlugit ileqqaarfigisassaataaffiunngitsunut,
- 2) § 46, imm. 1-imi taaneqarsimasut patsisissaatitat siunertanut allanut.

Imm. 4. stk. 3, nr. 1-mi aalajangersakkat, nalissavii tunngavigalugit qaffaanermi sillimmatitut aammattaq atuutissapput.

§ 112. Aningaasanik sinneqartoorutiniq ukiumoortumik naatsorsuuteqareernerup kingornatigut atugassannngortinneqarsimasunit agguaassinissamik aalajangiineq ataatsimeersuarnermi aalajangerneqassaaq. Siulersuisut siunnersuutigisimasaañit imaluunniit akuerisaannit amerlanerusunik iluanaarutiniq agguaassinissaq ataatsimeersuarnermi aalajangiunneqarsinnaanngilaq.

§ 113. Piginneqataasunut tunniussineq inatsimmi matumani aalajagersakkanut akerliusumik pisimappat, taakku tigusatik utertissavaat, aammalu aningaasat ukiumoortumik erniaat, kingusinaarluni akiliinermi il.il. ernialiisarnermik inatsimmi kunngip peqqussuteqarneratigut Kalaallit Nunaannut atortussannngortinneqartumi § 5, imm. 1 aamma 2 naapertorlugit annertussusiligaasimasooq 2 pct.-imillu taperlugit akilissallugit. Iluanaarutisisitsinermi tunniussanut taamaattoq tamanna aatsaat atuutissaaq piginneqataasup tunniussinerup inatsimmut naapertuuttuunnginnera paasisimappagu imaluunniit paasisimasariaqarsimagaluarpagu.

Imm. 2. Paasinarsippat aningaasat utertinneqarsinnaanngitsut imaluunniit aningaasat eqqartuussivitsigut suliassiinikkut piginneqataasumit utertinniarneqarsinnaanngitsut, inuit tunniussinissamik aalajangiinermut imaluunniit tunniussinermut imaluunniit naatsorsuusiorderup eqqortuunngitsup sularineqarneranut akuerineqarneranulluunniit peqataasimasut, malittarisassat §§ 140-143-mi allassimasut naapertorlugit akisussaatinneqassapput.

§ 114. Ataatsimeersuarnermi aalajangerneqarsinnaavoq ingerlatseqatigiiffiup pigisaanit tunissutitut siunertanut tamanut iluaqutaasussanut imaluunniit siunertanut assingusunut tunniussisoqassasoq, tamanna tunissutip siunertaa ingerlatseqatigiiffiup aningaasarsiornikkut inissisimanagera aammalu pissutsit allat eqqarsaatigalugit naleqqututut isumaqarfigisariaqarpat. Siulersuisut siunertanut 1.pkt.-imi taaneqartunut atorsinnaavaat aningaasat, ingerlatseqatigiiffiup aningaasarsiornikkut inissisimanageranut naleqqiullugit annikitsuinnarmik nalillit.

§ 115. Ingerlatseqatigiiffik aktieselskabimi anpartsselskabimiluunniit imaluunniit ingerlatseqatigiiffimmi piginnitsimini piginneqataasunut, siulersuisuni ilaasortanut imaluunniit ingerlatseqatigiiffimmi pisortanut taarsigassarsisitsisinnaananilu qularnaveeqqusiisnaanngilaq. Ingerlatseqatigiiffik aamma inuit oqaaseqatigiinni siullerni taaneqartut aappariinnikkut imaluunniit toqqaannartumik ilaqutariinnikkut allatulluunniit qanigisaannut, taarsigassarsisitsisinnaananilu qularnaveeqquseeqqusaanngilaq.

Imm. 2. Ingerlatseqatigiiffik, ingerlatseqatigiiffimmi piginneqataassutitut aktieselskabimilu imaluunniit anpartsselskabimi piginnitsimini piginneqataassutitut aningaasaliissutissanik, taarsigassarsisiteqqusaanngilaq. Ingerlatseqatigiiffik aammattaaq taamatut pisinermi allatut aningaasaliissuteqaaqqusaananilu qularnaveeqquseeqqusaanngilaq.

Imm. 3. Taamaattorli imm. 1-imut 2-mullu akerliusumik qularnaveeqqusiisimaneq atuutissaaq, isumaqatigiissuteqarfigisap sillimasiinerup aalajangersakkanut akerliunera ilisimasimannngippagu.

Imm. 4. Imm. 1-imut aamma 2-mut akerliusumik ingerlatseqatigiiffimmit aningaasaliissutaasimasut utertinneqassapput ilallugit aningaasat ukiumoortumik erniaannik, kingusinaarluni akiliinermi il.il. ernialiisarnermik inatsimmi kunngip peqqussuteqarneratigut Kalaallit Nunaannut atortussannngortinneqartumi § 5, imm. 1 aamma 2 naapertorlugit

annertussusiligaasimasumik 2 pct.-imillu taperlugit, annertunerusumik erniaqartitsinissaq isumaqatigiissutigineqarsimanngippat.

Imm. 5. Aningaasanik utertitsineq pisinnaanngippat qularnaveeqqusiinerlu atuuttuujunnaarsinneqarsinnaanngippat, aningaasaliissuteqarnissamik aalajangiisimasut imaluunniit imm. 1 aamma 2 naapertorlugit aalajangiinermik atuutsitsinnarsimasut ingerlatseqatigiiffiup annaasaqaataanut akisussaatinneqassapput.

§ 115 a. § 115, imm. 1, oqaaseqatigiinni siullerni aalajangersagaq ingerlatseqatigiiffiup piginnittup taarsigassarsineranut taassumaluunniit pisussaataffaanut qularnaveeqqusiinernut atuutissanngilaq.

Imm. 2. § 115, imm. 1 aamma 2-mi aalajagersakkat atuutissanngillat, ingerlatseqatigiiffiup imaluunniit ingerlatseqatigiiffiup pigisaasup sulisuminiit sulisuminulluunniit piginneqataassutitut aningaasaliissutissanik pissarsiniarluni iliuusaanut. Ingerlatseqatigiiffiup taamaallaat tamatumunnga aningaasat atorsinnaavai, ingerlatseqatigiiffiup akiitsuni ileqqaagassanilu ilanngaatigereerlugit aningaasaatini, iluanaarutitut agguaanneqarsinnaanngitsunit amerlaneruppata.

Imm. 3. Imm. 2 naapertorlugu iliuitsit tamaasa siulersuisut ataatsimiinnerminni isumaqatigiinniartarnerannik allattaaviinut oqaasertalerlugit allatorneqassapput. Imm. 2-mut akerliusumik iliuuseqartoqarsimatillugu § 115, imm. 3-5 taamatulli atuutissapput.

Imm. 4. § 115, imm. 1 aamma 2-mi aalajagersakkat aningaaserivinnut atuutsinneqassanngillat.

Kapitali 14

Aktieselskabit atorunnaarsinneqarnerat, pinngitsaaliissummik atorunnaarsinneqarnerat akiliisinnaajunnaarnerallu

§ 116. Inatsisini allatut aalajangersagaqanngippat aktieselskabip ingerlatseqatigiiffiujunnaarnissaanik aalajangiineq ataatsimeersuartunit aalajangerneqassaaq aammalu ingerlatseqatigiiffinnik atorunnaarsitsinertut ingerlanneqassalluni.

Imm. 2. Ataatsimeersuartut, inatsisit imaluunniit ingerlatseqatigiiffiup malittarisassai Erhvervs- og Selskabsstyrelsimilluunniit tamanna peqqussutigineqarpat ingerlatseqatigiiffiujunnaartitsinissamik § 77-imullu naapertuuttumik aalajangiissapput. Pissutsini allani § 78 taamatut atuutissaaq.

Imm. 3. Atorunnaarsitsinermi ikiortip isumagissavaa aalajangiinermik nalunaarutiginninneq aalajangiinerup piffianiit kinginnerpaamik sapaatit akunneri marluk qaangiutsinnagit Erhvervs- og Selskabsstyrelsip tigoreersimassagaa. Aalajangiinermik nalunaarut Erhvervs- og Selskabsstyrelsimut nalunaarutiginninneq peqatigalugu nioqqutissanik tuniusisartunut ilisimaneqartunut tamanut nassiunneqassaaq..

Imm. 4. Aktieselskabip atorunnaartussanngortup taaguutini atuinnaassavaa “atorunnaarniarloq” ilassutigalugu.

§ 117. Pissutsini § 116, imm. 2, 1.pkt.-imi taagorneqarsimasuni ingerlatseqatigiiffiup ingerlatseqatigiiffiujunnaarnissaa akuersissutigineqanngippat, imaluunniit atorunnaarsitsinermi ikiortissamik toqqaasoqanngippat, ingerlatseqatigiiffik Erhvervs- og Selskabsstyrelsip Kalaallit Nunaata Eqqartuussivianut qinnuteqarneratigut pinngitsaalilissutaasumik atorunnaarsinneqassaaq. Tamanna aamma atuutissaaq

ingerlatseqatigiiffik Kalaallit Nunaata Eqqartuussiviata § 119 naapertorlugu aalajangiineratigut atorunnaarsinneqarpat.

Imm. 2. Erhvervs- og Selskabsstyrelsi ingerlatseqatigiiffiup atorunnaarsinneqarnissaanik piunasaqarluni aalajangerneru Atuagadliutitigut aamma Erhvervs- og Selskabsstyrelsi edbkkut ilisimatitsisarnermi aqqissuussaaticut tamanut saqqummiunneqassaaq.

Imm. 3. Ingerlatseqatigiiffiup taaguutini atuinnaassavaa ima ilallugu “pinngitsaaliissummik atorunnaarsinniarneqartoq”.

Imm. 4. Kalaallit Nunaata Eqqartuussiviva atorunnaarsitsineri ikiortissamik ataatsimik arlalinnilluunniit toqqaasinnaavoq. Ingerlatseqatigiiffiujunnaarnermuttaaq atuupput uani kapitalimi aalajagersakkat atorunnaarsitsinermit tunngasut pisariaqartumik oqilisaateqartillugit. Ingerlatseqatigiiffiujunnaarnermi aningaasartuutit allatut ajornarpat naalagaaffiup karsianit akilerneqassapput.

Imm. 5. Ingerlatseqatigiiffiup pigisaanik agguassineq naammassipat aammalu Kalaallit Nunaata Eqqartuussiviata tamatuminna nalunaaruteqarneratigut, Erhvervs- og Selskabsstyrelsi ingerlatseqatigiiffiup aqqa ingerlatseqatigiiffiit nalunaarsorsimaffianniit piissavaa.

§ 118. Erhvervs- og Selskabsstyrelsi ingerlatseqatigiiffik ingerlatseqatigiiffiujunnaassasoq, pisariaqarpat § 117 naapertorlugu, aalajangiisinnavaoq, ingerlatseqatigiiffiup piffissaagallartillu ukiumoortumik nalunaarusiaa akuersissutigineqarsimasoq pissusissamisullu atsiorneqarsimasoq styrelsi tigusimangippagu imaluunniit inatsit malittarisassalluunniit naapertorlugit piunasaqaataasutut qullersaqanngippat amigaataasorlu taanna Erhvervs- og Selskabsstyrelsi piffissaliussaa eqqorlugu iluarsineqanngippat.

Imm. 2. Aammattaaq Erhvervs- og Selskabsstyrelsi aalajangersinnaavaa ingerlatseqatigiiffik atorunnaarsinneqassasoq, pisariaqarpat § 117 naapertorlugu, ingerlatseqatigiiffik, ukiumoortumik naatsorsuusiortarneq pillugu inatsit kunnigip peqqussuteqarneratigut Kalaallit Nunaannut atortussanngortinneqartoq naapertorlugu kukkunersuiisitsinissamik pissusaaffeqartoq, kukkunersuiisuminik nalunaarutiginninngippat imaluunniit amigaataasoq taanna Erhvervs- og Selskabsstyrelsi piffissaliussaa eqqorlugu iluarsineqanngippat. Erhvervs- og Selskabsstyrelsi tamatumma assisigisaanik aalajangersinnaavaa ingerlatseqatigiiffik atorunnaarsinneqassasoq, pisariaqarpat § 117 naapertorlugu, ingerlatseqatigiiffik, ilaatigut ataatsimeersuartut aalajangersimappassuk ingerlatseqatigiiffiup ukiumoortumik nalunaarusiaa kukkunersiorneqassasoq, kukkunersuiisuminik nalunaarutiginnissimangippat, aamma amigaataasoq taanna Erhvervs- og Selskabsstyrelsi piffissaliussaa eqqorlugu iluarsineqanngippat.

§ 118 a. Erhvervs- og Selskabsstyrelsi ingerlatseqatigiiffimmut §§ 117 imaluunniit 118-imi piunasaqaatic naapertorlugit pinngitsaalisaalluni atorunnaarsinneqarsinnaasumut ingerlatseqatigiiffinnik naatsorsuuserinermillu ilisimasalimmik naatsorsuusiortussamik, tamatumani ingerlatseqatigiiffiup naatsorsuutaanik, atuagaataanik, nalunaarsuiffianik, allatuiffianik allatullu pissusanik isornartorsiorlu misissueqqissaartussamik, toqqaasinnaavoq. Erhvervs- og Selskabsstyrelsi ingerlatseqatigiiffinnik naatsorsuuserinermillu ilisimasallip suliaasaasa suunerat annertussusaallu, suliaasanut imm. 2-mi 3-milu taaneqartunut tunngassuteqarsinnaasut, aalajagersassavai.

Imm. 2. Naatsorsuutit, sapinngisamik angusanut naatsorsuusiamik oqimaatigiissaarinermillu imaqaassapput, inatsillu naapertorlugu ukiumoortumik naatsorsuusiortimmit kingullermiit qaammatip naaneranut piffissamut toqqaaffimmut qaninnerusumut tunngatillugit

suliarineqassallutik. Naatsorsuutit ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaannut atortussangortinneqartoq naapertorlugu suliarineqassapput pisariaqartunik oqilisaateqartillugit.

Imm. 3. Ingerlatseqatigiiffinnik naatsorsuuserinermillu ilisimasalik nalunaarusiussaaq, tassanilu pissutsit pingaernerit pinngitsaaliissummik atorunnaarsitsinissamut pequtaasut nassuiassallugit. Nalunaarusiamut ilanngunneqassaaq suliarisimasat pillugit oqaaseqaat, tassungalu ilaassallutik naatsorsuutit ulluinnarni naatsorsuuserineq tunngavigalugu suliarineqarsimasut, ingerlatseqatigiiffinnik naatsorsuuserinermillu ilisimasalittut paasissutissat piumasani pisarsimanerini, kiisalu ingerlatseqatigiiffinnik naatsorsuuserinermillu ilisimasalittut naliliisarnini naapertorlugu sukumiinerusumik misissorneqassanersoq pinerluttulerinermi, ingerlatseqatigiiffinnik, ukiumoortumik naatsorsuusiortanermik, naatsorsuuserinermik, akileraartanermik akitsuusiisarnermillu inatsisit unioqqutinneqarsimanersut.

Imm. 4. Ingerlatseqatigiiffinnik naatsorsuuserinermillu ilisimasallip sulineranut atatillugu aningaasartuutit il.il. naalagaaffiup karsianit akilerneqassapput, akissaqassuserli naapertorlugu ingerlatseqatigiiffimmit akilerneqassallutik.

Imm. 5. Ingerlatseqatigiiffinnik naatsorsuuserinermillu ilisimasalik ingerlatseqatigiiffimmi pisariaqarsorisaminik misissuisinnaavoq aammalu siulersuisut, qullersaqarfik ingerlatseqatigiiffimmi sulisut paasissutissanik suliaminik ingerlatsinissaminut pisariaqartunik qinnuigisinnaallugit. Aammattaaq ingerlatseqatigiiffinnik naatsorsuuserinermillu ilisimasallip tamatuma assigisaanik ilanngaaserinermut akileraartanermilu ingerlatsivik paasissutissanik qinnuigisinnaavaa.

Imm. 6. Inuit, imm. 5-imi taaneqartut, Erhvervs- og Selskabsstyrelsimiit qinnuigineqarnermikkut pisussaapput ingerlatseqatigiiffinnik naatsorsuuserinermillu ilisimasallip suliaminik ingerlatsinissaminut pisariaqarsorisai naapertorlugit ingerlatseqatigiiffiup naatsorsuutai il.il. tunniutissallugit. Pineqartup, tunniussinngikkallarsinnaatitaagaluaruniluunniit, tiggummisani tunniutissavai, atorneqareerpatalu tigoqqillugit. Erhvervs- og Selskabsstyrelsi eqqartuussisutigit akuersissummik peqanngikkaluarluni, naammattumilli kinaassutsiminik uppersaasannaaguni, sukkulluunniit inunniit imm. 5-imi taagornearsimasuniit naatsorsuutinik il.il. pisinnaatitaavoq. Pisariaqarpat politiit tamatumunga ikiortigineqarsinnaapput. Ikiortineqarneq pillugu maleruagassat erseqqinnerusut inuussutissarsiutinut ministerimit, inatsisinik atortitsinermut ministerimik isumaqatiginninniareernikkut, aalajagersarneqarsinnaapput.

§ 119. Piginneqataasut ataatsimeersuarnermi aalajangiinermut § 80-imut akerliusumut piaaralutik suleqataasimappata, imaluunniit allatut iliorlutik ingerlatseqatigiiffimmi sunniuteqarnertik atornearlullugu inatsisip matuma imaluunniit ingerlatseqatigiiffiup malittarisassaasa unioqqutinneqarnerinut suleqataasimappata, atornearlunerup sivisussusaa imaluunniit patsisissat allat tunngavigalugit immikkut ittumik pissutissaqarpat, piginneqataasut aningaasaliissutit minnerpaamik qulerarterutaannik pigisallit piunasaqarnerisigut, Kalaallit Nunaata Eqqartuussivia aalajangersinnaavoq ingerlatseqatigiiffik atorunnaarsissallugu.

§ 120. Ataatsimeersuartut aktieselskabimik atorunnaarsitsinermi ikiortissamik ataatsimik arlalinnilluunniit qinigaqassapput.

Imm. 2. Piginneqataasut aningaasaliissutit sisamararterutaannik pigisaqartut ataatsimeersuarnermi pisinnaatitaapput atorunnaarsitsineri ikiortissamik qinersissallutik atatsimeersuarnermi ikiortissatut qinerneqartut allat peqatigalugit sulisussamik.

§ 121. Atorunnaarsitsineri ikiortit siulersuisut qullersaqarfillu taarserlugit sulissapput. Inatsimmi matumani aalajagersakkat siulersuisunut tunngasut atorunnaarsitsineri ikiortinutaaq atuutissapput pisariaqartunik oqilisaateqartillugit.

Imm. 2. Atorunnaarsitsineri ikiorti qaqugukkulluunniit toqqaasuminit tunuartinneqarsinnaavoq.

Imm. 3. Inatsimmi matumani kiisalu igerlatseqatigiiffiit ilaasa ukiumoortumik naatsorsuutaasa il.il. saqqummiunneqartarnerat pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi aalajangersakkat naatsorsuusiordermut, kukkunersuidermut, ataatsimeersuartitsisardermut kiisalu Erhvervs- og Selskabsstyrelsimut naatsorsuutini tunniussisussaataardermut tungasut ingerlatseqatigiiffinnut atorunnaarneratunutaaq aalajangersakkani tulliuttuni taaneqarsimasutut allannguuteqartillugit atuutissapput.

§ 122. (Atorunnaarsinneqarpoq).

§ 123. Erhvervs- og Selskabsstyrelsi edb-kkut ilisimatitsisardermut aaqqissuussaani § 116, imm. 3 naapertorlugu nalunaarsuidermi tamanullu saqqummiussineri ingerlatseqatigiiffiup nioqqutissamik tunisisartui kajumissaarneqassapput atorunnaarsitsinissamik ikiorteqarnissamat piunasaqaatiminnik nalunaarutiginneqqullugit. § 116, imm. 3 naapertorlugu atorunnaarsitsinissaq pillugu aalajangerup nalunaarutigneqarneranut peqatigitillugu atorunnaarsitsineri ikiortip ingerlatseqatigiiffiup nioqqutissamik tunisisartui tamaasa aalajangiinnermik nalunaaruteqarfigissavai.

Imm. 2. Atorunnaarsitsineri ikiortip imm. 1 naapertorlugu tamanut saqqummiusserup kingornatigut siusinnerpaamik qaammatit pingasut qaangiunnerisigut kingornussassat inaarlugit suliarisinnaavai.

Imm. 3. Piunasaqaat nalunaarutigneqarsimasutut akuerineqarsinnaanngippat, akiitsoqarfik allakkatigut tammatsaaliukkatigut tamanna pillugu nalunaarfigneqassaaq, paasitneqassallunilu aalajangiineq akerlilerusukkuniuk apeqqut Kalaallit Nunaata Eqqartuussivianut, allakkat nassiunneqarneranniit qaammatit pingasut qaangiutsinnagit, suliasanngortissinnaagaa.

Imm. 4. Piunasaqaatit pigisanik agguaassinissamik suliap naggataarutaasumik suliasanngortinneqareernerata kingornatigut nalunaarutigneqartut, pigisanik piginneqataasunut suli agguaanneqarsimanngitsunik akilerneqassapput.

§ 124. Piginneqataasunut agguaassineq aatsaat pisinnaavoq § 123, imm. 1-imi nalunaarummi piffissaliussaq naappat akiitsullu akilereerpata. Pigisanik agguaassineq naammassineqarsinnaanngilaq § 123, imm. 2 naapertorlugu akerleriissutaasinnaasut aalajangiiffineqareertinnagit.

Imm. 2. Atorunnaarsitsineri naatsorsuutit naammassisimasut ataatsimeersuarneri akuerineqarneriniit sapaatit akunneri tallimat qaangiutsinnagit atorunnaarsitsineri ikiortit ingerlatseqatigiiffiup aktieselskabit nalunaarsorsimaffianniit peerneqarnissaanik nalunaarutaat Erhvervs- og Selskabsstyrelsimi tiguneqareersimassaaq. Nalunaarummut ilanngussatut nassiunneqassapput atorunnaarsitsineri naatsorsuutit. Atorunnaarsitsineri naatsorsuutit

kukkunersiorneqassapput, ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaanut atortussanngortinneqartoq inatsisilialluunniit allat naapertorlugit kukkunersiuisitsinissamut pisussaaffeqarnermik pineqarpat.

§ 124 a. Ataatsimeersuartut, § 123, imm. 1-imi piffissaliunneqartup aalajangersarneqartup qaangiunnerata kingorna, ingerlatseqatigiiffillu atorunnaarsinneqassasoq pillugu ataatsimeersuartut aalajangiinerisa kingorna kingusinnerpaamik ukiut marluk qaangiunneranni, sinneqartoorutitik agguaassinissaq akuersissutigisinnaavaat. Sinneqartoorutitik agguaassinissamut akuersissuteqarneq pissaaq ukiumoortumik nalunaarusiaq kingullermik akuerineqartoq tunulequtaralugu ingerlatseqatigiiffiup ileqquusumik ataatsimeersuarnerani.

Imm. 2. Ataatsimeersuartut ingerlatseqatigiiffiup atorunnaarsitsinermi ikiorti piffissami imm. 1-mi taaneqartumi immikkut ittumik iluanaarutitik agguaassinissamut pisinnaatissinnaavaat.

Imm. 3. Pisinnaatitsineq nalinginnaasumik amerlanerussuteqarneq malillugu akuersissutigineqarsinnaavoq, tak. § 77, oqaaseqatigiit siulliit, malittarisassanilu ilanngunneqassalluni. Pisinnaatitsineq atorunnaassaaq piffissap imm. 1-imi taaneqartup naanerani. Malittarisassani ilanngussinermut ataatsimeersuarnermi immikkut akuersissuteqartoqarnissaa piumasaqaataanngilaq.

Imm. 4. Atorunnaarsitsinermi ikiortit immikkut ittumik sinneqartoorutitik agguaassinissaq pillugu aalajangiinerat allakkatigut pissaaq, ullulerneqarluni ilanngussanillu ukuninnga ilanngussiffiussalluni:

- 1) Ukiup qiterpaarnerani naligiissaarut, agguaassinissamut naammattunik aningaasaateqarnermik takutitsisuusoq. Ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaanut atortussanngortinneqartoq inatsisilialluunniit allat naapertorlugit kukkunersiuisitsinissamut pisussaaffeqarnermik pineqarpat, ukiup qiterpaarnerani naligiissaarut kukkunersiuisumit misissorneqarsimassaaq atsiorneqarsimassallunilu.
- 2) Immikkut ittumik iluanaarutit aningaasartaasa, ingerlatseqatigiiffiup piginnittutullu ingerlatseqatigiiffinni ingerlatseqatigiiffissuarni aningaasarsiornikkut inissisimaneq eqqarsaatigalugu isumannaatsuunissamut sippuisimannginnerat pillugu atorunnaarsitsinermi ikiortit nalunaarutaat.

Imm. 5. Immikkut ittumik iluanaarutitik agguaassinissaq pillugu aalajangerneq siusinnerpaamik pissinnaavoq, ullup malittarisassani allanngortitsinerup, tak. imm. 3, Erhvervs- og Selskabsstyrelsen edb-kkut ilisimatitsisarnermut aqqissuussaani nalunaarsorneqarfiata tamanullu ilisimatitsissutigineqarnerata aqaguani.

Imm. 6. Iluanaarutit immikkullu ittumik iluanaarutit atorunnaarsitsinermi akiliutigineqartut, ingerlatseqatigiiffiup atorunnaarsinneqarnerata nalaani isumannaatsuusut pineqartut sipporsimassanngilaat, kiisalu ingerlatseqatigiiffiup piginnittutullu ingerlatseqatigiiffinni ingerlatseqatigiiffissuarni aningaasarsiornikkut inissisimaneq eqqarsaatigalugu.

§ 125. Ingerlatseqatigiiffiup aktieselskabit nalunaarsorsimaffiannit § 126 a naapertorlugu atorunnaarsitsinerup imaluunniit avissaartuunnerup kingunerisaanik peerneqarenerata kingorna pigisanik saqqummersoqaqqissagaluarpat imaluunniit allatigut taamaaliornissamut pissutissaqassagaluarpat, pigisanik agguaassinermik suliaq Kalaallit Nunaata Eqqartuussiviata aalajangiineratigut nangeqqinneqarsinnaavoq. Nangitseqqinneq atorunnaarsitsinermi tassani ikiortaareersimasunit imaluunniit taakku pisinnaanngippata Kalaallit Nunaata

Eqqartuussivianit suliarineqassaaq. Pigisanik agguaassinissamik suliap nangeqgitassanngortinneqarnera suliassallu naammassineqarnera sapaatit akunneri tallimat qaangiutsinnagit Erhvervs- og Selskabsstyrelsimut nalunaarutigineqassaaq.

§ 126. Ingerlatseqatigiiffimmik atorunnaarsitsiniarluni sulissuteqarnerup nalaani paasinarsippat atorunnaarsitsinissaq tungavissaaruttoq, atorunnaarsitsinissamut ikiortit ataatsimeersuarnissamut qaaqquissapput, ingerlatseqatigiiffiup atorunnaarnissaanik sulissuteqarnerup unitsinnissaanik akuersisinnaasumik, § 78-imilu piumasarianut naapertuuttumik ingerlatseqatigiiffiup suleqqilernissaanik akuersissuteqarsinnaasumik. Tamanna akuersissutigineqarpat siulersuisussanik kukkunersiuisuusinnaasumillu toqqaasoqassaaq kiisalu nammineq aningaasalliissutissat pigineqareernersut pillugu naliliisartumit nalunaarut suliarineqassaaq. Aningaasaliissutit aningaasat uninngasuutigineqartut amerlaqataannut ikilisinneqassapput. Aningaasaliissutit uninngasuutigineqartut 500.000 koruu-ninit ikinneruppata minnerpaamik taakkununga amerlineqassapput.

Imm. 2. Atorunnaasitsinissamik unitsitsinermi nalunaarut ingerlatseqatigiiffiullu suleqqilernerani nalunaarut sapaatit akunneri tallimat qaangiutsinnagit Erhvervs- og Selskabsstyrelsimut nassiunneqareersimassaaq. Nalunaarut imm. 1-imi piumasaqaatit naammassineqarsimanerannik uppersaammik ilaqartinneqassaaq.

Imm. 3. Imm. 1 aamma 2 taamatulli atuutissapput ingerlatseqatigiiffiup, Kalaallit Nunaata Eqqartuussiviani pinngitsaaliissummik atorunnaartinneqarnissaanik sulissutigineqartup, nalunaarutigippagu ingerlatseqatigiiffiup atorunnaarnissaanik suliap unitsinneqassasoq ingerlatseqatigiiffillu suleqqilissasoq. Erhvervs- og Selskabsstyrelsimut Kalaallit Nunaata Eqqartuussivianut ingerlatseqatigiiffimmik pinngitsaaliissummik atorunnaarsitseqqullugu qinnuteqareerneraniit qaammatit pingasut qaangiutsinnagit nalunaarummik nassitsisoqanngippat imaluunniit, ingerlatseqatigiiffik ukiut tallimat kingulliit ingerlaneranni pinngitsaaliissummik atorunnaarsinniarneqareersimappat, nalunaarsuineq ingerlanneqarsinnaanngilaq.

§ 126 a. Ingerlatseqatigiiffinni, nioqqutissanik tunisisartunut tamanut akiliisimasuni, piginneqataasut Erhvervs- og Selskabsstyrelsimut akiitsut tamaasa, akilerneqartussanngortinneqarsimasut taamatullu akilerneqartussanngortinneqanngitsut, pillugit nalunaarummik tunniussisinnaapput, aamma ingerlatseqatigiiffiup atorunnaarnera pillugu. Piginneqataasut aqqi najugaqarfiiilu nalunaarummi allassimassapput.

Imm. 2. Erhvervs- og Selskabsstyrelsimut atorunnaarsitsineq taamaallaat nalunaarsorsinnaavaa nalunaarut atsiorneqarnerata kingorna kingusinnerpaamik sapaatit akunneri marluk qaangiunnerisa kingorna styrelsimi tiguneqarsimappat. Nalunaarut ingerlatseqatigiiffik pillugu akileraarutinit akitsuutinillu piumaqaateqartoqannginnera pillugu ilanngaaserinnermut akileraartarnermullu nalunaarutaanik ilanngissiffiussaaq.

Imm. 3. Piginneqataasut tamarmik ataasiakkaarlutik, assigiimmik pisussaaffeqarlutik aamma killiliinertaqanngitsumik akiitsunut, akilerneqartussanngortinneqarsimasunut taamatullu akilerneqartussanngortinneqarsimanngitsunut imaluunniit nikerartunngortinneqarsimanngitsunut, piffissami nalunaarutip tunniunneqarfiani pigineqartunut akisussaasuupput.

§ 127. Ingerlatseqatigiiffik sinnerlugu akiliisinnaajunnaartutut nalunaarutigineqarnissamik kissaateqarneq taamaallaat siulersuisunit nalunaarutigineqarsinnaavoq imaluunniit, ingerlatseqatigiiffik atorunnaarsinniarneqarpat, atorunnaarsitsinissamit ikiortimit.

Imm. 2. Atorunnaarsitsinissami ikiortit paasigunikku atorunnaarsitsineq akiitsoqarfinnut naammattumik taartissaqalersitsinavianngitsoq, ataatsimeersuariaqqusissapput, akiliisinnaajunnaarnermik nalunaaruteqarnissamik aalajangiiffiusussamik.

Imm. 3. § 117 naapertorlugu ingerlatseqatigiiffik atorunnaarsinneqarpat, atorunnaarsitsinermi ikiortip ataatsimeersuariaqquseqqaarnani ingerlatseqatigiiffik akiliisinnaajunnaartutut nalunaarutigissavaa. Atorunnaarsitsinissami ikiortimik toqqaasoqarsimanngippat Kalaallit Nunaata Eqqartuussiviata nammineerluni akiliisinnaajunnaarnermik nalunaarutiginninnissaq aalajangiiffigisinnaavaa.

§ 128. Aktieselskabip akiliisinnaajunnaartutut nalunaarutigineqarsimasup taaguutiminut ilaliutissavaa “akiliisinnaajunnaartutut nalunaarsimasoq”.

Imm. 2. Akiliisinnaajunnaarnerup naammassineqarneranik nalunaarsuineranut atatillugu ingerlatseqatigiiffik aktieselskabit nalunaarsuiffianniit peerneqassaaq, Kalaallit Nunaata Eqqartuussivia allatut nalunaaruteqarsimanngippat.

§§ 129-133. (Atorunnaarsinneqarput).

Kapitali 15

Kattutitsineq, anpartsselskabinngortitsineq, andelsselskabimiit aktieselskabinngortitsineq agguataarinerlu

Kattutitsineq

§ 134. Kapitali uani aalajangersakkat kattutitsinermut tunngasut atuutsinneqassapput aktieselskabi atorunnaarsinneqarani pigisaminik akiitsuminillu tamanik aktieselskabimut allamut anpartsselskabimulluunniit tunniussinermigut ingerlatseqatigiiffiujunnaarpat. Aamma taamaassaaq aktieselskabit imaluunniit anpartsselskabit marluk arlallilluunniit aktieselskabimut imaluunniit anpartsselskabimut nutaamut kattutsinneqarpat.

§ 134 a. Ingerlatseqatigiiffiit kattuttut siulersuisui peqatigiillutik kattutitsinermi pilersaarut suliaralugulu atsiussavaat, paasissutissanik aalajagersakkanillu makkunanga imaqartussaq:

- 1) ingerlatseqatigiiffiit aqqi saniatigulu taaguuteqassappata taaguutaat, tassunga ilanngullugu ingerlatseqatigiiffiup atorunnaartussap aqqa imaluunniit saniatigut taaguutaa ingerlatseqatigiiffimmi ingerlaqqittumi saniatigut taaguutitut atussanersoq,
- 2) ingerlatseqatigiiffit angerlarsimaffiat,
- 3) ingerlatseqatigiiffimmi atorunnaartussami piginneqataassutinut akigititaaq,
- 4) piginneqataassutit akiliutitut atorneqarsimappata, taakku iluanaarutisisitsinnaalernissaannut piffissaliussaq,
- 5) piginneqataassutinik imaluunniit akiitsut allagartaannik piginnittut ingerlatseqatigiiffimmi atorunnaartumi immikkut piginnaatitaaffeqarsimappata, taakkua ingerlatseqatigiiffimmi ingerlaqqittumi piginnaatitaaffii,
- 6) piginneqataassutinik akiitsullu allagartaannik piginnittunut nr. 5-imi taaneqarsimasunut iluaqutissamik allatut isumannaarsaasoqarsimanersoq,

- 7) piginneqataassutit allagartaasa piginneqataassutinut akiliutitut tunniunneqarnerat,
- 8) ingerlatseqatigiiffiup atorunnaartup piginnaatitaaffiisa pisussaaffiisalu, naatsorsuusiortnermut tunngatillugu qaqugukkut nuunneqartutut isigineqassanersut, tak. § 134 b, imm. 2,
- 9) ingerlatseqatigiiffiit siulersuisuinut, sinniisoqarfiinut qullersaqarfiinullu ilaasortanut immikkut iluaqutissiissutit tamaasa, kiisalu
- 10) kattutitsinermi nutaamik ingerlatseqatigiiffiliortoqarpat malittarisassatut siunnersuusiaq.

§ 134 b. Ingerlatseqatigiiffinni tamani siulersuisut allaganngorlugu nassuiaasiussapput tassanilu kattutitsinissamat pilersaarut pissutaasullu nassuiassallugit. Pinneqataassutinut akigititap aalajangersarneqarnera nassuiaammi taaneqassaaq, aalajangersaanermilu immikkut ajornartorsiutaasimasinnaasut ilanngunneqassallutik.

Imm. 2. Nassuiaammut ilanngunneqarsinnaapput kattunermut naatsorsuusiat, taamaattoqassapallu ukiumoortumik naatsorsuusiortarneq pillugu inatsimmi kunnqip peqqussuteqarneratigut Kalaallit Nunaannut atortussanngortinneqartumi § 129 naapertorlugu suliarineqartussat. Kattunnissamat pilersaarut ukiup naatsorsuusiunneqartup pineqartup, ingerlatseqatigiiffiit ukiumoortumik nalunaarusiaannut kingullernut tunngasuusup, naaneraniit qaammatit 6-it sinnerlugit qaangiunneranni atsiorneqarsimappat, ingerlatseqatigiiffimmut kattuttumut pineqartumut ukiup qiterpaarnerani naligiissaarummik suliaqartoqassaaq. Qiterpaarnerani naligiissaarut, ukiumoortumik naatsorsuusiortarneq pillugu inatsit kunnqip peqqussuteqarneratigut Kalaallit Nunaannut atortussanngortinneqartoq naapertorlugu suliarineqartussaq, naatsorsuineranut ulloqartinneqassanngilaq, kattunnissamat pilersaarutip atsiorneqarnera sioqqullugu qaammatit pingasut sinnerlugit sioqqutsisumik. Qiterpaarnerani naligiissaarut kukkunersiorneqarsimassaaq, ingerlatseqatigiiffik ukiumoortumik naatsorsuusiortarneq pillugu inatsit kunnqip peqqussuteqarneratigut atortussanngortinneqartoq inatsisilialluunniit allat naapertorlugit kukkunersuiisitsinissamik pisussaanermut pineqarpat.

Imm. 3. Kattunermut atatillugu ingerlatseqatigiiffimmi ingerlatsinermik nangitsisusumi nammineq aningaasaliissutinik qaffaaneq pippat, imaluunniit kattunermut ataneqartumik ingerlatseqatigiiffimik nutaamik pinngortoqarpat, nassuiaat naliliisartumit nalunaarutiginninnermut ilanngunneqassaaq. Naliliisartoq § 6 b, imm. 1 naapertorlugu toqqarneqassaaq. § 6 b, imm. 2 aamma 3 tamatuma assigisaanik naliliisartumut tunngasut ingerlatseqatigiiffinnut kattutunut tamanut atuutissapput.

Naliliinermut nalunaarut makkuninnga imaqassaaq

- 1) aningaasaliissutinik ataasiakkaanik allaaserisaq,
- 2) naliliinermi periaaseq atorneqartoq pillugu paasissutissiissut,
- 3) akissarsiassat aalajangersarneqartut allassimaffiat, aamma
- 4) naliusup aalajangersarneqartup akissarsiassatut isumaqatigiissutigineqartut minnerpaamik amerlaqatigigaat pillugu nalunaarut, matumanilu piginneqataassutit, tunniunneqartussat, sipportumik naliusinnaasumik tapertaqartillugit, nalingat ilanngullugu eqqarsaatigalugu.

Imm. 4. Naliliinermut nalunaarut piffissaq kattunnissap akuersissutigineqarsimasinnaanera sioqqullugu qaammatinik 3-nik sinnerlugit sioqqutsisumik suliarineqarsimassanngilaq, tak. § 134 e. Piffissaliussaq qaangerneqarpat kattunneq atuuttumik akuersissutigineqarsinnaanngilaq.

Imm. 5. Imm. 3-mi aalajangersagaq aktieselskabit akornanni kattunnernut atuutinngilaq.

Imm. 6. § 6 c assinganik atuutissaaq ingerlatseqatigiiffik, kattunermut ataneqartumik pinngortoq, piginneqataasumit, ingerlatseqatigiiffimmit, ingerlatseqatigiiffiup

nalunaarsornerata ki-ngornatigut qaammatit 24-it sioqqullugit ilisimaneqartumit, pigisanik nalilinnik pissarsippat.

§ 134 c. Ingerlatseqatigiiffinni kattuttussani tamani naliliisarteq ataaseq arlallilluunniit qilersorsimanngitsut kattutitsinissamik pilersaaruteqarneq pillugu allaganngorlugu oqaaseqaateqassapput. Naliliisartut § 6 b, imm.1 naapertorlugu toqqarneqassapput. Ingerlatseqatigiiffiit kattuttussat naliliisarteq ataaseq arlallilluunniit kattukkusuppassuk, taakku ingerlatseqatigiiffiit qinnuteqarneratigut Kalaallit Nunaata Eqqartuussivianit toqqarneqassapput

Imm. 2. § 6 b, imm. 2 aamma 3 naliliisartut ingerlatseqatigiiffinnut kattuttussanut periusissaannut taamatulli atuutissapput.

Imm. 3. Oqaaseqaammi nalunaarutigineqassapput ingerlatseqatigiiffimmi atorunnaartumi piginneqataassutinut akigititaq naleqquttuunersoq piviusullu tunngavigalugit nalilerneqarsimansoq. Nalunaarusiami oqaatigineqassapput akigititap nalilersorneqarnerani periusisaasimasut taakkulu naleqquttuunersut nalilerneqassallutik. Nalunaarusiami aammattaq oqaatigineqassapput nalilersuinermi periaatsit immikkut tamarmik naleqartitsinerat kiisalu naliliinermi periaatsit ataasiakkaat imminnut naleqqiunnerminni pingaarutaat. Naliliinermi immikkut ajornartorsiortoqarsimappat tamakku nalunaarusiamut ilanngunneqassapput.

Imm. 4. Naliliisartut nalunaarutigissavattaq kattutitsinerup kingornatigut ingerlatseqatigiiffinni ataasiakkaani akiitsoqarfinnut taarsigassanut naammattumik qulakkeerinnittoqarsimansoq.

§ 134 d. Kattutitsinissamik pilersaarutip atsiorneqarneraniit sapaatit akunneri arfineq-marluk qaangiutsinnagit ingerlatseqatigiiffiit kattuttussat siulersuisui tamarmik immikkut kattutitsinissamik pilersaarutip, atsiorneqarsimallunilu uppersarneqarsimasup, aappiussatut asserluinnaanik Erhvervs- og Selskabsstyrelsimut nassiussissapput. Aammattaq tamatumunnga ilanngullugu kingusinnerusukkulluunniit naliliisartut § 134 c, imm. 4 naapertorlugu nalunaarusiaat Erhvervs- og Selskabsstyrelsimut nassiunneqassaaq, tak. § 134 e.

Imm. 2. Allagartat imm. 1-imi taaneqartut tiguneqarnerat § 158, imm. 1 naapertorlugu tamanut nalunaarutigineqassaaq. Naliliisartut § 134 c, imm. 4 naapertorlugu nalunaarusiaminni nalilersimappassuk akiitsoqarfinnut naammattumik taartissaqartitsinissaq kattutitsinermik pissuteqartumik ajornarnerulersinnaasoq, tamanna tamanut nalunaarummi paasissutissiissutigineqassaaq akiitsoqarfiillu § 134 e aamma § 134 g naapertorlugit piginnaatitaaffiik ilisimatinneqassapput.

§ 134 e. Kattutitsinissamik aalajagerneq ataatsimeersuartunit, § 78-imi piumasaqaatinut kiisalu malittarisassat atorunnaarsitsinermut kattutitsinermulluunniit tunngasunik aalajangersagaqassappata taakkununga naapertuuttumik, aalajagerneqassaaq, takuuli § 134 j. Ingerlatseqatigiiffik atorunnaarniarpat kattutitsisoqassasoq taamaallaat aalajangiunneqarsinnaavoq, piginneqataasunut agguassineq suli aallartinneqarsimanngippat ataatsimeersuartullu aalajangiutissappassuk atorunnaarsitsiniarneq unitsinneqassasoq. Taamaalippat § 126 atuutissanngilaq.

Imm. 2. Kattutitsinissamik aalajangiineq ingerlatseqatigiiffiup ingerlaqqittup siulersuisuinit aalajangiunneqassaaq ataatsimeersuarnermi malittarisassat allannguutissaannik aalajangiussassaqaalersimanngippat, uanili eqqarsaatigineqanngilaq ingerlatseqatigiiffiup

atorunnaartup aqqata saniatigulluunniit taaguutaata ingerlatseqatigiiffiup ingerlaqqittup saniatigut taaguutaanut ilanngussineq. Aalajangiineq aammattaaq ataatsimeersuarnermi pissaaq, piginneqataasut aningaasaliissutit 5 %-iinig piginnittut, takuulli imm. 3, tamanna allakkatigut piumasarippassuk, § 158, imm. 1 naapertorlugu kattutitsinissamik pilersaarutip tiguneqarsimanera avammut nalunaarutigineqareerneraniit sapaatit akunneri marluk qaangiutsinnagit. Taamaattoqassappat § 78-imi amerlanerussuteqarnissamik piumasaqaat naapertorlugu aalajangiisoqassaaq. Siulersuisut ataatsimeersuariaqqusissapput tamatumunnga qinnuteqaatip tighuneraniit sapaatit akunneri marluk qaangiutsinnagit.

Imm. 3. Aalajangerneq aammattaaq ingerlatseqatigiiffimmi ingerlaqqittumi ataatsimeersuarnermi pissaaq, piginneqataasut malittarisassat naapertorlugit, tak. § 70, ataatsimeersuortoqarnissaanik piumasaqarsinnaasut qinnutigippassuk. Imm. 2-mi, oqaaseqatigiit pingajui sisamaallu taamatulli atuutissapput.

Imm. 4. Ingerlatseqatigiiffinni ingerlaqqittuni siulersuisut pisut pingaruteqartut pillugit ataatsimeersuarnermi ilisimatitsissuteqassapput, matumanilu pigisani nalilinni pisussaaffinilu allan-nguutit, piffissami kattutitsinissamut pilersaarutip atsiorneqarfiaata ataatsimeersuarnissallu akornanni pisut, ilanngullugit eqqarsaatigalugit

Imm. 5. Siusinnerpaamik ataatsimeersuortoqarsinnaavoq § 134 d naapertorlugu kattutitsinissamik pilersaarutip tighunerata avammut nalunaarutigineqarneraniit aammalu § 134 c, imm. 4 naapertorlugu naliliisartut nalunaarusiaata tighuneraniit sapaatit akunneri sisamat qaangiunneranni. Kattutitsinissamut pilersaarut nalunaarutigineqarsimasoq naapertorlugu aalajangiisoqanngippat siunnersuut tunuartinneqartutut isigineqassaaq.

Imm. 6. Allagartat ataani taaneqartut kingusinnerpaamik ataatsimeersuarnissaq sapaatit akunnerinik sisamanik sioqqullugu ingerlatseqatigiiffiit kattuttussat allaffiini piginneqataasunut takusassanngorlugit saqqummersinneqassapput akiliutitaqanngitsumillu piginneqataasunut tamanut nassiuinneqassallutik, piginneqataasut tamarmiullutik allagaatit pineqartut ataatsimeersuarnissaq sioqqullugu piginneqataasunut saqqummiunneqannginnissaat akuerisimannippassuk:

- 1) kattutitsinissamik pilersaarut,
- 2) ingerlatseqatigiiffiit kattuttussat immikkut tamarmik ukiuni kingullerni pingasuni ukiumoortumik nalunaarusiaat imaluunniit ingerlatseqatigiiffik sivikinnerusumik ingerlanneqarsimappat piffissami tassani naatsorsuutai,
- 3) siulersuisut nassuiaataat, naatsorsuusiaq ataatsimoorusaaq pilersitsinermilu oqimaaqatigiissaarineq ilanngullugit, tak. § 134 b, imm. 2 aamma 3, kiisalu
- 4) § 134 c naapertorlugu naliliisartut oqaaseqaataat nalunaarutaallu.

Imm. 7. Nioqutissanik tunisisartut, tamatumunnga qinnuteqartut, imm. 1 – 3 naapertorlugit piffissaq aalajangiiffiususaaq pillugu ilisimatinneqassapput.

§ 134 f. Ingerlatseqatigiiffimmi ingerlatseqatigiiffiniluunniit atorunnaalersuni piginneqataasut, ataatsimeersuarnermi tamanna ilimasaarutigisimagunikku, piginneqataassutinullu akigititaq naleqquttuunanilu piviusunik tungaveqarani nalilerneqarsimappat, tak. § 134 c, imm. 3, ingerlatseqatigiiffimmit taarsiivigeqqullutik piumasaqarsinnaapput. Suliassaq tamatumunnga tungasoq eqqartuussivimmut suliassanngortinneqareersimassaaq, ingerlatseqatigiiffinni kattuttussani tamani kattunnissamik aalajangiussinermiit sapaatit akunneri marluk qaangiutsinnagit.

§ 134 g. Naliliisartut § 134 c, imm. 4 naapertorlugu nalunaaruteqarnerminni isumaqarpata kattutitsinermik peqquteqartumik akiitsoqarfinnut taartissaqarnissaq ajorseriaateqassasoq, akiitsoqarfiit kattunnissaq ingerlatseqatigiiffinnit kattuttussanit tamanit aalajangiunneqarneraniit sapaatit akunneri sisamat qaangiutsinnagit piumasaqaatitik nalunaarutigisinnaavaat, piumasaqaatitik kattutitsinissamik pilersaarutip § 134 d naapertorlugu avammut nalunaarutigineqarnera sioqqullugu tunngavilerneqarsimappata immikkullu qularnaveeqquserneqarsimappata.

Imm. 2. Akiitsut nalunaarutigineqarsimasut akiligassanngorsimasullu akileqqullugit piumasaqartoqarsinnaavoq, akiitsunullu nalunaarutigineqarsimasunut, sulili akiligassanngorsimangitsut, isumannaatsumik qularnaveeqqusiinissaq piumasarineqarsinnaalluni.

Imm. 3. Allatut uppernarsaasoqanngippat imm. 2 naapertorlugu qularnaveeqqusiineq pisariaqanngilaq, akiitsut akilerneqarnissaat ingerlatseqatigiiffiit kattuttut pillugit immikkut inatsisini aaqqiinikkut qulakkeerneqarsimappata.

Imm. 4. Ingerlatseqatigiiffiup akiitsoqarfiillu akornanni qularnaveeqqusiisoqassanersoq isumaqatigiinngissutigineqarpat, imaluunniit qularnaveeqqutitut neqeroorutigineqarsimasoq naleqquttuunersoq isumaqatigiinngissutigineqarpat, illuatungeriit piumasaqaatip nalunaarutigineqareerneraniit sapaatit akunneri marluk qaangiutsinnagit apeqqut Kalaallit Nunaata Eqqartuussivianut aalajangiassanngorlugu suliassiissutigisinnaavaat.

Imm. 5. Akiitsoqarfiup taarsigassarsisitsilluni isumaqatigiissusiornermi imm. 2 naapertorlugu qularnaveeqqusiinissamik piumasaqaateqarsinnaatitaanini allangortitassaangitsumik atuuttussaaajunnaartillugu nalunaarutigisinnaangilaa.

§ 134 h. Ingerlatseqatigiiffik atorunnaalersoq atorunnaartutut isigineqassaaq aammalu piginnaatitaaffii pisussaaffiilu ingerlatseqatigiiffimmut ingerlaqqittumut tamakkiisumik nuunneqartutut isigineqassallutik:

- 1) ingerlatseqatigiiffinni kattuttussani tamani kattunnissaq aalajangiunneqarsimappat,
- 2) imm. 5-imi piumasaqaatit naammassineqarsimappata,
- 3) § 134 g naapertorlugu piumasaqaatit aalajangiiffigineqareerpata aamma
- 4) § 134 f naapertorlugu piumasaqaatit aalajangiiffigineqareerpata, taamaassanngilarli piumasaqaammut naleqquttumik qularnaveeqqusiisoqarsimappat naliliisartullu nalunaarsimappata § 134 c, imm. 3 aamma 4 naapertorlugit oqaaseqaatitik annertuumik akilerneqanngitsut. Naliliisartut qularnaveeqqutip qularnaassusia nalilissavaat.

Imm. 2. Imm. 1-imi piumasaqaatit naammassineqariarpata ingerlatseqatigiiffimmi atorunnaalersumi piginneqataasut, piginneqataassutinik akilerneqarsimasut, ingerlatseqatigiiffimmi ingerlaqqittumi piginneqataalissapput.

Imm. 3. Ingerlatseqatigiiffiit kattuttut ingerlatseqatigiiffimmi atorunnaalersumi piginneqataappata, piginneqataassutaat ingerlatseqatigiiffimmi ingerlaqqittumi piginneqataassutinik taarserneqassanngillat.

Imm. 4. Ingerlatseqatigiiffiup atorunnaalersup pigisai akiitsuilu tunngavigalugit ingerlatseqatigiiffimmi ingerlaqqittumi aningaasaliissutit amerlineqarnerannut § 34 atuutissanngilaq.

Imm. 5. Kattutitsinikkut ingerlatseqatigiiffik nutaaq pilersinneqarpat kattutitsinissarlu ataatsimeersuarnermi aalajangiunneqarsimatsiaannartoq siulersuisunik kukkunersiuisumillu qinersisoqanngippat, sapaatit akunneri marluk qaangiutsinnagit ingerlatseqatigiiffimmi nutaami ataatsimeersuortoqassaaq siulersuisunik kukkunersiuisuusinnaasumillu qinersiffiusussamik. Aammattaaq ataatsimeersuartut ingerlatseqatigiiffiup ukiumoortumik

nalunaarusiassai kukkunersiorneqartassanersut aalajangiiffigissavaat, ingerlatseqatigiiffik ukiumoortumik naatsorsuusiortarneq pillugu inatsit kunnigip peqqussuteqarneratigut Kalaallit Nunaannut atortussannngortinneqartoq inatsisialiunniit allat naapertorlugit kukkunersuiisitsinissamut pisussaataitanerminni pineqan-ngippat.

§ 134 i. Kattutitsinissamik aalajangerneq, § 134 h, imm. 1 naapertorlugu kattutitsinerup inatsisitigut atuutilerneraniit sapaatit akunneri tallimat qaangiutsinnagit ingerlatseqatigiiffiit siulersuisunit tamanit Erhvervs- og Selskabsstyrelsimut nalunaarutigineqassaaq. Ingerlatseqatigiiffik ingerlaqqittoq kattunneq pillugu ingerlatseqatigiiffiit tamaasa sinnerlugit nalunaaruteqarsinnaavoq. Nalunaaruteqarnermi ilanngunneqassapput § 134 e, imm. 6, nr. 3-mi allagaatit taaneqartut. Kattutitsineq akuersissutigineqartoq pillugu nalunaarut aatsaat nalunaarsorneqarsinnaavoq kattunnerup inatsisitigut atuuffissai § 134 h, imm. 1 naapertorlugu atuutilerpata.

Imm. 2. Kattutitsineq pineqartoq pillugu nalunaarut Erhvervs- og Selskabsstyrelsimi tiguneqarsimassaaq kingusinnerpaamik, piffissamut kattutitsinerup naatsorsuutitigut atuuffissaata, tak. § 134 a, imm. 1, nr. 8, nassiussinissamut piffissaliussap naanerani, taamaattorli § 134 d naapertorlugu kattutitsinissamut pilersaarutip tigonera pillugu styrelsip nalunaaruteqarnerata kingorna kingusinnerpaamik ukiup ataatsip qaangiunnerata kingornatigut. Piffissaliussaq qaangerneqarpat kattutitsinissap piviusunnngortinnissaa pillugu aalajangikkap atuussinnaassusia annaaneqassaaq, aamma § 34 a naapertorlugu kattutitsinissamut pilersaarut suliarineqartoq atorunnaartutut isigineqassaaq.

Imm. 3. Ingerlatseqatigiiffik, kattutitsinermut ataneqartumik pinngortoq, ingerlatseqatigiiffiup nalunaarsorneqarnissaa sioqqullugu isumaqatigiissusiorpat, aamma isumaqatigiissusioqataasup ingerlatseqatigiiffik nalunaarsorneqanngitsoq ilisimappagu, isumaqatigiissusioqataasup, allatut isumaqatigiittoqarsimanngippat, isumaqatigiissut atorunnaarsissinnaavaa, nalunaarsorneqarnissamut nalunaarut kingusinnerpaamik imm. 2-mi piffissaliussatut aalajangersarneqartup naanerani styrelsimi tiguneqarsimanngippat, imaluunniit nalunaarsuinissaq itigartissutigineqarpat. Isumaqatigiissusioqataasup ingerlatseqatigiiffik nalunaarsorneqarsimannngitsoq ilisimaguniuk, taassuma isumaqatigiissut atorunnaarsissinnaavaa ingerlatseqatigiiffik suli nalunaarsorneqan-ngippat. § 12, imm. 4 kattutitsinermi assinganik atuutissaaq.

§ 134 j. Aktieselskabi atorunnaarnani ingerlatseqatigiiffiujunnaarneratigut aammalu pigisai akiitsuilu tamakkiisumik anpartsselskabimut allamut, ingerlatseqatigiiffimmi atorunnaalersumi piginneqataassutinik tamanik piginnittumut pigisassannngortinneqarpat, kattutitsinissaq ingerlatseqatigiiffiup atorunnaalersup siulersuisunit aalajangerneqarsinnaavoq. Aammattaaq § 134 a, imm. 1, nr. 1, 2, 5, 6 aamma 8-10, § 134 b, imm. 1, oqaaseqatigiit siulliit, aamma imm. 2, § 134 c, imm. 1, oqaaseqatigiit aappaat, imm. 2 aamma 4, § 134 d, § 134 e, imm. 1, oqaaseqatigiit aappaat pingajuilu, aamma imm. 2-7, § 134 g, § 134 h aamma § 134 i, taamatulli atuutissapput.

Imm. 2. Ingerlatseqatigiiffik, ingerlatseqatigiiffiup pigisaasa nalillit pisussaaffiisalu tamakkerlugit ingerlatseqatigiiffimmut allamut, ingerlatseqatigiiffimmi atorunnaalersumi piginneqataassutinik minnerpaamik 90 pct.-nik pigisaqartumut, tunniunnerisigut atorunnaarsinneqarnani avissaartuuffiuppat, ingerlatseqatigiiffimmi atorunnaalersumi kattutitsineq siulersuisunit aalajangiiffigineqarsinnaavoq. Aalajangiineq ataatsimeersuurtunit aalajangiiffigissavaat, piginneqataasut, nammineq aningaasaliissutinik 5 pct.-nik pigisallit, kattutitsinissamut pilersaarutip tiguneqarnerata § 158, imm. 1 naapertorlugu

nalunaarutigineqarnerata kingornatigut kingusinnerpaamik sapaatit akunneri marluk qaangiunneranni allakkatigut piumasarippassuk. Aammattaaq ingerlatseqatigiiffimmi atorunnaalersumi aalajangiineq ataatsimeersuartunit aalajangiinerussaaq, piginneqataasut, malittarisassat malillugit, tak. § 70, ataatsimeersuarnissamut aggersaasinnaasut, tamanna qinnutigippassuk. Taamaattoqassappat aalajangiineq pissaaq § 78-imi amerlanerussuteqarnissamik najoqqutassiaq kiisalu najoqqutassiat allat, avissaartuunneq kattutititsinerluunniit pillugit malittarisassat tamatuminnga imaqarpata, pissaaq. Siulersuisut ataatsimeersuarnissamut aggersaassapput qinnuteqaatip tiguneqarneranit kingusinnerpaamik sapaatit akunneri marluk qaangiunneranni. Ilaatigut kattutititsineq pillugu inatsisip aalajangersagartai assinganik atuutissapput, § 134 e, imm. 1, oqaaseqatigiit siulliit eqqaassanngikkaanni.

Imm. 3. Imm. 1-mi aamma imm. 2-mi, oqaaseqatigiinni siullerni pisut malillugit kattutititsinissaq siulersuisunit aalajangiunneqarpata, siulersuisut kattutititsinissamik aalajangiussaqaarneranniit § 134 e, imm. 6-imi piffisaliussaq naatsorsuutigineqassaaq.

§ 134 k. Aktieselskabi atorunnaarnani ingerlatseqatigiiffiujunnaarneratigut tamakkiisumillu pigisai akiitsuilu qallunaat naalagaaffiannut, Namminersornerullutik Oqartussanut, kommunimulluunniit tunniunneqarpata, § 134 a-mi, imm. 1-mi, § 134 b-mi imm.1, § 134 c-mi imm.1-3, § 134 d-mi imm.1, oqaaseqatigiit siulliit, aamma imm. 2, oqaaseqatigiit siulliit, § 134 e-mi imm.1, 4 aamma 5, § 134 f-imi, § 134 h-mi imm.1, nr.1 aamma § 134 imi aalajangersakkat taamatulli atuutissapput.

Anpartsselskabinngortitsineq

§ 134 l. Ataatsimeersuarnermi, ingerlatseqatigiiffiup malittarisassaasa allanngortinneqarnissaannut piumasarineqartumik amerlanerussuteqarluni, aalajangerneqarsinnaavoq ingerlatseqatigiiffik anpartsselskabinngortinneqassaq. Aalajangernermik nalunaarut sapaatit akunneri marluk qaangiutsinnagit piginneqataasunut nalunaarsorsimasunut tamanut nalunaarutigineqassaaq.

Imm. 2. Anpartsselskabinngorneq pisimasutut isigineqassaaq malittarisassat, anpartsselskabit pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi piumasaqaataasunut naapertuuttunngorlugit allanngortinneqarsimappata, nalunaarsorneqareerlutillu Atuagagdliutitigut aamma Erhvervs-og Selskabsstyrelsen edb-kkut ilisimatitsisarnermi aqqissuussaatigut avammut nalunaarutigineqareerpata.

Imm. 3. Allanngortoqareerpat ingerlatseqatigiiffimmi piginneqataassutit allagartaat tunniunneqarsimasut atorunnaartutut naatsorsuunneqassapput.

Imm. 4. Anpartsselskabinngornermiit ukiut tallimat qaangiussimappata, piginnaatitaasullu tamarmik piginneqataasut nalunaarsuiffiannut piginneqataaertik nalunaarutigisimangippassuk, siulersuisut Atuagagdliutini Statstidendimilu nalunaaruteqarnikkut pineqartoq pineqartulluunniit qaammatinik arfinilinnik piffissalerlugit kajumissaarsinnaavaat nalunaqqullugit. Piffissap naanerani nalunaartoqarsimangippat, siulersuisut piginneqataassutinik, piginneqataasut aningaasartuutigisassaannik, pappiaqqanik aningaasanik nalilinnik tuniniaasartoq, tak. pappiaqqanik aningaasanik nalilinnik niuerneq il.il.pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 4, imm. 3, aqutugalugu tuniniaasinnaapput. Ingerlatseqatigiiffik nalunaarusiornermut tuniniaanermilu aningaasartuutiminut matussutissanik tunisinermi

iluanaarutiniit ilanngaasinnaavoq. Tunisinermit iluanaarutit tunisinermit ukiut tallimat qaangiunnerani aaneqarsimangippata ingerlatseqatigiiffimmut tigusassanngortinneqassapput.

Pisussaaffitsigut tamakkiisumik nammaqatigiiffiusumik ingerlatseqatigiiffinngortitsineq

§ 134 m. Ataasimeersuarnermi, malittarisassanik allanngortitsinissamut piumasarineqartut amerlanerussuteqarluni, aalajangerneqarsinnaavoq aktieselskabi piginneqataasunit pisussaaffitsigut tamakkiisumik nammaqatigiiffiusumik inuussutissarsiutitut ingerlatseqatigiiffinngortinneqassasoq (partnerselskabinngortinneqassasoq/kommanditaktieselskabinngortinneqassasoq). Taamatut ingerlatseqatigiiffinngortitsinermit aktieselskabip allannguuteqartitap tamakkiisumik pigisai akiitsuilu ingerlatseqatigiiffimmut nutaamut tunniunneqassapput. Akiitsoqarfiit akuersiseqqaarnagit taamatut tunniussisoqarsinnaavoq.

Imm. 2. Aalajangernermik nalunaarut sapaatit akunneri marluk qaangiutsinnagit piginneqataasunut nalunaarsorsimasunut tamanut aammalu tamakkiisumik akisussaaqataalersunut nalunaarutigineqassaaq.

Imm. 3. Partnerselskabinngortitsineq pisimasutut isigineqassaaq malittarisassat, § 173-imi piumasaqaataasunut naapertuuttunngorlugit allanngortinneqarsimappata, aammalu nalunaarsorneqareerlutillu Atuagagdliutitigut aamma Erhvervs- og Selskabsstyrelsip qarasaasiatigut paasissutissiisarfiagut avammut nalunaarutigineqareepata.

Partnerselskabimitt aktieselskabinngortitsineq

§ 134 n. Ataasimeersuarnermi, malittarisassanik allanngortitsinissamut piumasarineqartut amerlanerussuteqarluni, kiisalu tamakkiisumik akisussaassuseqartutut peqataasut akuersineratigut aalajangerneqarsinnaavoq partnerselskabi (kommanditaktieselskabi) aktieselskabinngortinneqassasoq. Aktieselskabinngortitsinermit ingerlatseqatigiiffiup tamakkiisumik pigisai akiitsuilu aktieselskabimut tunniunneqassapput. Akiitsoqarfiit akuersiseqqaarnagit taamatut tunniussisoqarsinnaavoq. §§ 6 a-6 c aktieselskabinngortitsinermit taamatullu atuutissapput.

Imm. 2. Aalajangernermik nalunaarut sapaatit akunneri marluk qaangiutsinnagit piginneqataasunut nalunaarsorsimasunut tamanut aammalu tamakkiisumik akisussaaqataalersunut nalunaarutigineqassaaq.

Imm. 3. Aktieselskabinngortitsineq pisimasutut isigineqassaaq malittarisassat, inatsimmi piumasaqaataasunut naapertuuttunngorlugit allanngortinneqarsimappata, aammalu nalunaarsorneqareerlutillu Atuagagdliutitigut aamma Erhvervs- og Selskabsstyrelsip qarasaasiatigut paasissutissiisarfiagut avammut nalunaarutigineqareepata. Taamaattorli tamakkiisumik akisussaassuseqartutut peqataasut aktieselskabinngortitsineq sioqqullugu pisussaaffigilikkanut akisussaaffiginninnerat ingerlaannassaaq.

Andelsselskabimitt aktieselskabinngortitsineq

§ 135. Sullivinni inuussutissarsiorfiusuni, ilaasortat pisisartutut, nioqqutissiassanik tunisaqartartutut imaluunniit assigisaatut iliorluni sullivinni peqataanertik aqutugalugu ataatsimoorlutik soqutigisaasa siuarsarneqarnissaannik sulinissamik siunertaqartuni, sulliviullu iluanaarutisiaanik, aningaasaliissutit ileqquusumik ernialersugaasut eqqaassanngikkaanni, ilaasortanut tunisaqarnerminni pissarsiaat naapertorlugit

agguaaassassatut imaluunniit sullivimmi uningasutissatut, aammalu ilaasortat sulliviup akiitsoqarfiinut akisussaanerat killeqarpat (andelsselskabi killilimmik akisussaaffilik), malittarisassanik allanngortitsisinnaatitaasoq ingerlatseqatigiiffimmik atorunnaarsitsinissamut amerlanerussuteqarnissamik piumasaqaataasut naapertorlugit sullivimmilu piginneqataasut taakkuluunniit taasinerisa 4/5-iinik akuerineqartumik, taakkulu taasinerat aningaasaliisuunermik, kaaviaartitsinerannik assigisaanilluunniit tunngaveqarpat, aalajangersinnaavoq sullivik aktieselskabinngortissallugu.

Imm. 2. §§ 6 a - 6 c aamma 134-134 i pisariaqarfiisigut naleqqussarlugit allanngortitsinermut atuutissapput.

Imm. 3. Allanngortitsinerup kingorna sapaatit akunneri marluk qaangiutsinnagit piginneqataasut tamarmik ilisimatinneqassapput.

Imm. 4. Aktieselskabinngortitsineq pisimasutut naatsorsuutigineqassaaq, malittarisassat inatsimmi matumani piumasaqaataasunut naapertuuttunngorlugit allanngortinneqarsimappata allanngortitsinerlu Erhvervs- og Selskabsstyrelsen nalunaarsorsimappagu.

Imm. 5. Allanngortitsineq nalunaarsorneqarsimatinnagu piginneqataassutit allagartaat tunniunneqarsinnaanngillat.

Imm. 6. Aktieselskabinngornermiit ukiut tallimat qaangiussimappata, piginnaatitaasullu tamarmik piginneqataassutimik allagartaasa tunniunneqarnissaannik kissaateqarsimanngippata imaluunniit piginneqataasut nalunaarsorsimaffiannut nalunaarsorneqarnissamik qinnuteqarsimanngippata, siulersuisut Atuagagdliutini Statstidendimilu nalunaaruteqarnikkut pineqartoq pineqartulluunniit qaammatinik arfinilinnik piffissalerlugit kajumissaarsinnaavaat nalunaqqullugit. Piffissap naanerani saaffiginnittoqarsimanngippat, siulersuisut piginneqataassutit piginneqataasut aningaasartuutigisassaannik pappiaqqanik aningaasanik nalilinnik tuniniaasartoq, tak. pappiaqqanik aningaasanik nalilinnik niuerneq il.il.pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 4, imm. 3, aqqutigalugu tuniniarsinnaavaat. Ingerlatseqatigiiffik nalunaarusiornermut tuniniaaneramilu aningaasartuutiminut matussutissanik tunisinermi iluanaarutiniit ilanngaasinnaavoq. Tunisinermi iluanaarutit tunisinermiit ukiut tallimat qaangiunneranni aaneqarsimanngippata, ingerlatseqatigiiffimmu tigusassanngortinneqassapput.

Agguataarineq

§ 136. Ataatsimeersuartut §§ 78-imi aamma 79-imi najoqqutassarineqartut isiginiarlugit ingerlatseqatigiiffiup agguataarivigineqarnissaa pillugu aalajangiisnaapput. Agguataarinermi pigisat nalillit pisussaaffiillu tamakkiisumik aktie- imaluunniit anpartsselskabinut atuuttunut nutaatullu pilersinneqartunut tunniunneqassapput ingerlatseqatigiiffiup aningaasaliissuteqartup piginneqataasuinut akissarsiaqartitsinikkut. Ataatsimeersuartut amerlanerussuteqarneq taanna atorlugu agguataarinissamik aalajangiisnaapput, tamatumani ingerlatseqatigiiffiup pigisami nalillit pisussaaffimilu ilai ingerlatseqatigiiffinnut atuuttunut nutaatullu pilersinneqartunut tunniullugit. Tunniussineq nioqqutissanik tunisisartuusut akuersitinnngikkaluarlugit pisinnaavoq.

Imm. 2. Ingerlatseqatigiiffimmi nioqqutissanik tunisisartoq, agguataarinermi peqataasimasooq, naammassinniffigineqanngippat, ingerlatseqatigiiffiit allat peqataasut ataasiakkaarlutik akisussaqaatigiillutillu pisussaaffinnut, agguataarinerup tamanut saqqummiunneqarnerani atuuttunut, akisussaasuussapput, taamaattorli annerpaamik aningaasat piffissami pineqartumi

ingerlatseqatigiiffinni ataasiakkaani ilanngaateqareerluni naliusup ilanngunneqartup sinneruttulluunniit annerpaamik amerlaqataannik.

Imm. 3. Ingerlatseqatigiiffik ataaseq ingerlatseqatigiiffiilluunniit arlallit tiguisisuusut agguataarinermi, agguataarinermut imaluunniit kattutititsinermut piviusunnngortinneqanngitsumi allamut ataneqartillugu pinngorpata, tamanna agguataarinissamut pilersaarummi ersersinneqassaaq, tak. § 136 a, imm. 1, oqaaseqatigiit siulliit. Ingerlatseqatigiiffinnut tiguisisuusunut nutaanut, agguataarinermut imaluunniit kattutititsinermut allamut ataneqartillugu pinngortunut, agguataarineq pissaaq aamma Erhvervs- og Selskabsstyrelsimut nalunaarutigineqassaaq agguataarinerup imaluunniit kattutititsinerup, ingerlatseqatigiiffiit nutaat tamatumunnga ataneqartillugu pinngorfigisaata, nangitsissutigeqqaagaatut, tak. § 136 i.

§ 136 a. Ingerlatseqatigiiffinni atuuttuni siulersuisut, agguataarinermi peqataasut, peqatigiillutik agguataarinissamut pilersaarut, paasissutissanik aalajangersakkanillu ukuninnga imaqartinneqartussaq, pilersissavaat atsiorlugulu

- 1) ingerlatseqatigiiffiit aqqi allatullu taaguutaat, matumanilu ingerlatseqatigiiffiup aningaasaliissuteqartup aqqa imaluunniit allatut taaguutaa ingerlatseqatigiiffimmut tiguisisuusumut taaguutitut allatut atorineqassanersoq ilanngullugu eqqarsaatigalugu,
- 2) ingerlatseqatigiiffiit angerlarsimaffii,
- 3) pigisat nalillit ilaasa pisussaaffiillu, ingerlatseqatigiiffinni agguataarinermi peqataasunut ataasiakkaanut nuunneqartussat imaluunniit pigiinnarneqartussat, sukumiisumik allaaserineqarnerat agguaanerallu,
- 4) ingerlatseqatigiiffimmi aningaasaliissuteqartumi piginneqataasunut akissarsiassaattat
- 5) akissarsiassat agguarneqarnerat, matumanilu ingerlatseqatigiiffinni tiguisisuusuni piginneqataassutit ilanngullugit eqqarsaatigalugit, ingerlatseqatigiiffimmi aningaasaliissuusumi piginneqataasunut kiisalu agguaassinermut tassunga aalajangiinermi tunngavik,
- 6) piffissaq piginneqataassutit, akissarsiattut tunniunneqarsimasinnaasut, sinneqartooruteqaataasinnaalerfia,
- 7) ingerlatseqatigiiffimmi tiguisisuusumi pisinnaatitaaffiit, ingerlatseqatigiiffimmi aningaasaliissuusumi piginneqataassuteqarsinnaasunut akiitsoqarnermullu allagaateqarsinnaasunut immikkut ittumik pisinnaatitaaffeqarfiusunut,
- 8) iliusaasinnaasut allat piginneqataassutini akiitsoqarnermullu allagaatini nr. 7-imi pineqartuni pigisaqartunut iluaqusiisnaasut,
- 9) piginneqataassutinik, akissarsiassatut tunniunneqartuni, nalunaarsuineq, kiisalu piginneqataassutit pillugit allagaatinik tunniussinermi nalunaarsuineq,
- 10) piffissaq, ingerlatseqatigiiffiup tiguisisuusup pisinnaatitaaffiisa pisussaaffiisalu naatsorsuusiattigut qaangerneqartutut isigineqalerfia, tak. imm. 2,
- 11) iluaqusiissut sunaluunniit, ingerlatseqatigiiffiup siulersuisuinut, sinniisuutitaannut aqutsisuinullu tunniunneqartoq, aamma
- 12) malittarisassanut missiliuut, tak. § 4, agguataarinermi ingerlatseqatigiiffimmik ataatsimik ingerlatseqatigiiffinnilluunniit arlalinnik pilersitsisoqarpat.

Imm. 2. Agguataarinermut pilersaarut ingerlatseqatigiiffinnut atuuttunut ataasiakkaanut tamanut kingusinnerpaamik, ukiup naatsorsuusiuunneqartup, agguataarinerup naatsorsuusiattigut sunniuteqaataata atuutilerfiani, tak. imm. 1, nr. 10, naanerani atsiorneqarsimassaaq. Piffissaliusaaq qaangerneqarpat agguataarinissamut pilersaarusiap

Erhvervs- og Selskabsstyrelsimi tiguneqarnera tamanut saqqummiunneqarsinnaassanngilaq, tak. § 136 d.

Imm. 3. Pigisat nalillit ilai agguataarinissamut pilersaarusiormi agguanneqarsimannippata, tak. imm. 1, oqaaseqatigiit pingajuat, tamatumunngalu nassuiaatip agguassinermit aalajangiinissaq periarfissaqartinngippagu, agguaqatigiiuusoq taanna imaluunniit tassannga naliusoq ingerlatseqatigiiffiit peqataasut ataasiakkaat akornanni agguanneqassaaq, ilanngaateqareerluni pigisat nalingat, agguataarinissamut pilersaarusiormerup kingornatigut ingerlatseqatigiiffinni ataasiakkaani ilanngunneqartut sipporunneqartulluunniit ilutigalugit.

Imm. 4. Pisussaaffiit ilai agguataarinissamut pilersaarusiormi agguanneqarsimannippata, tak. imm. 1, oqaaseqatigiit pingajuat, tamatumunngalu nassuiaatip agguassinermit aalajangiinissaq periarfissaqartinngippagu, ingerlatseqatigiiffiit peqataasut ataasiakkaarlutik peqatigiillutillu akisussaasuussapput, taamaattorli aningaasanik annerpaamik ingerlatseqatigiiffinnut ataasiakkaanut ilanngaateqareerluni naliusup ilanngunneqartut sipporunneqartulluunniit amerlaqataannik. Ingerlatseqatigiiffiit peqataasut akornanni pissutsit atukkat iluanni, pisussaaffiit taamaattut agguanneqassapput, agguataarinissamut pilersaarusiormerup kingornatigut ingerlatseqatigiiffinni ataasiakkaani ilanngunneqartut sipporunneqartulluunniit ilutigalugit.

§ 136 b.

Imm. 2. Nassuiaat agguataarinermi naatsorsuusianut ilanngullugu nassiuunneqarsinnaavoq, taamaattoqassappat ukiumoortumik naatsorsuusiortarneq pillugu inatsit kunngip peqqussutaata § 130-iannit Kalaallit Nunaannut atortussanngortinneqartoq naapertorlugu. Agguataarinermut pilersaarut ukiup naatsorsuusiortarfiusup, ingerlatseqatigiiffiit kingullerpaamik ukiumoortumik nalunaarusiaanut tunngasuusup, naanerani qaammatit 6-it qaangiunneranni atsiorneqarpat, ingerlatseqatigiiffinnut peqataasumut pineqartumut ukiup qiterpaarnerani naligiissaarummik suliaqartoqassaaq. Qiterpaarnerani naligiissaarut ullormik naatsorsuiffeqassanngilaq agguataarinermut pilersaarutit atsiorneqarnera qaammatinik 3-nik sioqqullugu. Qiterpaarnerani naligiissaarut, ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaannut atortussanngortinneqartoq naapertorlugu suliarineqartussaq, kukkunersiorneqarsimassaaq, ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaannut atortussanngortinneqartoq inatsisilialluunniit allat naapertorlugit kukkunersuuisinissamik pisussaaffeqarnermi pineqarpat.

Imm. 3. Agguataarinermut atatillugu ingerlatseqatigiiffinni tiguisuusuni nammineq aningaasaliissutinik qaffaasoqarpat, imaluunniit agguataarinermut atatillugu ingerlatseqatigiiffinnik nutaanik pinngortoqarpat, nassuiaat naliliisartumit nalunaarutiginninnermik ilaqartinneqassaaq. Naliliisartoq § 6 b, imm. 1 naapertorlugu toqqarneqassaaq. § 6 b, imm. 2 aamma 3 naliliisartunut ingerlatseqatigiiffinnut tamanut, agguataarinermi peqataasunut, tunngasunut assinganik atuuffeqassapput. Naliliinermut nalunaarut makkuninnga imaqassaaq

- 1) aningaasaliissutinik ataasiakkaanik allaaserisaq,
- 2) naliliinermi periaaseq atornerqartoq pillugu paasissutissat,
- 3) akissarsiassat aalajangersarneqartut allanneqarnerat, aamma
- 4) naliusup aalajangersarneqartut minnerpaamik akissarsiassatut isumaqatigiissutigineqartut amerlaqatigigaat pillugu nalunaarut, matumanilu

piginneqataassutit, tunniunneqartussat, ullumikkut nalingat ilanngullugu eqqarsaatigalugu, sipportumik naliusinnaasumik ilassuteqartillugu.

Imm. 5. Imm. 3-mi aalajangersagaq atuuffeqanngilaq ingerlatseqatigiiffiit tiguisuusut imaluunniit ingerlatseqatigiiffiit nutaajusut anpartsselskabiuppata.

Imm. 6.

§ 136 c.agguataarinermut pilersaarut pillugu, tak. imm. 3.

§ 136 e.

Imm. 6. Allagaatit uku ataatsimeersuarnissaq sapaatit akunnerinik sisamanik sioqqullugu ingerlatseqatigiiffiit ingerlaqqittut ataasiakkaat allaffiini piginneqataasunit misissugassanngorlugit saqqumitineqassapput taakkunungalugu akiliutertaqanngitsumik tunniunneqassallutik, piginneqataasut tamakkerlutik allagaatit pineqartut ataatsimeersuarnissaq sioqqullugu piginneqataasunut saqqummiunneqannginnissaat pillugu akuersinngippata.:

- 1) Agguataarinermut pilersaarut.
- 2) Ingerlatseqatigiiffinnut ataasiakkaanut, agguataarinermi peqataasunut, ukiumoortumik nalunaarusiat akuersissutigineqarsimasut, ukiunut naatsorsuusiortiusunut kingullernut pingasunut piffissamulluunniit sivikinnerusumut ingerlatseqatigiiffiup atuuffigisimasanut.
- 3) Siulersuisut nassuiaataat, matumanilu agguataarinermut naatsorsuusiasinnaasut, ukiup qiterpaarnerani naligiissaarutaasinnaasoq, aamma aningaasaviunngitsunik allanilli ani-ngaasaliissutit pillugit naliliinermut nalunaarutaasinnaasoq, tak. § 136 b, imm. 2 aamma 3.
- 4) § 136 c malillugu naliliisartut oqaaseqaataat nalunaarutaallu.

§ 136 h.

Imm. 5. Agguataarinermi ingerlatseqatigiiffik nutaaq pilersinneqarpat, aamma ataatsimeersuartut agguataarinermik akuersissuteqarnerata kinguinnguatigut siulersuisussanik kukkunersiuisussaasinnaasumillu qinersisoqanngippat, kingusinnerpaamik sapaatit akunneri marluk qaangiunneranni ingerlatseqatigiiffimmi nutaami siulersuisussanik kukkunersiuisussaasinnaasumillu qinersinissaq pillugu ataatsimeersuartoqassaaq, ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaanut atortussanngortinneqartoq inatsisilialluunniit allat naapertorlugit kukkunersiuisitsinissamik pisussaanermi pineqanngippat.

§ 136 j. Ingerlatseqatigiiffimmi aningaasaliisuusumi piginneqataassutit tamakkerlugit ingerlatseqatigiiffimmit tiguisuusumit pigineqarpata ingerlatseqatigiiffimmi aningaasaliisuusumi agguataarinissaq siulersuisunit aalajangerneqarsinnaavoq. Ilaatigut § 136 a, imm. 1, oqaaseqatigiinni 1-3-mi, 7-imi, 8-mi aamma 10-12-mi, § 136 b, imm. 1, oqaaseqatigiinni siullerni, aamma imm. 2-mi, § 136 c, imm. 1, oqaaseqatigiit aappaanni, imm. 2-mi 4-milu, § 136 e, imm. 1, oqaaseqatigiit aappaanni pingajuannilu, aamma imm. 2-7-imi, kiisalu §§ 136 g-mi 136 i-mi aalajangersakkat assinganik atuutissapput.

§§ 137-139. (Atorunnaarsinneqarput).

Kapitali 16

Taartisiat il.il.

§ 140. Pilersitsisut, siulersuisut ilaasortaata pisortallu sulinerminni piaaralutik mianersuaalliorlutilluunniit ingerlatseqatigiiffik annaasaqartissimagunikku, annaasaqaatai taarsissallugit pisussaataitaapput. Tamannassaaq atuutissaaq inatsisip matuma imaluunniit malittarisassat unioqqutinnerisigut piginneqataasut, ingerlatseqatigiiffiup akiitsoqarfii imaluunniit inuk alla annaasaqartinneqarpata.

§ 141. Naliliisartut, kukkunersuisut, piginneqataassutitut nalunaarsuiffimmut allattuisuusut misissueqqissaartussalluunniit taarsiisussaataitanerannut taamatutaaq § 140 atuutissaaq.

Imm. 2. Kukkunersuisoqatigiit kukkunersuisutut qinigaasimappata, kukkunersuisoqatigiit kukkunersuisorlu, kukkunersiuinermik suliassinneqarsimasoq, taarsiisuteqarnissamut akisussaataitaassapput.

§ 142. Piginneqataasooq, piaaraluni mianersuaalliorluniluunniit inatsit manna malittarisassalluunniit unioqqutinneratigut ingerlatseqatigiiffik, piginneqataasut allat inulluunniit alla annaasaqartissimagunigit, annaasaannut taarsiisuteqarnissaminut pisussaataitavoq. Eqqartuussisut atornerluinerup ingerlatiinnarneqarnissaa navianaateqartoq, pissutsillu allat tunngavigalugit, isumaqarpata taamatut iliornissamut immikkut ittumik pissutissaaqartoq, unnerluussaaq pisussanngortissinnaavaat piginneqataasup annaasaqarsimasup piginneqataassutai, ingerlatseqatigiiffiup aningaasaqarniarnikkut inissisimaneranut pissutsinullu allanut naapertuuttumik nalilerlugit, akilerlugit pisiarissagai.

§ 143. §§ 140-142-mi aalajangersakkat naapertorlugit taarsiinissaaq annikillisinneqarsinnaavoq, tamanna, pisuussuteqarnerup annertussusaa, annaasat annertussusaaq pissutsillu allat eqqarsaatigalugit naleqquttutut isumaqarfigneqarpat.

Imm. 2. Taarsiisuteqarnissamut pisussaasut arlaliugunik, peqatigiillutik taarsiisussaatinneqassapput. Taamaattoq taarsiisussaaq imm. 1 naapertorlugu taarsiisutissaminik oqilisaaffigneqarsimasooq taarsigassanut ikilisituanuinaaq akisussaalissaaq. Taakku arlaata taartissat akilersimappagit, akisussaaqataasut ataasiakkaat tamaasa pisuussuteqarnerisa annertussusaannut pissutsinullu allanut naapertuuttumik akileeqataassutissaannik piumaffigisinnaavai.

§ 144. Ingerlatseqatigiiffik aalajangersakkat §§ 140-142-miittut naapertorlugit pilersitsisunut, siulersuisut ilaasortaannut, pisortanut, naliliisartunut, kukkunersuisunut, misissueqqissaartunut imaluunniit piginneqataasunut eqqartuussivitsigut suliassanngortitsissasooq ataatsimeersuartunit aalajangerneqassaaq.

Imm. 2. Eqqartuussivitsigut suliassanngortitsisooqarsinnaavoq ataatsimeersuartut akisussaataitaqassanatik imaluunniit eqqartuussivitsigut suliassanngortitsissanatik siornatigut aalajangereersimagaluarpataluunniit, aalajangiinermut tassunga imaluunniit eqqartuussivimmut suliassanngortitassap patsisai pillugit ataatsimeersuartut aalajangiitinnagit pingaarnerusutigut eqqunngitsunik naammangitsumillu paasisutissiisoqarsimappat.

Imm. 3. Piginneqataasut minnerpaamik aningaasaliissutit qulerarterutaannik piginnittuusut akisussaatisinnginnissamik imaluunniit eqqartuussisutigit suliassanngortitsinnginnissamik aalajangiinnermut akerliusimappata, piginneqataasoq kinaluunniit eqqartuussivitsigit suliassiissuteqarsinnaavoq piumasaralugulu akisussaasoq akisussaasulluunniit ingerlatseqatigiiffiup annaasaanut taarsiisussanngortinneqassasut. Piginneqataasoq tamatuma kingorna eqqartuussivimmut suliassanngortitsisoq suliassamut aningaasartuutitut akisussaassaaq, taamaattorli piginnaatitaassalluni aningaasartuutini, eqqartuussinerup kingunerisaanik ingerlatseqatigiiffimmut taarsiisutissanik akiliisoqassappat, taakkunanga matussutissaqartissallugit.

Imm. 4. Ingerlatseqatigiiffik ataatsimeersuortoqarneraniit, akisussaatisinnginnissamik imaluunniit eqqartuussisutigit suliassanngortitsinnginnissamik aalajangiiffiusumik, ukiut marluk qaangiutinngitsut akiliisinnaajunnaarpat, taamaatillunilu ulloq piffissaliusaaq aalajangiinnermiit ukiut marluk iluaniileraluartoq, akiliisinnaajunnaartup pigisai sinnerlugit eqqartuussisutigit taarsiiffiqeqqussummik suliassiisoqarsinnaavoq ataatsimeersuarnermi aalajangiigaq soqutiginaq.

§ 145. § 144, imm. 3 naapertorlugu eqqartuussivimmut suliassanngortitsinerit aalajangersakkami tassani eqqartorneqartutut ataatsimeersuarnermi aalajangiinnermiit, imaluunniit misissueqqissaarneq § 95 naapertorlugu aallartinneqarsimappat taassuma naammassineraniit, qaammatit arfinillit qaangiutsinnagit suliassiissutigineqareersimassapput.

Imm. 2. § 144, imm. 4 naapertorlugu eqqartuussivitsigit suliassanngortitsinerit ingerlatseqatigiiffiup akiliisinnaajunnaartutut nalunaarutigineqarneraniit qaammatit pingasut qaangiutsinnagit suliassiissutigineqareersimassapput.

§ 146. Pilersitsisuniit, siulersuisut ilaasortaanniit pisortaniillu taarsiiffigineqarnissamik eqqartuussivitsigit suliassiissutit Kalaallit Nunaata Eqqartuussivianut suliassiissutigineqarsinnaapput.

Kapitali 17

Aktieselskabit nunani allamiunit pigineqartut immikkortoqarfii

§ 147. Aktieselskabit, kommanditaktieselskabit ingerlatseqatigiiffiillu allat inatsisitigit assingusumik tunngavillit nunani allamiunit pigineqartut immikkoortoqarfeqarlutik nunami maani ingerlatsisinnaapput, tamanna nunat tamalaat akornanni isumaqatigiissutaasimappat, imaluunniit inuutissutissarsiutitut ministeri Namminersornerullutik Oqartussat isumaqatigiinniarfigereerlugit naliliippat kalaallit ingerlatseqatigiiffii nunami pineqartumi taamatulli piginnaatinneqartut, imaluunnut ministeri tamatumunnga akuersissuteqarpat.

§ 148. (Atorunnaarsinneqarpoq).

§ 149. Immikkoortoqarfik siulersorneqassaaq immikkoortoqarfimmi pisortamit ataatsimit arlalinnilluunniit.

Imm. 2. Immikkoortoqarfimmi pisortat nammineersinnaassuseqartuussapput aamma tarnikkut timikkulluunniit amigaateqarneq pissutigalugu aningaasaataat eqqartuussisunit oqartussaaffigineqassanngillat ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaanni atortussanngortinneqartoq naapertorlugu.

Imm. 3. Immikkoortoqarfimmi pisortat immikkoortoqarfik, ataasiakkaarlutik arlaliullutilluunniit peqatigiillutik, sinniisuuffigaat. Immikkoortoqarfik sinnerlugu pisinnaatitaaneq immikkoortoqarfimmi pisortamit allamut pisinnaatitsissutaasinnaavoq.

§ 150. Ingerlatseqatigiiffik suliffeqarfimmik ingerlatsinerminik aallaaveqartuni apeqqutini inatsisitigut inissisimanermut tunngasuni tamani qallunaat inatsisaannut qallunaallu eqqartuussiviini eqqartuussutinut maleruaasussaavoq.

§ 151. Immikkoortoqarfinnik pilersitsineq Erhvervs- og Selskabsstyrelsimut nalunaarutigineqassaaq. Kapitali 19 taamatulli atuutissaaq.

Imm. 2. Immikkoortoqarfik nalunaaruteqareersimatinnani suliffeqarfittut aallartissanngilaq. Nalunaarsuinissaq itigartinneqarpat imaluunniit immikkoortoqarfik pioreersoq kingusinerusukkut nalunaarsuiffimmiit peerneqarpat, suliffeqarfik nunami maaniittoq ingerlateqqinneqassanngilaq.

Imm. 3. Ingerlatseqatigiiffik akiliisinnaajunnaarpat, akiitsoqarfiit annerit akiitsoqarfinnik allanik pinngitsaaliinerisigut akiitsunik millilerisoqarpat assingusumilluunniit aaqquussisoqarpat immikkoortoqarfiup pisortaasa tamatuminnga nalunaarutaat sapaatit akunneri tallimat qaangiutsinnagit Erhvervs- og Selskabsstyrelsimi tiguneqareersimassaaq. Pissutsit tamakku ingerlatseqatigiiffiup taaguutaanut ilanngullugit paasissutissiissutigineqassapput, tak. § 153, imm. 5.

§ 152. Immikkoortoqarfik Erhvervs- og Selskabsstyrelsip nalunaarsuiffianiit peerneqassaaq:

- 1) ingerlatseqatigiiffik nalunaaruteqarpat immikkoortoqarfiup nalunaarsuiffimmiit peerneqarnissaa kissaatigalugu,
- 2) immikkoortoqarfik pisortaqaanngippat, tamannalu Erhvervs- og Selskabsstyrelsip piffissaliussaa eqqorlugu aaqqiivigineqanngippat,
- 3) immikkoortoqarfimmi pisortaq ingerlatseqatigiiffiup ukiumoortumik nalunaarusiaanik kukkunerisiorneqarsimasinnaasumik Erhvervs- og Selskabsstyrelsimut nassiussisimanngippat ukiumoortumik naatsorsuusiortaneq pillugu inatsimmi kunngip peqqussuteqarneratigut Kalaallit Nunaannut atortussanngortinneqartumi §§ 143 aamma 144 naapertorlugit, imaluunniit
- 4) ingerlatseqatigiiffiup nunani allamiunit pigineqartup immikkoortoqarfiata akiitsoqarfiata uppersarparpagu, piumasaqaatini ingerlatseqatigiiffiup pigisai nunami maaniittut tungavigalugit matussutissaqartinneqanngitsut.

Imm. 2. Pissutsit imm. 1, nr. 4-mi taaneqartutut ippata immikkoortoqarfik nutaaq pilersinneqarsinnaanngilaq, akiitsoqarfik akiliiffigineqareertinnagu imaluunniit pilersitsinissamut akuersiteqqaartinnagu.

Kapitali 18

Aktieselskabit taaguutaat

§ 153. Aktieselskabit pisussaaitaapput aammalu kisimiillutik pisinnaatitaallutik taaguutiminni oqaaseq "aktieselskab" imaluunniit taassuminnga naalisaanerit atussallugit.

Imm. 2. Aktieselskabit taaguutaat ersarissumik imminnit aktieselskabillu allat taaguutaanniit immikkoorteqassapput. Taaguummi ilanngunneqassanngillat eqqarleriit aqqi, sulliviup aqqa, nunaatit illuutillu aqqi immikkuullarissut, nioqqutissap ilisarnaataa, sulliviup ilisarnaatai

taakkulu assigisaat, ingerlatseqatigiiffimmut tunngassuteqanngitsut imaluunniit taakkununga paarlaanneqarsinnaasut.

Imm. 3. Aktieselskabip taaguutaa tammarsaarinnissamut piukkunnartuussanngilaq. Taaguut sulissutigisanik, ingerlatseqatigiiffiup siunertaanut attuumassuteqanngitsunut innersuussisumik, imaqassanngilaq. Sullivik aalajagersimasoq atsiunneqsimappat, taaguut allanngortinneqarnani atatiinnarneqassanngilaq, sulliviup pissusia annertuumik allannguuteqarpat.

Imm. 4. Imm. 1-3-mi aalajagersakkat aktieselskabit saniatigut taaguutaannut taamatulli atuutissapput. Saniatigut taaguut atornerqarpat ingerlatseqatigiiffiup taaguutaa ungaluuserlugu ilan-ngunneqassaaq.

Imm. 5. Immikkoortoqarfiup taaguummini ingerlatseqatigiiffiup taaguutaa ilanngutissavaa oqaaseq "immikkoortoqarfik" ilanngullugu, ingerlatseqatigiiffiullu sumiuussusaa erseqqissumik nalunaarlugu.

Imm. 6. Aktieselskabit immikkoortoqarfiillu allakkaminnut aamma niuernermi pappialaamminnut kiisalu internetikkut nittartakkaminni najugaqarfitsik (allaffik pingarneq) aamma nalunaarsuinermi normortik nalunaarsimassavaat. Immikkoortoqarfiittaaq nalunaassavaat ingerlatseqatigiiffiup nunami angerlarsimaffigisamini nalunaarsorsimaffia nalunaarsorneqarnermilu normua. Aningaasaliissutit amerlassusaat pappialani taakkunani taaneqarsimappata aammattaaq taaneqassapput aningaasaliissutissatut nalunaarutigineqarsimasut aningaasaliissutitullu akilerneqareersimasut amerlassusaat.

Kapitali 19

Nalunaaruteqarneq nalunaarsuisarnerlu il.il.

§ 154. Erhvervs- og Selskabsstyrelsi Københavnimi inissisimavoq.

Imm. 2. Styrelsip malittarisassat nalunaaruteqartarnermut nalunaarsuinernullu tunngasut aalajangersartarpei. Styrelsi malittarisassiorsinnaavoq nalunaarsuinissaq pillugu nalunaarutunik tamatumungalu atasumik uppenarsaatit allakkianik qarasaasiatigut attaveqatigiissinnaaneq, ilanngullugu styrelsimit peqqussutigineqartutut assigiiaarnerusumik styrelsimut nassitsisarnissaq, pillugit. Qarasaasiatigoortumik uppenarsaatit allakiat taama ittut inatsisinut tunngasut eqqaassagaanni pappialamut allatanut nallersuunneqassapput. Styrelsi malittarisassiorsinnaavoq pissutsit suut nalunaarutiginnittunit allanilluunniit namminerit styrelsip qarasaasiaqarfianut nalunaarsorneqarsinnaanerit aammalu qarasaasiamik taassuminnga atuineq pillugit. Taamaattorli elektronikikkut allagaatit eqqortuussusiat digitalikkut atsiordermit uppenarsarneqarsimassaaq.

Imm. 3. Nalunaarutit, naatsorsuutit uppenarsaatillu allat, inatsit manna naapertorlugu Erhvervs- og Selskabsstyrelsep tigusassaai pappiaqqamut allataasinnaapput imaluunniit qarasaasiaq atorlugu nalunaarutaasinnaallutik. Uppenarsaatit eqqartuussivimmi atornerqarsinnaapput qanoq iluseqarneri apeqqutaatinnagit. Uppenarsaatit inummit atsiorneqarsimasinnaapput, maskiinat atorlugit atsiorderit nuutinneqarsimasinnaallutik, qarasaasiakkut ilisarnaatit atorlugit suliaasinnaallutik taamaaqqataaniluunniit styrelsip erseqqinnerusumik allajangersimasai naapertilugit. Qarasaasiat atorlugit uppenarsaatit nassiunneqarnissaat pillugit Styrelse erseqqinnerusunik aalajangersaassaaq ilanngullugit nassiussinerit styrelsep ilusissatut piunasaqaa-taasutut aalajangersimasai malillugit. Aammattaaq styrelsi erseqqinnerusunik piunasaqarsinnaavoq qarasaasiat atornerqarnerini peruserineqartut suunissaannik.

Imm. 4. Styrelsi nalunaaruteqarnermut, assilinerinut il.il., tamanut nalunaarutitut styrelsillu qarasaasiaqarfianik atuinerup akiliuteqartinnissaa pillugit malittarisassiorsinnaavoq. Kingusi-naartumik akiliinerni nukingisaarutitut allagaqarnerni il.il.akiliutissanik styrelsi aalajangiisinaavoq. Nalunaarsuinerit taamaattut nalunaarutitik nassiussinissamut taassiunneqarsinnaapput. Nalunaarsuinerit taamaattuni § 156 aamma atuutissaaq.

Imm. 5. Erhvervs- og Selskabsstyrelsi nalunaarutitik tamanut saqqummiunneqartussanik nassiussarneq pillugu erseqqinnerusumik malittarisassiorsinnaavoq, matumanilu nassiussineq elektronikki atorlugu nassiunneqarsinnaanersut nassiunneqassanersulluunniit ilanngullugu eqqarsaatigalugu,

Imm. 6. Styrelsi malittarisassalorsinnaavoq nalunaarutitut, assilinerinut il. il. akiliutissanut, nalunaarutitut aamma styrelsip qarasaasiaanik atuinermut. Styrelsi akiliutissanut nukingisaarutitut il.il. kingusi-naartumik akilerneqartunut akiliutissanik aalajangersaasinnaavoq.

Imm. 7. Erhvervs- og Selskabsstyrelsi malittarisassanik aalajangersaassaaq, ingerlatseqatigiiffinnut Fællesskabip pisortatigoortumik oqaatsit suulluunniit allat atorlugit, danskit oqaasii eqqaassanngikkaanni, ingerlatseqatigiiffik pillugu paasissutissanik tunniussinissamut tamanullu saqqummiussinissamut periarfissaqartitsisunik. Allagaatit paasissutissallu, danskit oqaasii atorlugit ileqquusumik nalunaarutiginninnermut tamanullu saqqummiussinermut atorneqarsimasut, naapertuuttoqanngippat, aamma nutsernera nammineq piunassutsimik tamanut saqqummiunneqarsimasoq aamma eqqarsaatigalugu, ingerlatseqatigiiffiup nutsernera inummut pingajuusumut atortuutissinnaanngilaa. Akerlianik inuk pingajuusoq oqaatsit naqitanngortitat nammineq piunassutsimik tamanut saqqummiunneqartut ingerlatseqatigiiffimmu atortuutissinnaavai, pineqartup taassuma ilaa nalunaarutiginninnissamut pisussaaffiginniffiusoq, nalunaarsuiffimmi tamanut saqqummiunneqarsimasoq, ilisimagaa uppersarnarneqarsinnaanngippat.

Imm. 8. Erhvervs- og Selskabsstyrelsi malittarisassiorsinnaavoq piginneqataassutillit taarsigassarsiaat il.il. kiisalu sullissinerit akitigut immikkut ittumik aqqissuussivigisaanngitsut pillugit ingerlatseqatigiiffiit inatsisitigut maleruagassaannik allaffitsigoortumik isumaginninnermut ukiumoortumik akiliutissanik akiliisarnissaq pillugu.

§ 154 a. Piffissarititat, inatsimmi matumani imaluunniit inatsit manna naapertorlugu aalajangerneqartut, ingerlanerat aallatittassaaq ullup, piffissaliisitsisumik pisimasoqarfiusup aqaguanniit. Tamanna atuutissaaq ullunik, sapaatit akunnerinik, qaammatinik ukiunillu piffissaliinerit naatsorsornerini.

Imm. 2. Piffissaliussaq sapaatit akunnerinut tagginneqarpat naassaaq, tak. imm. 1, sapaatit akunnerata ulluani, pisup piffissaliisitsisusup ulluani.

Imm. 3. Piffissaliussaq qaammatinut tagginneqarpat naassaaq, tak. imm. 1, qaammatip ulluani pisup piffissaliisitsisusup ulluani. Ulloq taanna piffissaliisitsisumik pisoqarfiusoq qaammatip ulluisa kingullersarippagu imaluunniit qaammammi ikinnerusunik ullulinni piffissaliussaq naassappat, qaammatip qassinik ulloqarnera apeqqutaatinnagu ulluani kingullerpaami tamatigut naasusaatitaasassaaq.

Imm. 4. Piffissaliussaq ukiunut tagginneqarpat naassaaq, tak. imm. 1, ukiup ulluani pisup piffissaliisitsisup piffigisimasaani.

Imm. 5. Piffissaliussaq naassappat sapaatit akunnerata naanerani, nalliuttuni, inatsisitaarfimmi, juulliaqqami ukiutoqqamiluunniit ulluinnarmut tulluuttumut siullermut sivitsorneqassaaq.

§ 155. (Atorunnaarsinneqarpoq).

§ 156. Ingerlatseqatigiiffiup malittarisassaani imaluunniit pissutsini allani nalunaarutiginnis-sutaasimasuni allannguuteqarsimappat, inatsimmi matumani allatut aalajangersagaqanngippat sapaatit akunneri arfineq-marluk qaangiutsinnagit tamanna pillugu nalunaarut Erhvervs- og Selskabsstyrelsimi tiguneqareersimassaaq.

Imm. 2. Ingerlatseqatigiiffiup malittarisassaani angerlarsimaffianut tunngasumik allannguute-qarpat, imaluunniit ingerlatseqatigiiffiup siulersuisuini pisortaqarfianiluunniit allannguuteqar-pat nutaamilluunniit kukkunerisiuisussamik qinersisoqarpat tamatuminnga nalunaarut sapaatit akunneri tallimat qaangiutsinnagit Erhvervs- og Selskabsstyrelsimi tiguneqareersimassaaq. Tamatuma assigisaanik kukkunerisiuisuusinnaasoq, ukiumoortumik nalunaarusiap kukkuner-siorneqarnissaanut kukkunerisiuisuusinnaasoq pillugu allannguutinik nalunaarutiginninnek, tak. § 82, imm. 1, tamanna pillugu aalajangiinerup kingornatigut kingusinnerpaamik sapaatit akunneri marluk qaangiunneranni Erhvervs- og Selskabsstyrelsimi tiguneqareersimassaaq.

§ 156 a. Inatsit ingerlatseqatigiiffiullu malittarisassai malinneqarsimanersut isummerfiginiar-lugu Erhvervs- og Selskabsstyrelsip paasissutisst pisariaqartitani piumasarisinnaavai.

§ 157. Nalunaarutip imaluunniit iluarsartuussinerup nalunaarutigineqartup inatsimmi piuma-saqaatit imaluunniit aalajangersakkat maleruannngippagit imaluunniit aktieselskabip malittari-sassaanut naleqqutinngippata, imaluunniit aalajangiineq iluarsartuussinerup nalunaarutigine-qartup tungaavigisaa inatsisip imaluunniit malittarisassat piumasaqaataasut naapertorlugit pilersinneqarsimannngippata, nalunaarsuinissaq itigartitsissutigineqassaaq.

Imm. 2. Erhvervs- og Selskabsstyrelsi isumaqarpat, kukkuneq imaluunniit amigaat ataatsi-meersuarnermi aalajangiinikkut imaluunniit siulersuisut aalajangereratigut iluarsineqarsin-naasoq, pissutsit iluarsineqarnissaat siunertaralugu piffissaliissaaq. Piffissaq qaangiutsinnagu iluarsisoqanngippat nalunaarsuinissaq itigartitsissutigineqassaaq.

Imm. 3. Nalunaartoq itigartitsinermik tamatumunngalu tunngaviusut pillugit allakkatigut na-lunaarfigineqassaaq.

§ 157 a. Erhvervs- og Selskabsstyrelsi, § 154, imm. 3-5-mi aalajangersakkat naapertorlugit nalunaarutiginnittoqartillugu nalunaarsuisoqartillugulu Erhvervs- og Selskabsstyrelsip ullormi nalunaarsuiffimmit ukiut 5-t qaangiunnissaasa tunngaanut, inatsisit malillugit nalunaarutigin-nittoqarnerata nalunaarsuisoqarneratalu uppernarsaataannik nassiussisoqarnissaanik piumasa-qaateqarsinnaavoq, tak. § 157, imm. 1. Tamatumunnga atatillugu Erhvervs- og Selskabsstyrel-si immikkut pisoqartillugu piumasaqaatigisinnaavaa, nalunaarutiginninnermut nalunaarsui-nermullu atatillugu aningaasaqarnikkut aalajangikkat inatsisit malillugit pisimanagerat pillugu nalunaarummik kukkunerisiuisumit tunniunneqartumik nassiussisoqarnissaa. Piumasaqaatit oqaaseqatigiit siulliit aappaalu naapertorlugit uppernarsarneqanngippata, pineqartup iluarsii-vigineqarnissaanut styrelsi piffissaliussamik aalajangersaassaaq. Kingusinnerpaamik piffissa-liussap qaangiunnerani iluarsisoqanngippat styrelsip § 117-imi malittarisassat naapertorlugit ingerlatseqatigiiffik pisariaqassappat atorunnaarsissinnaavaa.

§ 157 b. Naalagaaffiup aktieselskabiutai ingerlatseqatigiiffimmut tunngasutigut pissutsit pin-gaaruteqarnerusut aammalu ingerlatseqatigiiffiup siunissaanut, sulisuinut, piginnittaanut akiit-soqarfiinullu sunniuteqarsinnaasorisat pillugit Erhvervs- og Selskabsstyrelsimut nalunaarute-qapallattassapput.

§ 157 c. Erhvervs- og Selskabsstyrelsi naalagaaffiup aktieselskabiutaaniit nalunaarutiniq nasitsisarnissaq taakkualu tamanut saqqummiunneqartarnissaat pillugit erseqqinnerusunik aalajangersaassaaq.

Imm. 2. Inuusutissarsiutinut ministeri naalagaaffiup aktieselskabiinut atuuttussatut maleruaqqusanik immikkut ittunik atuisitsinngitsoorutissanik aalajangersaasinnaavoq, tamanna pisariaqassappat maleruaqqusat taama ittut aammalu ingerlatseqatigiiffinnut aktiaatiminnik obligationiutiminnilluunniit aningaasanik nioqquteqarfimmi tuniniagassatut nalunaarutiginnissimasunut maleruaqqusatut aalajangersarneqartut naligiissitaanissaat qulakkeerniarlugu.

§ 157 d. Naalagaaffiup aktieselskabiutai pingaarnertut allaffimminni malittarisassamik naqinnerinik ataatsimik kikkunnilluunniit pissarserusuttunut tunniussaqaartassapput.

§ 158. Nalunaarsuinerit, § 6 c naapertorlugu naliliinermik nalunaarusianik, kattutitsinissamik d, imm. 3, pilersaarutiniq, agguataarnissamik pilersaarutiniq aammalu naliliisartut § 134 c, imm. 4 aamma § 136 c, imm. 4 naapertorlugit nalunaarutaannik tigusaqarnerit, ataatsimmeer-suartunit akuersissuteqarnissamut aalajangiineq, tak. § 81 c, imm. 6, aamma tigusinissamut atatillugu piginneqataasut pisinnaatitaanerisa arlaasa il.il. atorunnaarsinneqarnissaat pillugu aalajangiineq, tak. § 81 d, imm.3, Erhvervs- og Selskabsstyrelsip edb-kkut ilisimatitsissuteqartarnermut aaqqissuussaani nalunaarutigineqapallassaaq. Nalunaarsuinerit kiisalu nalunaarutit ilanngussartallit, kattutitsinissamik pilersaarutit, agguataarnissamik pilersaarutit, naliliinermik nalunaarusiat kiisalu naliliisartut § 134 c, imm. 4 aamma § 136 c, imm. 4 naapertorlugit nalunaarutaattut tiguneqartut tamanit takuneqarsinnaapput. Paasissutissat il.il. § 118 a naapertorlugu Erhvervs- og Selskabsstyrelsimut nalunaarutigineqartut pisortat ingerlatsinerat pillugu paasitinneqarsinnaatitaaneq pillugu inatsimmut ilanngunneqanngillat.

Imm. 2. Statstidendimi imaluunniit Erhvervs- og selskabsstyrelsip edb-kkut ilisimatitsissuteqartarnermut aaqqissuussaani nalunaarutigineqartut inuup allap ilisimaligaatut isigineqassapput, taamaattoq tak. § 61, imm. 2. Taamaattorli oqaaseqatigiinni siullerni aalajangersagaq atuutissanngilaq iliuitsinut nalunaaruteqarnermiit ullut 16-nissaat tikitsinnagu suliarineqarsimasunut, inuup allap uppersarpagu pissutsit nalunaarutigineqartut pillugit ilisimasaqalernissamut periarfissaqarsimanani.

Imm. 3. Statstidendimi imaluunniit Erhvervs- og selskabsstyrelsip edb-kkut ilisimatitsissuteqartarnermut aaqqissuussaani nalunaaruteqartoqarsimatinnagu pissutsit nalunaarutigineqartussat tamanullu tusarliunneqartussat inummut allamut atuutissinneqarsinnaanngillat, inuup taassuma pissutsit ilisimasimagai uppersarneqartinnagu. Pissutsit taama ittut suli nalunaarutigineqarsimanninnerat inuup allap akornutigissanngilaa pissutsinik atuutitsiniarnermini.

Imm. 4. Statstidendimi imaluunniit Erhvervs- og selskabsstyrelsip edb-kkut ilisimatitsissuteqartarnermut aaqqissuussaani nalunaarutip imarisaa aammalu aktieselskabit nalunaarsuiffiisa imarisai imminnut naleqqutinngippata, oqaasertat nalunaarutigineqarsimasut ingerlatseqatigiiffiup inummut allamut atuutissinnaanngilai. Akerlianilli inuup taassuma oqaasertat nalunaarutigineqarsimasut ingerlatseqatigiiffimmut atuuttuutissinnaavai, inuup taassuma nalunaarsuiffiup imarisai ilisimasimagai uppersarneqanngippat.

§ 158 a. Erhvervs- og Selskabsstyrelsi aalajangiisinnavaoq nalunaarsukkat il. il. tamarmik ilaannaalluunniit immikkut naqitanngorlugit nalunaarsorsimanagerat tamanut saqqummiunneqassasut. Styrelsi aammattaq aalajangiisinnavaoq nalunaarsuineq avammullu saqqummiineq styrelsip qarasaasiaq atorlugu paasissutissiisarfiatigut pissasoq, naqitanngorlugu avammut saqqummiinermut peqatigitillugu tassungalunniit taarsiullugu. Qarasaasiaq atorlugu paasis-

sutissiisarfikkut naqitanngorlugulu avammut saqqummiinikkut paasissutissiinerit inuup allap ilisimaligaatut isigineqassapput aammalu Atuagagdliutitigut Statstidendikkullu avammut saqqummiussinerit inatsisitigut inissisimatitsineranut assingulluinnartumik atuutsinneqarsinnaalutik.

§ 158 b. Pilersitsisut aqutsisullu atorfi, aqqi najugaqarfiilu pillugit paasissutissat qanoq ilisukkulluunniit Erhvervs- og Selskabsstyrelsen edb-kkut ilisimatitsissuteqartarnermut aqqissuussaani ersersinneqarsimasussaapput, Erhvervs- og Selskabsstyrelsen allatut aalajangiisimangippat. Tamanna ingerlatseqatigiiffinnut atuuttunut atorunnaarsimasunullu atuuppoq.

Imm. 2. Imm. 1 naapertorlugu inuit pillugit paasissutissanik ullumikkumut naleqqussaaneq, inuk pineqartoq ingerlatseqatigiiffinni, Erhvervs- og Selskabsstyrelsen edb-kkut ilisimatitsissuteqartarnermut aqqissuussaani nalunaarsorsimasuusuni, suliniuteqarnerata taamaatinneranit ukiut 20-it qaangiunneranni, unitsinneqassaaq.

§ 159. Aktieselskabinik atorunnaarsitsinerit atavillugu pisinnaatitaanernik eqqartuussivimmi kingornussassalerisartunut isumagisassanngortinneqarsimasunut, taakku ingerlatseqatigiiffiup angerlarsimaffiani kingornussassalerisartunit isumagineqassapput, akiliisinnaajunnaarneq pillugu inatsimmi § 4-mi SØ- og Handelsretimit pineqartutut piffimmi pisumi.

Imm. 2. (Atorunnaarsinneqarpoq).

§ 159 a. Inuussutissarsiutinut ministerip inatsit naapertorlugu piginnaartitaaffini Erhvervs- og Selskabsstyrelsimut tunniuppagit, ministeri maalaaruteqarsinnaaneq pillugu aalajangersaasinnaavoq, tamatumunnga ilanngullugu maalaarutit allaffissornikkut oqartussanut qulliunerusunut suliassanngortinneqarsinnaannginnerat.

§ 159 b. Erhvervs- og Selskabsstyrelsen inatsit imaluunniit inatsit naapertorlugu imaluunniit peqqussutit inatsit malillugit suliaasut naapertorlugit aalajangiinera Inuussutissarsiutinut Ministeriqarfiup Inuussutissarsiutit pillugit Maalaaruteqartarfianut suliassanngortinneqarsinnaapput, aalajangerneq pineqartumut tusarliunneraniit sapaatit akunneri arfineq-marluk qaangiutsinnagit.

Imm. 2. Taamaattorli Erhvervs- og Selskabsstyrelsen § 11, imm. 3, 1.pkt., § 36, imm. 2, 2.pkt., § 39, imm. 2, aamma § 44, imm. 3, aamma § 46, imm. 5, § 157, imm. 2 naapertorlugu piffisaliussamik aalajangersaaneq pillugu, aamma § 157 a-mi, kiisalu § 117, imm. 1, §§ 118, 118 a aamma 126, § 152, imm. 1, oqaaseqatigiit aappaat pingajuallu, aamma § 158, imm. 1 oqaaseqatigiit pingajuat naapertorlugit aalajangiinerit oqartussaasumut qulliunerusunut naammagittaalliutigineqarsinnaanngillat.

Imm. 3. Isumaqartoqarpat, pissutsilli § 81-imi pineqartut pinnagit, nalunaarsuisimaneq pineqartumut ajoqutaasoq, nalunaarsuinerit atorunnaarsitsisinnaanermik apeqqut eqqartuussivitsigut aalajangigassanngortinneqassaaq. Tamanna pillugu ingerlatseqatigiiffimmik eqqartuussivitsigut suliassanngortitsineq nalunaarsuinerup Atuagagdliutini aamma Erhvervs- og Selskabsstyrelsen edb-kkut ilisimatitsissuteqartarnermut aqqissuussaani nalunaarutigineqareerneraniit qaammatit arfinillit qaangiutsinnagit suliassiissutigineqassapput. Eqqartuussiviup eqqartuussutit assilinerneq Erhvervs- og Selskabsstyrelsimut nassitissavaa. Aktieselskabit nalunaarsorsimaffiannut suliaq naammassinermini inernerata oqaasertalerlugu akeqanngitsumik

allanneqassaaq aammalu Atuagagdliutitigut Statstidendikkullu avammut nalunaarutigineqassalluni.

§ 159 c. (Atorunnaarsinneqarpoq).

Kapitali 20

Pineqaatissiissutit il.il.

§ 160. Pinerluttulerinermik inatsit naapertorlugu sukanganerumik pineqaatissiisoqassanngippat inatsisip nalunaarutiniq, naliliinermi nalunaarusianik § 6 c naapertorlugu aammalu nalunaarutiniq Erhvervs- og Selskabsstyrelsimut nassitsinissaaq pillugu peqqussutigisaanik unioqquitsineq akiliisitsissutaassaaq. Taamatuttaaq pineqaatissinneqassapput siulersuisuni ilaasortat, pisortat, sinniisuutit, naliliisartut, kukkunersuiusut misissueqqissaartussallu taakkualu sinniisaat, atorfirminnut atatillugu paasisaminnik pisussaanutik oqaatiginnittut.

Imm. 2. Aktieselskabip siulersuisuisa, qullersaqarfiata imaluunniit atorunnaarsitsinermi ikiortip imaluunniit nunani allamiut aktieselskabiutaata immikkoortoqarfiata pisortaata piffissaagallartillugu Erhvervs- og Selskabsstyrelsimut inatsit naapertorlugu inatsilluunniit naapertorlugu aalajangersakkat tungavigalugit pisussaaffeqarfitik maleruanngitsoorpatigit, styrelsip aamma, pineqartut taakkua § 178 naapertorlugu pisussaaffitik maleruanngitsoorsimappatigit, inuussutissarsiutinut ministerip pinngitsaaliissutit atorlugu pineqartut ullumut sapaatilluunniit akunnikkaartumik akiligassittarsinnaavaat.

§ 161. § 6 c, imm. 1-2 aamma imm. 5-imik, § 12, imm. 4-mik, § 13, imm. 1-imik, § 23 a-mik, § 25-mik, § 25 a, imm. 1-imik, §§ 28 a aamm 28 b-mik, § 48, imm. 1-2-mik, §§ 48 c-48 f-mik, § 48 h, imm. 1-imik, §§ 53-55-imik, § 56, imm. 2-mik, § 69 a-mik, § 75, imm. 2-3-mik, § 181 c, imm. 6-mik, § 81 d, imm. 3-mik, §§ 109-mik, § 111-mik, § 115, imm. 1-2-mik, § 115 a, imm. 2, oqaaseqatigiit aappaannik, § 116, imm. 4-mik, § 117, imm. 3-mik, § 118 a, imm. 6, oqaaseqatigiinnik siullernik, § 128, imm. 1-imik, § 151, imm. 2-mik, § 153-imik aamma § 173, imm. 3-mik unioqquitsineq akiliisitaanermik pineqaatissiissutigineqassaaq.

Imm. 2. Ingerlatseqatigiiffiup § 115, imm. 1 aamma 2-mut akerliusumik iliuutsini allanngortinnagit atuutsiinnarpagit akiliisitaanermik pineqaatissinneqassaaq.

Imm. 3. § 25, imm. 1, § 28 c, § 41 a, § 154, imm. 2, oqaaseqatigiit aappaat imaluunniit § 178 naapertorlugit maleruqqusatut aalajangersakkani aalajangerneqarsinnaavoq maleruqqusat unioqquatinneqarnerat akiliisitaanermik pineqaatissiissutaasinnaasoq.

Imm. 4. Aktieselskabi, andelselskabi imaluunniit assigisaat pilersitsisuuppata kukkunersuiisuuppataluunniit, ingerlatseqatigiiffik pineqartoq inatsimmi aalajagersakkanik unioqquitsisimaneq tunngavigalugu akiliisussanngortinneqassaaq.

Kapitali 21

Atortuulersitsinermut aalajangersakkat il.il.

§ 162. Peqqussut atuutilissaaq ulloq 1. august 2008, taamaattorli takuuk imm. 4.

Imm. 2. Tamatuma peqatigisaanik atorunnaassaaq aktieselskabit pillugit inatsisip Kalaallit Nunaanni atortuulersinneqarneranik peqqussut nr. 1214, 7. december 2004-meersoq.

Imm. 3. (Atorunnaarsinneqarpoq).

Imm. 4. Ingerlatseqatigiiffiit, peqqussummi nr. 1214-imi 7. december 2004-meersumi § 2a, imm. 2-mi pineqartut, kisianni peqqussutip matuma § 2 a, imm. aappaat naapertorlugu nalunaarut Kalaallit Nunaannaata Naalakkersuisuinit tunniunneqartoq naapertorlugu naalagaaffiup aktieselskabiutaannut malittarisassanik eqqortisisussaataajunnaarsimasut, inatsimmi matumani aamma ukiumoortumik naatsorsuusiortarneq pillugu inatsimmi kunngip peqqussuteqarneratigut Kalaallit Nunaannut atortussanngortinneqarsimasumi malittarisassat ukiunut naatsorsuussiuunneqartunut, 1. januar 2008 sioqqullugu aallarnerneqartunut, maleruaanngitsoorsinnaapput.

§ 163. (Atorunnaarsinneqarpoq).

§ 164. (Atorunnaarsinneqarpoq).

§ 165. (Atorunnaarsinneqarpoq).

§ 166. § 18, oqaaseqatigiit aappaanni qanorluunniit aalajangersaasoqarsimagaluarpat malittarisassani aalajangersakkat 1.oktober 1974-imi atortuulersut atuussinnaassuseqarnertik attatiinnassavaat. Taamaattorli pisinermi akiusup naatsorsornerani tunngavigisassat pillugit malittarisassanik sumiginnaaneq pillugu § 19, imm. 2, 2.pkt.-imi, tak. imm. 4, aalajangersakkat atuutisapput, 1.oktober 1974-ip kingorna piseqqaartussaataaneq atuutsinniarneqartillugu.

§ 167. (Atorunnaarsinneqarpoq).

§ 168. Siulersuisut ilaasortaasa qinigaaffiisa sivisussusissaat § 4, nr. 6, tak. § 49, imm. 7, naapertorlugu aalajangerneqarsimasoq, siullerpaamik atuutinneqassaaq 1.oktober 1974-ip kingornagut siulersuisut ilaasortassaannik qinersinernut tassunga atatillugu qinerseqqinnernut.

Imm. 2. § 51, imm. 2-mi qanorluunniit aalajangersaasoqarsimagaluarpat pisortat 1.oktober 1974 sioqqullugu siulersuisunut ilaasortaasut ilaasortaanertik atatiinnarsinnaavaat. Taamatuttaaq siulersuisut siulittaasuannut tamanna atuutissaaq qanorluunniit § 56, imm. 1-imi aalajangersaasoqarsimagaluarpat.

Imm. 3. § 52, imm. 1-imi qanorluunniit aalajangersaasoqarsimagaluarpat inatsimmi nr. 503, 29. november 1972-imeersumi § 3 naapertorlugu 1.oktober 1974 killigalugu inuit kisermaasillutik sulliviutaat, ingerlatseqatigiiffiit il. il. pisortatut atorfinitsinneqarsimasut atorfitik attatiinnarsinnaavaat.

Imm. 4. Ukiumoortumik naatsorsuutit pillugit inatsimmi kunngip peqqussuteqarneratigut Kalaallit Nunaannut atortussanngortinneqartumi § 61 b, imm. 1-imi aamma § 61 c, imm. 1-imi qanorluunniit aalajangersagaqaraluarpat 1.oktober 1974 killigalugu inatsisinut naapertuuttumik kukkunersiuisutut qinerneqarsimasut atorfitik attatiinnarsinnaavaat.

Imm. 5. § 49, imm. 6-imi qanorluunniit aalajangersaasoqarsimagaluarpat malittarisassani aalajangersakkat 1.oktober 1974 nallertinnagu nalunaarsorneqarsimasut atuussinnaassusitik attatiinnassavaat.

§ 169. § 67, imm. 1-imi aalajangersagaq, piginneqataassutinik ataasiakkaanik taasisinnaatitsisoq, piginneqataassutinut 1.oktober 1974 sioqqullugu pisiariumallugit nalunaarutigineqarsimasunut piffissamilu tamatumani taasissutaasinnaanngitsunut, atuutissanngilaq.

Imm. 2. § 67, imm. 1-imi qanorluunniit aalajangersaasoqarsimagaluarpat, piginneqataassutit 1. oktober 1974 sioqqullugu pisiariumallugit nalunaarutigineqarsimasut aammalu piginneqataassutit piginneqataassummut allamut imaluunniit aningaasaliissutinut angeqqataannut naleqqiullugit quleriaammik taasisinnaatitaanermikkut naleqarnerusut, taasinermi naleqarnertik attatiinnassavaat.

§ 170. (Atorunnaarsinneqarpoq).

§ 171. (Atorunnaarsinneqarpoq).

§ 172. (Atorunnaarsinneqarpoq).

Kapitali 22

Immikkut aalajangersakkat

§ 173. Inatsit atuutissaaq aktieselskabimut, aningaasaatini tamaasa tunuliaqutaralugit ingerlatseqatigiiffimmi akisussaassuseqartumi peqataanissaq kisiat siunertaralugu pilersitaagaluarpaluunniit.

Imm. 2. Imm. 3-6-imi aamma 8-mi allatut aalajagersagaqanngippat, inatsimmi matumani aalajangersakkat inatsilluunniit naapertorlugu aalajangersakkat, tamatumunnga ilaliullugit Erhvervs- og Selskabsstyrelsimut nalunaaruteqarneq aamma piginneqataassutinik pisiuumalluni nalunaaruteqarsinnaatitaaneq kiisalu inatsimmi kukkunersiuisarnermut tunngasut, pisariaqarfiisigut oqilisaaffigalugit, taamatulli kommandit-aktieselskabinut atuutissapput.

Imm. 3. Kommanditaktieselskabit pisussaataapput aammalu kisimik piginnaatitaallutik taaguummini oqaatsimik “kommanditaktieselskab”, “partnerselskab” imaluunniit naalisarlugu “P/S” atuinissamut.

Imm. 4. Kommandit-aktieselskabip malittarisassai piginneqataasut tamakkiisumillu akisussaassuseqarlutik peqataasut akornanni inatsisitigut inissisimaneq pillugu aalajangersakkanik erseqqinnerusunik imaqassapput.

Imm. 5. Pilersitsinermi allagartaq, piginneqataassutinik pisiuumalluni nalunaarutinut nalunaarsuiffik, Erhvervs- og Selskabsstyrelsimullu pilersitsinerмик nalunaarut, aktieselskabinut taagoqusaasut saniatigut, makkuninnga paasissutissartaqassapput:

- 1) peqataasut tamakkiisumik akisussaassusillit aqqi tamarmiusut, atorfi najugaallu,
- 2) peqataasut tamakkiisumik akisussaassusillit aningaasaliissuteqarnissamut pisussaataanerisut, taamaappallu aningaasaliissutissat ataasiakkaat annertussusaat. Aningaasaliissutissat tamakkiisumik akilerneqarsimanngippata, akiliinissamut maleruagassaataitasut nalunaarutigineqassapput. Aningaasaliissuteqartoqassappat aningaasaanngitsunik allanilli nalilinnik, taakkua nalilersorneqarneranni tunngaviusut nassuiaatigineqassapput.
- 3) malittarisassani aalajangersakkat tamakkiisumik akisussaassusillit ingerlatseqatigiiffimmi suliassanut, sinneqartoortisiassanut annaasaqaatinullu sunniuteqarnissaannut tunngasut.

Imm. 6. Kommandit-aktieselskabit Erhvervs- og Selskabsstyrelsimut nalunaarutaat siulersuisut ilaasortaannit peqataasunillu tamakkiisumik akisussaassusilinnit tamanit atsiorneqassaaq.

Imm. 7. Kommandit-aktieselskab tassaavoq kommanditselskabi inuussutissarsiummik ingerlataqartoq aktieselskabimillu aningaasaliissutit tamarmiusut tunuliaqutaralugit peqataaffigineqartoq, imaluunniit ingerlatseqatigiiffit aalajangersimasumik peqataasunit aningaasaliiffigineqarsimasooq piginneqataassutinut agguakkanik.

Imm. 8. Kommanditselskabit, 1.april 1997 kingoqqullugu pilersitaasut, pillugit tamakkiisumik akisussaassusilittut peqataasut ingerlatsinerup tungaatigut aningaasaqarnikkut piginnaati-taaffeqassapput.

§ 174. Ingerlatseqatigiiffiit killilimmik akisussaassusillit aktieselskabit nalunaarsorneqarfianni ilanngunneqarsimasut, § 1, imm. 4-mi aalajangersakkat naapertorlugit inatsimmi matumani pineqartunut ilaangitsut, nalunaarsuiffimmit peerneqarsinnaapput inussutissarsiutinut ministerip erseqinnerusumik aalajangersagaqarneratigut.

§ 175. Pappiaqqat aningaasanik nalillit atorunnaarsitaasernerannik inatsimmi nr. 145, 13.april 1938-meersumi § 16, imm. 3-mi oqaatsit “aamma aktiat” peerneqassapput.

§ 176. Naalagaaffimmi maani najugaqarnissamik piumasaqaatit § 3, imm. 2-mi, § 6 b, imm. 2-mi, § 52, imm. 2-mi aamma 3-mi, tak. § 59, imm. 4, § 121, imm. 1, oqaaseqatigiit aappaat, aamma § 149, imm. 1, aalajangersarneqarsimasut atorneqassanngillat, nunanut tamalaanut isumaqatigiissut naapertorlugu imaluunniit inuussutissarsiutinut ministerip Namminersornerullutik Oqartussat isumaqatiginiareerlugit aalajangersagai naapertorlugit allatut aalajangersaasoqarsimappat.

Imm. 2. Tamanna aamma atuutissaq nunami maani najugaqarnissamik piumasaqaatinut § 3, imm. 2-mi aalajangersarneqarsimasunut, interessentskabinut, kommanditselskabinut, anpartsselskabinut, aktieselskabinut, ingerlatseqatigiiffinnut allanut killilimmik akisussaassuseqartunut, peqatigiiffinnut, iluaqutissiuiffinnut aammalu suliffeqarfinnut imminut ingerlattunut allanut tunngasuussappata.

§ 177. § 49, imm. 2, oqaaseqatigiit pingajui aamma imm. 3 naapertorlugit sulisut qinigaannik siulersuisunut ilaasortanngortitsinissamik aalajangernissamut piumasaqaataavoq ingerlatseqatigiiffimmi taassumalu ingerlatseqatigiiffiutaani sulisut ikinnerpaamik affaat tamatumunnga akuersillutik taasissasut. Aalajangiineq allaganngorlugu siulersuisunut nalunaarutigineqassaaq.

Imm. 2. Siulersuisut ilaasortassaat siniisussaallu sulisuni qinerneqartussat allakkatigut isertortumik qinerneqassapput.

Imm. 3. § 49, imm. 2, oqaaseqatigiit pingajui naapertorlugit siulersuisut ilaasortassaat sinniisussaallu sulisunit toqqaannartumik qinersinikkut qinigaassapput. Sulisut tamarmik immikkut ilaasortassasut qinigassat affaattut amerlatigisunik qinersinnaapput. Oqaaseqatigiit aappaat naapertorlugti taasisinnaatitaanerit amerlassusaat kisitsimmut ilivitsumut inuuppat, kisitsimmut ilivitsumut tullermut amerlineqassapput. Sulisut immikkut tamarmik qinigassanngortittoq ataaseq ataasiaannarlutik taasinnaavaat. Aalajangersakkat taakku taamatulli sinniisussanik qinersinermi atuutissapput.

Imm. 4. Siulersuisut ilaasortassaa sinniisussaallu imm. 1, tak. § 49, imm. 3, malillugu sulisunit qinerneqartussat, toqqaannartuunngitsumik qinerneqassapput. Qinersinnaatitaaneq qinersisitsisoqatigiinnit ingerlatseqatigiiffissuup ingerlatseqatigiiffiutaasa ataasiakkaat sinniisuutitaannit ilaasortaaffigineqartumit akisussaaffigineqassaaq.

Imm. 5. § 49, imm. 5 naapertorlugu qinersinermi taamatulli imm. 1-4-mi aalajangersakkat atuutissapput.

§ 178. Inuussutissarsiutinut ministerip makku pillugit malittarisassat aalajangersassavai:

1) kina sulisutut isigineqassanersoq,

- 2) § 49, imm. 2, oqaaseqatigiit pingajui aamma imm. 3 naapertorlugit sulisut agguaqatigiissil-lugu amerlassusaasa naatsorneqarnerat,
 - 3) § 73, imm. 2, oqaaseqatigiit sisamaasa tallimaasalu § 177-illu qanoq piviusunngortinneqar-nissaat,
 - 4) § 49, imm. 2, oqaaseqatigiit pingajui aamma imm. 3 naapertorlugit qinersinissaagaluup pinngitsoortissinnaanera, siulersuisunut ilaasortassatut sinniisussatullu qinigassat qini-gaasussaataasut amerlaqatigiinnarpagit,
 - 5) ingerlatseqatigiiffinni, § 49, imm. 2, oqaaseqatigiit pingajui naapertorlugit siulersuisut ilaasortassaannik qinersiffiusimasuni, ingerlatseqatigiiffimmi pissutsinik sulisunut ilisima-titsisarnissap ilusilerneqarnissaa,
 - 6) ingerlatseqatigiiffissuarni, § 49, imm. 3 naapertorlugu siulersuisut ilaasortassaannik qiner-siffiusuni, ingerlatseqatigiiffissuarmi pissutsinik sulisunut ilisimatitsisarnissap ilusilern-eqarnissaa, aamma
 - 7) sulisut siulersuisut ilaasortaattut qinigaasimasut atorfeqarnerminni inatsisitigut illersorn-eqarsinnaanerat. Illersugaaneq pillugu aammalu aalajangersakkat unioqqutinneqarsimaner-annik imaluunniit qanoq paasineqarnissaannik akerleriissutit suliatigut akerleriissutinik aalajangersaasartut aqputigalugit aalajangiiffigineqassapput.
- Imm. 2. § 26, imm. 2, oqaaseqatigiit aappaanni pingajuinilu pineqartut piviusunngortinneqar-nissaat siunertaralugu inuussutissarsiutinut ministeri aammattaaq aalajangersaassaaq.*

§ 179. Allagaatip atsiorneqarsimasussaananerata inatsimmi matumani najoqqutassiarineqarner-ani imaluunniit naatsorsuutigineqarnerani, piumasaqaat tamanna digitalimik atsiorneq imaluunniit elektronikikkut atsiorneq alla assigisaa ikiorsiullugu eqqortinneqarsinnaavoq.

Imm. 2. Erhvervs- og Selskabsstyrelsi imm. 1 naapertorlugu elektroniki atorlugu atsiuisin-naaneq pillugu erseqqinnerusumik malittarisassiorsinnaavoq.

¹¹ Inatsit nr. 303 30. april 2003-meersumi § 4 imaqarpoq aalajangersakkanik imaattunik:

”§4. Inatsit Savalimmiunut aamma Kalaallit Nunaannut atuutinngilaq, kisianni Kunngip peqqussutaatigut tamakkiisumik ilaannakuusumilluunniit nunanut taakkununga atortuulersinneqarsinnaavoq savalimmiuni imaluunniit kalaallit nunanni pissutsit immimmut ittut atuuttut iluarsiiiffigalugit”.

²² Inatsit nr. 226 31 marts 2004-meersumi § 6 imaqarpoq aalajangersakkanik imaattunik:

” § 6 Inatsit Savalimmiunut aamma Kalaallit Nunaannut atuutinngilaq, kisianni Kunngip peqqusstaatigut tamakkiisumik ilaannakuusumilluunniit nunanut taakkununga atortuulersinneqarsinnaavoq savalimmiuni imaluunniit kalaallit nunaanni pissutsit immikkut ittut atuuttut iluarsiiiffigalugit”.

³³ Inatsit nr. 246 27. marts 2006-imeersumi § 8 imaqarpoq aalajangersakkanik imaattunik:

”*Imm. 1.* Inatsit Savalimmiunut aamma Kalallit Nunaannut atuutinngilaq.

Imm. 2. Taamaattoq inatsimmi §§ 1-4 aamma 6 Kunngip peqqussutaatigut tamakkiisumik ilaannakuusumilluunniit nunanut taakkununga atortuulersinneqarsinnaavoq savalimmiuni imaluunniit kalaallit nunaanni pissutsit immikkut ittut atuuttut iluarsiiiffigalugit”.

⁴⁴ Inatsit nr. 455 22. maj 2006-imeersumi § 4 imaqarpoq aalajangersakkanik imaattunik:

”§ 4. Inatsit Savalimmiunut aamma Kalaallit Nunaannut atuutinngilaq, kisianni Kunngip peqqussutaatigut nunaut taakkununga atortuulersinneqarsinnaavoq, savalimmiuni imaluunniit kalaallit nunaanni pissutsit immikkut ittut atuuttut iluarsiiiffigalugit”.

Tunniunneqarpoq Christiansborg Slot-imi, ulloq 23.juni 2008

Kunngiussutsitsinnik Atsiorpugut Naqissusiillutalu

MARGRETHE R.

/Bendt Bendtsen